

# Gen Bin Tagisi Matyu da Mandagit

## But piso gen

Matyu unun Juda amin kinda, mani Rom gapman dakon pi amini egek takis timit timit pi agit. Unun pi anjakwan Yesu da yan iban pañdetni dagagit.

Gen Bin Tagisi Matyu da mandagit unungwan Yesu miktimon egipgut bisapmon yo morap noman tañ imgwit dakon geni toñ. Unun papiagwan mibiltok yo ni da Maria kon noman tañakwa Yesu aňalagit unun do yosok. Añek pi morap agiron da wigi gen yan imiñek aňakba kimakgit. Ae kimoron da ae pidagit añek amin kabi egipgwit unun yopmanñ Kwen Kokup wigigit unun do yosok.

Yo madep kinda Matyu da nolisak unun yan, kalip Piñkop da yo ak do yan teban tok agit, ae Sañbek Sañbek Papia Kalipmikon mandabi, unun Yesu da aripmi aban bami toñ agit. Piñkop da Israel amin yokwikon bañ timit do amin kinda yabet do yan teban tok agit. Do on papia da Yesu do unun amin mani yañsi nolisak. Unun papia Matyu da mandagitgwan gen morapmi unun kalip kombi amin da yawit unun bami toñ awit do yosok.

Ae yo madep kinda Matyu da yosok. Kwen Kokupmon ae miktimon Piñkop dakon Amin Kila Agakni unun do yosok. Yesu da pi agit do añek Piñkop miñat amin morap dakon kila amin madep egisak. Egek miñat aminyo morap iyi dakon galaktok yol kimagek egipni do nandisak.

Matyu kon Yesu da Piñkop gen dubagisi 5 kabi yagit. Mibiltok unun kilapmi 5 mon da 7 non tosok. Unungwan Yesu da ileñon Piñkop gen yagit. Piñkop dakon miñat amin kabi da aňpak ani unun do nolisak. Gen dubagisi 2 unun kilapmi 10 non tosok. Unun Yesu da pañdet kabini kiñek iyi dakon geni aminon yan teñteñañek yo ni bañ ani unun do yoyigit.

Gen dubagisi 3 yagit unun kilapmi 13 non tosok. Unudon Yesu da Piñkop dakon Amin Kila Agakni dakon aňpak do miñat aminyo tilak genon da yoyigit. Gen dubagisi 4 yagit unun kilapmi 18 non tosok. Unudon Yesu da miñat aminyo iyi dakon pañdet egek ni aňpak bañ ani unun do yagit. Ae gen dubagisi 5 yagit unun kilapmi 24 kon da 25 mon tosok. Unudon Yesu da mibi gildaron yo noman tokdañ unun do yagit.

## Yesu miktimon altagit

(Kilapmi 1.1–4.16)

### Yesu dakon babikni dakon man silip

(Lk 3.23-38)

**1** <sup>1</sup> On man silip unun Yesu Kristo dakon babikni dakon man silip. Yesu unun Dewit da kabikon nani. Anjakwan Dewit unun Abraham da kabikon nani.

<sup>2</sup> Abraham unun Aisak dakon datni.

Aisak unun Jekop dakon datni

Jekop unun Juda gat ae peni padik padikni gat dakon datni.

<sup>3</sup> <sup>b</sup> Juda unun Peres gat Sera gat dakon datni. (Meñi unun Tamar.)

Peres unun Esron dakon datni.

Esron unun Ram dakon datni.

<sup>4</sup> Ram unun Aminadap dakon datni.

Aminadap unun Nason dakon datni.

Nason unun Salmon dakon datni.

<sup>5</sup> <sup>c</sup> Salmon unun Boas dakon datni. (Meñi unun Reap.)

Boas unun Obet dakon datni. (Meñi unun Rut.)

Obet unun Jesi dakon datni.

<sup>6</sup> <sup>d</sup> Jesi unun kila amin madep Dewit dakon datni.

Anjakwan Dewit unun Solomon dakon datni. (Solomon dakon meñi kalip Uria dakon miñatni egipgut.)

<sup>7</sup> Solomon unun Reoboam dakon datni.

Reoboam unun Abiya dakon datni.

Abiya unun Asa dakon datni.

<sup>8</sup> Asa unun Jeosapat dakon datni.

Jeosapat unun Jeoram dakon datni.

Jeoram unun Usia dakon datni.

<sup>9</sup> Usia unun Jotam dakon datni.

Jotam unun As dakon datni.

As unun Esekia dakon datni.

<sup>10</sup> Esekia unun Manase dakon datni.

Manase unun Emon dakon datni.

Emon unun Josaia dakon datni.

<sup>11</sup> <sup>e</sup> Josaia unun Joiakin gat ae notni kabi gat dakon datni.

(Unun amin kabi da bisapmon Israel amin uwalni da timik Babilon miktimon pañki yopba egipgwit.)

<sup>a</sup> 1.1 WW 22.18; 1KAG 17.11    <sup>b</sup> 1.3 WW 38.29-30; Ru 4.18-22    <sup>c</sup> 1.5 Ru 4.13-17

<sup>d</sup> 1.6 2Sa 12.24    <sup>e</sup> 1.11 2Ka 22-24; 2KAG 36.10; Jer 27.20

12 <sup>f</sup>Babilon paŋki egipgwit bisapmon, Joiakin uŋun Sealtiel dakon datni.

Sealtiel uŋun Serubabel dakon datni.

13 Serubabel uŋun Abiut dakon datni.

Abiut uŋun Eliakim dakon datni.

Eliakim uŋun Aso dakon datni.

14 Aso uŋun Sadok dakon datni.

Sadok uŋun Akim dakon datni.

Akim uŋun Eliut dakon datni.

15 Eliut uŋun Eleasa dakon datni.

Eleasa uŋun Matan dakon datni.

Matan uŋun Jekop dakon datni.

16 Jekop uŋun Josep dakon datni.

Josep uŋun Maria dakon eni.

Aŋakwan Maria da Yesu aŋalagit. Yesu uŋun Kristo yaŋ iyaŋ.

17 Abrahamon da wiŋ Dewiron dagagit uŋun babikni 14 kabi.

Aŋakwan Dewiron da wiŋ uwalni da timik Babilon miktimon paŋkiwit bisap uŋun babikni 14 kabi.

Aŋakwan Babilon egipgwiron da wiŋ Kristo altagit uŋun kisi babikni 14 kabi.

### Yesu altagit

(Lk 2.1-7)

18 <sup>g</sup>Yesu Kristo altagit uŋun dakon gen yaŋ. Meŋi Maria uŋun Josep da pasak do kili manjiwit. Mani dima paŋakwan Maria uŋun monji kwap kili awilgit. Monji kwap awilgit uŋun Telagi Wup da tapmimon da awilgit. 19 Aŋakwan Josep uŋun Maria monji kwapni kinda awilak yaŋ nandajek yipmaŋ det do nandagit. Mani eni amin kilegi do amin morap da iŋamon Maria mayagi im do dima nandagit. Yaŋ do aŋek pasilikon da kirinjik im do nandagit.

20 Josep yaŋ nandajek egakwan Amin Tagi dakon aŋelo kinda da dipminon altaŋ imiŋek yaŋ iyigit, “Josep, Dewit da kabikon nani, Maria da monji kwap uŋun Telagi Wup da tapmimon awilak, do Maria pak do dima pasolgi. 21 <sup>h</sup>Uŋun monji wili aŋalaŋban miŋat amin kabini diwarini wiririgek iyi do timitdisak, do mani Yesu yaŋ iyiki.”

22 Uŋun yo morap altaŋakwa Amin Tagi da kombi amin aŋtagap aban gen yagit uŋun bami noman tagit. Gen uŋun yaŋ tosok.

23 <sup>i</sup> “Nandaki. Miŋat kinda amin gat dima pakbi kinda da monji kwap awilek monji wili kinda aŋalagak.

Aŋalaŋban mani Emanuel yaŋ yoni.”

<sup>f</sup> 1.12 Esr 3.2   <sup>g</sup> 1.18 Lk 1.27,35   <sup>h</sup> 1.21 Lk 1.31; 2.21   <sup>i</sup> 1.23 Ais 7.14

(Emanuel dakon mibili unun yan: “Piŋkop nin gat egisak.”)

<sup>24</sup>Josep dipminon da pidaŋek Amin Tagi dakon anjelo da gen iyigit unun guramiŋek miŋatni Maria pagit. <sup>25</sup>Mani kalonji dima pagek egi wigi Maria da monji wili kinda anjalagit. Anjalamban Josep da mani Yesu yan iyigit.

**Gik dakon mibili nandak nandak amin Yesu kok do apgwit**

**2** <sup>1</sup>Judia miktimon kokup kinda mani Betlehem unudon Maria da Yesu anjalagit. Unun bisapmon Erot da kila amin madep yikgit. Yesu altaŋakwan nandak nandak amin gildat wisak tetgin da Jerusalem kokup papmon apgwit. <sup>2</sup><sup>k</sup>Abiŋ Jerusalem amin yan yoyiwit, “Juda amin dakon kila amin madep altagit unun dukwan yikdak? Nin gikni gildat wisak tetgin da kaŋek gawak im do abamaŋ.”

<sup>3</sup>Kila amin madep Erot gen yawit unun nandaŋek wiripdakgit. Ae amin morap Jerusalem egipgwit ununyo kisi yan gin nandaŋek wiripdakgit. <sup>4</sup>Erot da gen unun nandaŋek Israel amin dakon mukwa sogok amin dakon amin madep kabi gat ae gen teban yoyiŋdet amin gat yan yoban abiŋ muwukgit. Muwukba yan yoyigit, “Kristo ni kokupmon altosak do yanbi?”

<sup>5</sup>Yanban kobogi yan iyiwit, “Judia miktimon Betlehem kokupmon altosak. Kombi amin kinda da kalipsigwan yan mandagit,

<sup>6</sup><sup>l</sup> ‘Betlehem, Judia miktimon tosok, gagon kila amin madep kinda altokdisak,

do gak Judia miktim dakon kokup morap yapmaŋdal.

Unun amin da amin kabino Israel unun dakon kila amin madep egipdisak.’ ”

<sup>7</sup>Yan yanba nandaŋek yoyiŋban kiwit. Kiŋakwa pasilikon da gik dakon mibili nandak nandak amin Erot da yoyiŋban apgwit. Apba yan yoyigit, “Gik unun ni bisapmonsialtagit?” <sup>8</sup>Yoyiŋban gik noman tagit dakon bisap iyinba nandaŋek Betlehem kokupmon yabegek yan yoyigit, “Ji kiŋ monji unun kilegisi wusiŋ koni. Kaŋek abiŋ nayiŋba nakyo kisi kiŋ gawak ibeŋ.”

<sup>9</sup>Yan yanban nandaŋek kiŋakwa gik gildat wisak tetgin da kalip kawit aeni altaŋ yomgut. Gik unun kiŋakwan yol anki Monji si pakgit yut da tilagon yikban kawit.

<sup>10</sup>Gik unun kaŋek but galak madepsi <sup>11</sup><sup>m</sup>nandaŋek yutnon wigeŋ Monji gat meŋi Maria gat pindakgit. Pindagek ŋwakbeŋ anek Monji gawak imgwit. Yan anek yikni witdalek gol ae yo diwari kibani tagisi yumaŋ nogi wukwi but galak do imgwit.

<sup>12</sup>Piŋkop da dipminon Erot do dima tobiŋ kini do yoyiŋban nandaŋek kosit ŋwakŋwari naŋ miktimmikon si kiwit.

### Josep gat miñatni Monjiyo gat Isip miktimon kiwit

<sup>13</sup>Nandak nandak amin unun kinj mudanəkwa, Amin Tagi dakon aņelo da Josep dipminon altaņ imiņek yaņ iyigit, “Erot da Monji aņakban kimotjak do wisikdisak, do gak pidaņ monji űakņak gat meni gat timikbi Isip miktimon pasal kini. Isip sigin egakwa nak da aesi apni do don gayiker.”

<sup>14</sup>Yaņban unudon gin Josep unun kalbi monji űakņak gat meni gat timikban Isip kik do kosit wasawit. <sup>15</sup>Yaņ aņakwa kombi amin kinda da kalipsigwan gen yagit unun bami noman tagit. Amin Tagi da antagap aban yaņ yagit:

“Monjino Isip egisak unun opjak do yaņ imisat.”

Josep gat miñatni Monjiyo gat Isip miktimon paņki egakwa Erot don kimakgit.

### Erot da yaņban monji wili morapmi dapgwit

<sup>16</sup>Erot da nandak nandak amin nak aņkewalaņ yaņ nandaņek butjap madepsi nandagit. Yaņ nandaņek Betlehem kokupmon ae kokup moniņ moniņ Betlehem da kapmatjok tawit unudon monji wili morap bilakni bamori dima yapbi unun emat amini da kisisi dapmaņ mudoni do gen teban yipgut. Nandak nandak amin da gik ni bisapmon noman tagit unun kili iyiwit, do monji morap unun bisapmon altawit unun kisi kimotni do gen teban yipgut. <sup>17</sup>Yaņ aban kombi amin Jeremaia da kalipsigwan gen yagit unun bami noman tagit. Gen unun yaņ:

<sup>18</sup> ° “Rama kokupmon kunam ae bupmi kapyo madepsi altosok.

Resel unun monji kimakgwit unun do nandaņek kunam madepsi takdak.

Monjini kisi kimakgwit, do amin da buri aņteban ak do aņtidok aņ. Kunamni kiriņik imni do dima nandagit.”

### Josep gat miñatni Monjiyo gat aeni tobil opgwit

<sup>19</sup>Erot kimagakwan Amin Tagi dakon aņelo da Isip miktimon Josep dipminon altaņ imgut. <sup>20</sup>Altaņ imiņek yaņ iyigit, “Monji aņat do yawit amin unun kili kimakgwit. Do gak pidaņ Monji gat meni gat timikbi aesi tobil Israel miktimon kini.”

<sup>21</sup>Yaņban Monji gat meni gat timikban Israel kiwit. <sup>22</sup>Mani Erot kimagakwan monji Akelas da kila amin madep tamoni abidaņek Judia miktim kila agit, do Judia miktimon kik do pasalgit. Josep dipminon gen kinda yaņ nandagit, “Ji Judia miktimon dima kini. Galili tetgin do kini.”

<sup>23</sup>Unun nandaņek kokup kinda mani Nasaret, Galili miktimon tosok, unudon paņki egipgwit. Yaņ aba kombi amin dakon gen bami noman tagit. Gen unun yaņ: “Nasaret amin yaņ iyini.”

<sup>n</sup> 2.15 Os 11.1   ° 2.18 WW 35.19; Jer 31.15   P 2.23 Ais 11.1; 53.2; Lk 2.39; Jn 1.45

**Telagi Pakbi Sogok Amin Jon da gen yagit**  
(Mk 1.2-8; Lk 3.1-18; Jn 1.19-28)

**3** <sup>1</sup>Uñun bisapmon Telagi Pakbi Sogok Amin Jon uñun abiñ altagit. Abiñ altañek Judia miktimon amin da aripmi dima egipmi timon miñat aminyo uñudon kwa Piñkop gen yoyigit. <sup>2</sup>Yoyiñek yañ yagit, “Piñkop da Amin Kila Asak uñun dakon bisap kwañ toso, do ji but tobil ani.” <sup>3</sup>Kalipsigwan kombi amin Aisaia da Jon do gen yañ mandagit: “Miktim amin da aripmi dima egipmi timon amin kinda da yañ tidañek yosok, ‘Amin Tagi dakon kosit anđimdim ani, kositni pasiñ anmiliñ ani.’” <sup>4</sup>Jon da ilikba pigik pañ egipgut uñun bit madep kinda mani kamel uñun dakon dañgwani bañ wasañbi. Añek bit giñ kinda nañ bobañ napmi do wamgut. Japni uñun pilak pilak ae kabañ kok. <sup>5</sup>Amin morapmi Jerusalem kokup papmon egipgwit, ae Judia miktimon egipgwit, ae Jodan Pakbi teri teri egipgwit uñun kisi Jonon kiwit. <sup>6</sup>Kiñ yokwini yañkwok añaqwa Jodan Pakbikon telagi pakbi soñ yomgut. <sup>7</sup>Añaqwan Parisi amin morapmi gat Sadyusi amin morapmi gat telagi pakbi soñ yomjak do Jonon apgwit. Apba pindagek yañ yoyigit, “Ji tuñon amin emari toñ dakon gwakni kabi, Piñkop da butjap nandañek yokwi pakpak do yo yokwisi añ yomdisak. Piñkop dakon butjap apdisak namin da uñun dakon but piso dayik da uñun yap do pasal kwañ?” <sup>8</sup>Ji but tobil bamisi añek añaqjikon but tobil dakon bami añaalon ani. <sup>9</sup>Ji disi do ‘Nin Abraham dakon babikni’ yañ dima yoni. Yañsi dayisat, Piñkop da yañban on tip kabi da Abraham dakon babikni tagi dagoni. Ji uñun Abrahamon da altawit uñun da yo madep dima asak. <sup>10</sup>Pareñka uñun kindap mibilon yipbi da toso. Kindap morap bami tagi dima toni uñun mandañ kindapmon maba pigi sokdañ. <sup>11</sup>“Nak amin pakbisi bañ telagi pakbi soñ yomisat uñun amin but tobil bami añ dakon tilak asak. Mani nak da manjikon abisak amin uñun dakon tapmim da nak dakon tapmim yapmañdak. Nak yombem yokwi da kindap gwilni tagi dima abidañ awili. Uñun amin da Telagi Wup gat ae kindap gat soñ damdisak. <sup>12</sup>Uñun wit dakon sibiñ sibiñ wiririt kindap kiriñni kisitnikon tañakwan apdisak. Abiñek bami kokwinik tamonikon yopmañek sibiñ sibiñ wiririk maban kindap kimot kimori mini uñudon sokdañ.”

**Yesu telagi pakbi sogit**  
(Mk 1.9-11; Lk 3.21-22)

<sup>13</sup>Uñun bisapmon Yesu Galili Provins yipmañek Jodan Pakbikon, Jon da telagi pakbi soñ imjak do opgut. <sup>14</sup>Mani Jon da kiriñjik imiñek yañ

<sup>q</sup> 3.2 Mt 4.17; Mk 1.15    <sup>r</sup> 3.3 Ais 40.3    <sup>s</sup> 3.4 2KA 1.8    <sup>t</sup> 3.7 Mt 12.34; 23.33

<sup>u</sup> 3.9 Jn 8.33,39; Ro 4.12    <sup>v</sup> 3.10 Mt 7.19; Lk 13.6-9    <sup>w</sup> 3.11 Jn 1.26-27,33; Ya 1.5

iyigit, “Nak da telagi pakbi soŋ gabeŋ do abil, unjun tagi dima. Gak da telagi pakbi soŋ nabi kaŋ, unjun da tagi asak.”

<sup>15</sup>Yaŋ yaŋban Yesu da iyigit, “Dima, gak telagi pakbi soŋ nabi. Yaŋ aŋaki Piŋkop da yo morap aneŋ do nandisak unjun kindasok dima yapmaŋek kisisi aŋ mudoneŋ.” Yaŋban Jon da geni guramikgit.

<sup>16</sup>xPakbi soŋek Yesu pakbikon da wigit. Wiŋek unjudon gin kundu witdal kiŋakwan Yesu yaŋ kagit, Piŋkop dakon Wup kinarim da miktimon paŋ unjun da tilak piŋ kwenikon yikgit.

<sup>17</sup>yAŋakwan Kwen Kokupgwan da gen kinda yaŋ altagit: “Unjun Monjino. Butno unjun do tagisi aŋakwan but dasi galak taŋ imisat.”

### Sunduk da Yesu aŋkewalgit

(Mk 1.12-13; Lk 4.1-13)

**4** <sup>1</sup>Unjun bisapmon Telagi Wup da Yesu Sunduk da aŋkewaljak do miktim amin da aripmi dima egipmi timon aŋkigit. <sup>2</sup>aAŋki yipban Piŋkop do nandaŋek jap kelek egakwan gildat 40 ae pilin 40 mudagit, do jap do agit. <sup>3</sup>Aŋakwan Paŋkewal Amin da abiŋ altaŋ imiŋek yaŋ iyigit, “Gak asi Piŋkop dakon Monji egisalon yoyiŋbi tip on da bret dagabit.”

<sup>4</sup>bMani Yesu da kobogi yaŋ iyigit, “Piŋkop da papiakon gen yaŋ tosoke:

‘Bret dagin amin egip egip tagi dima yomjak.

Piŋkop dakon gen kisi morap paŋek egip egip paŋ.’ ”

<sup>5</sup>Yaŋ yaŋban Sunduk da Yesu aŋaŋ Piŋkop dakon telagi kokup papmon Jerusalem aŋaŋ kigit. Aŋki Telagi Yut Madep da kwenon kwensi yiŋgut. <sup>6</sup>cYipmaŋek yaŋ iyigit, “Piŋkop papiakon gen yaŋ tosoke:

‘Unjun da aŋeloni yoyiŋban kilago tagisi ani. Ae kandapgo tipmon dima gitni yaŋ do aŋelo da gak kisit da kendak abiŋ gepni.’

Gen yaŋ tosoke, do gak asi Piŋkop dakon Monji kaŋ, gak amon mibilikon paŋ ma.”

<sup>7</sup>dMani Yesu da yaŋ iyigit, “Piŋkop dakon papia da gen kinda gat yaŋ yosoke,

‘Amin Tagi Piŋkopji dakon tapmim kok do aŋek dimasi aŋkewaldo.’ ”

<sup>8</sup>Sunduk da aeni Yesu iyiy aŋaŋ ileŋ dubagisi kindakon awigigit. Awigi on miktimon miktim madep madep morap kisi ae unjudon yo tilimni toŋ gat kisi yoligit. <sup>9</sup>Yoliŋek yaŋ iyigit, “Ŋwakbeŋ aŋek gawak nabi kaŋ, on yo morap kisi gabeŋ.”

x 3.16 Jn 1.32 y 3.17 Kap 2.7; Ais 42.1; Mt 12.18; 17.5; Lk 9.35 z 4.1 Ibr 2.18; 4.15  
a 4.2 TP 34.28 b 4.4 GT 8.3 c 4.6 Kap 91.11-12 d 4.7 GT 6.16

<sup>10</sup>e Yanġban Yesu da yaŋ iyigit, “Sunduk gak nepmaŋdet! Piŋkop dakon papia da yaŋ yosok:

‘Amin Tagi Piŋkopji uŋun naŋ gin gawak imiŋek oman aŋimni.’”

<sup>11</sup>Yaŋ iyinġban Sunduk Yesu yipmaŋ dek kiŋakwan aŋelo da abiŋ Yesu aŋpulugawit.

**Yesu Galili miktimon pi wasagit**

*(Mk 1.14-15; Lk 4.14-15)*

<sup>12</sup>f Yesu Jon dam tebanon yipgwit yaŋ nandaŋek tobil Galili miktimon kigit. <sup>13</sup>Nasaret kokup yipmaŋek

Kapaneam kokupmon kiŋ uŋudon egipgut. Kapaneam uŋun Galili Pakbi idap ileŋikon, Sebulan ae Naptali miktimon uŋudon toso.

<sup>14</sup>Kapaneam kokupmon ekwan kombi amin Aisaia da gen kinda yagit uŋun bami noman tagit. Gen uŋun yaŋ:

<sup>15</sup>g “Sebulan miktim, ae Naptali miktim, Jodan Pakbi usugap tet do Galili miktimon tomal.

Uŋun miktim bamot kosit tapmon pikwaŋ miktimon tomal.

Galili miktimon Amin Iŋwakŋwari Kabikon nani morapmi ekwaŋ.

<sup>16</sup>Uŋun amin pilin tukgwan egek kimot do pasolgoŋ, mani uŋun da teŋteŋi madep altaŋ yoban kili kaŋ.”

**Yesu da Piŋkop da Amin Kila Asak uŋun dakon Gen Bin Tagisi yaŋ teŋteŋek sot amin paŋmilip agit**

*(Kilapmi 4.17–9.34)*

**Yesu da pini wasaŋek paŋdetni diwari timikgit**

*(Mk 1.16-20; Lk 5.1-11)*

<sup>17</sup>h Uŋun bisapmon Yesu wasaŋek Piŋkop dakon gen yaŋ teŋteŋek yaŋ yagit, “Piŋkop da Amin Kila Asak uŋun dakon bisap kwaŋ toso, do ji but tobil ani.”

<sup>18</sup>Yesu da Galili Pakbi idap kidipmiŋ agek tap kilap do pi agak amin bamori pindakgit. Kinda uŋun mani Saimon (ae mani kinda Pita), uŋun gat ae padige Andru gat pindakgit. Uŋun amin bamot tap kilap simil simil yikni pakbi idapgwan mabal pigakwan egipgumal. <sup>19</sup>Uŋun amin bamot pindagek Yesu da yaŋ yoyigit, “Abiŋ nak nolgil, aŋakwal amin timit timit dakon kosit doliko.” <sup>20</sup>Yaŋban uŋudon gin tap kilap simil simil yikni yopmaŋek yolgimal.

<sup>e</sup> 4.10 GT 6.13    <sup>f</sup> 4.12 Mt 14.3; Mk 6.17; Lk 3.19-20    <sup>g</sup> 4.15-16 Ais 9.1-2    <sup>h</sup> 4.17 Mt 3.2; 19.27



<sup>21</sup> Yesu timisok di kiñek ae amin bamori gat pindakgit, kinda unun Jems, Sebedi dakon monji, ae padige Jon. Unun bamot gat datni gat boron yigek tap kilap simil simil yikni bisawik pañmilip anyo anjakwal pindakgit. Pindagek yañ yoban <sup>22</sup> nandañek unudon gin botni gat datni Sebedi gat yopmañek yolgimal.

**Yesu Piñkop gen yañek sot amin pañmilip agit**  
(Lk 6.17-19)

<sup>23</sup> <sup>i</sup>Yesu Galili miktim morap kisi agek muwut muwut yutnikon amin yoyiñ dekgit. Añek Piñkop da amin kila akdisak dakon Gen Bin Tagisi yoyiñ tenjenagit. Yañ añek sotni toñ ae giptimni yokwisi awit amin kisi morap pañmilip agit. <sup>24</sup> <sup>j</sup>Yañ anjakwan gen bini da kiñ ireñtañ Siria miktim kisi aripmi agit. Do amin da sot amin mibili mibili gat, ae amin giptimikon tepmi madepsi pawit amin gat, ae koñni toñ gat, ae sot kinda unun amin miktimon mañ pagek giptimni nimnimikgañ unun gat, ae kidari alek tañbi unun kisi pañapba Yesu da pañmilip agit. <sup>25</sup> <sup>k</sup>Añakwan Galili miñat amin morapmi gat, ae Dekapolis amin gat, ae Jerusalem, ae Judia, ae Jodan Pakbi usugap tet amin gat kisi da Yesu yolgwit.

**Yesu ileñon Piñkop dakon gen yagit**

**5** <sup>1</sup> Yesu miñat amin kabi madep pindagek ileñon pawigi yigakwan pañdet kabini iyi yikgiron apgwit.

<sup>2</sup> Apba yoyiñ degek yañ yoyigít,

**Kisik kisik bamisi dakon mibili yagit**  
(Lk 6.20-23)

<sup>3</sup> <sup>l</sup> “Amin morap iyi do nak butnokon yo tagi minisi yañ nandañ amin, unun amin da Piñkop da Amin Kila Asak da kagagwan ekwañ, do unun kisik kisik ekwañ.

<sup>4</sup> <sup>m</sup> Amin morap burikon da bupmi kunamyó madep añ, unun Piñkop da butni pañteban akdisak, do unun kisik kisik ekwañ.

<sup>5</sup> <sup>n</sup> Amin morap iyi do nandaba pañ, unun Piñkop da yo morap yom do yagit unun yoban timítdañ, do unun kisik kisik ekwañ.

<sup>6</sup> <sup>o</sup> Amin morap añañpak kilegi do amin da jap pakbiyo do nandañ unudeñsi nandañ amin, unun Piñkop da aripnikon yoban tugokdañ, do unun kisik kisik ekwañ.

---

<sup>i</sup> 4.23 Mt 9.35; Mk 1.39; Ya 10.38    <sup>j</sup> 4.24 Mk 6.55    <sup>k</sup> 4.25 Mk 3.7-8    <sup>l</sup> 5.3 Ais 57.15  
<sup>m</sup> 5.4 Ais 61.2-3; PA 7.17    <sup>n</sup> 5.5 Kap 37.11    <sup>o</sup> 5.6 Ais 55.1-2

7 Amin morap notni do bupmi nandaŋ, uŋun amin Piŋkop da bupmi nandaŋ yomdisak,  
do uŋun kisik kisik ekwaŋ.

8 Amin morap buri kilegisi toŋ, uŋun amin da Piŋkop kokdaŋ,  
do uŋun kisik kisik ekwaŋ.

9 Amin morap emat pidokyo aŋakwa nawa gen yoŋ amin do, amin da Piŋkop dakon monjini yaŋ yoyikdaŋ,  
do uŋun kisik kisik ekwaŋ.

10 <sup>p</sup>Amin morap aŋpak kilegi aŋakwa aŋpakni kilegi do aŋek amin da yokwi aŋyomaŋ, uŋuden amin da Piŋkop da Amin Kila Asak da kagagwan egipdaŋ,  
do uŋun kisik kisik ekwaŋ.

11 <sup>q</sup>“Amin da ji do Yesu dakon amin kabi yaŋ yaŋek yaŋba yokwi tok, ae top gen mibili mibili yaŋ damni, ae yokwiyo kisi aŋdamni kaŋ, ji kisik kisik ani. 12 <sup>r</sup>Kalip kombi amin yaŋ gin dapmaŋ yolyo awit. Do jiyi kisi aŋpakji kilegi dakon tomni wukwisi Kwen Kokupmon timitdaŋ, do but galak nandaŋek kisik kisik ani.”

### **Ji amin dakon tap ae teŋteŋi ekwaŋ**

*(Mk 9.50; Lk 14.34-35)*

13 Yesu da saŋbeŋek yaŋ yagit, “Ji amin dakon tap ekwaŋ. Mani tap galagini pasilni kaŋ, niaŋsi aŋek galagini aŋkaluk aneŋ? Galagini yipmaŋ detjak kaŋ, pini mini. Isal maba kwa amin da bamoŋ.

14 <sup>s</sup>“Ji amin dakon teŋteŋi yombem da ekwaŋ. Kokup madep kinda ileŋon taŋban yo kinda da aripmi dima aŋyongam asak. 15 <sup>t</sup>Amin da lam koleŋ kwoba baŋ dima witjiŋba toŋ. Kwen tamonikon yopba yut kagagwan amin ekwaŋ uŋun kisi teŋteŋaŋ yomaŋ. 16 <sup>u</sup>Yaŋgin, teŋteŋisi da amin da dabilon teŋteŋosak. Yaŋ aŋakwa amin da aŋpakji tagisi kaŋek Kwen Kokup Datji aŋkisini.”

### **Piŋkop dakon gen teban do yagit**

17 <sup>v</sup>Yesu da saŋbeŋek yaŋ yagit, “Nak gen teban ae kombi amin dakon gen abo kiŋ isali asak do dima pigim. Gen teban ae kombi amin dakon gen bami toŋ aŋmudoni do pigim. 18 <sup>w</sup>Nak asisi dayisat, kundu gat miktim gat tonjil da aripmon gen teban dakon gen jimjimjok kinda dima pasildisak. Gen kisi morap taŋ bami toŋ akdaŋ. 19 <sup>x</sup>Amin kinda da gen teban moniŋisok kinda yapmaŋek amin diwari yaŋ gin ani do yoyiŋdetjak kaŋ, uŋun amin Kwen Kokup Piŋkop da Kila Asak kokupmon mani piŋbisi. Mani amin kinda da gen

p 5.10 1Pi 3.14 q 5.11 1Pi 4.14 r 5.12 2KAG 36.16; Ya 7.52 s 5.14 Jn 8.12;  
9.5 t 5.15 Mk 4.21; Lk 8.16; 11.33 u 5.16 Ep 5.8-9; 1Pi 2.12 v 5.17 Ro 3.31  
w 5.18 Lk 16.17; 21.33 x 5.19 Jem 2.10

teban guramigek amin diwari yaŋ gin ani do yoyiŋdetjak kaŋ, uŋun amin Kwen Kokup Piŋkop da Kila Asak kokupmon mani wukwisi. <sup>20</sup>Asisi dayisat, ji dakon aŋpak kilegi uŋun da gen teban yoyiŋdet ae Parisi amin dakon aŋpak dima yapni kaŋ, ji Piŋkop da Kwen Kokup Kila Asagon dima wigikdaŋ.”

### Amin dapba kimokgoŋ dakon gen

(Lk 12.57-59)

<sup>21</sup>Yesu da saŋbeŋek yaŋ yaŋit, “Gen kinda babak da abidawit uŋun ji kili nandawit. Gen uŋun yaŋ:

‘Amin dima dapba kimotni. Amin kinda da amin kinda aŋakban kimotjak kaŋ, uŋun amin gen pikon kisak.’ <sup>22</sup>Mani nak yaŋ dayisat, amin kinda notni do butjap nandisak kaŋ, uŋun amin gen pikon kisak. Ae amin kinda notni do yaŋba yokwi tok asak kaŋ, uŋun amin gen kokwin amin kabi madepmon kisak. Ae amin kinda da amin kinda ‘Gak nandaŋ kokwingo tagi mini!’ yaŋ iyisak kaŋ, uŋun amin Tipdom dakon kindap tebanon pigisak.

<sup>23</sup> <sup>a</sup> “Do paretgo altakon paŋobeŋek notgo kinda da nandaba yokwi tok aŋgamisak yaŋ nandisak kaŋ, <sup>24</sup>paretgo alta da kapmatjok yopbi toni. Yopbi taŋakwa mibiltok gak kwi notgo uŋun gat but kalon anjil. But kalon aŋek don kiŋ Piŋkop do paret aki.

<sup>25</sup> “Amin kinda da gen pikon gep do gen yaŋ gaban kaŋ, jil gen pi tamokon kik do aŋek kosiron kiŋek gen uŋun tepmisi aŋmilip ak do pi anjil. Yaŋ dima anjil kaŋ, uŋun amin da gen kokwin kila agak amin da kisiron gepban uŋun da obip amin da kisiron gepban dam teban yutnon gepdisak. <sup>26</sup>Asisi gayisat, gak dam tebanon sigin egaki wigi moneŋ niaŋ yopbi do gayini uŋun kisisi yopmaŋek don waŋga kikkisal.”

### Miŋat yumabi ae wili yumabi dakon gen

<sup>27</sup><sup>b</sup>Yesu da saŋbeŋek yaŋ yaŋit, “Ae gen kinda babak da abidawit uŋun ji kili nandawit. Gen uŋun yaŋ:

‘Miŋat eyo kili abi amin ji yumabi aŋpak dima ani.’

<sup>28</sup>Mani abisok nak da yaŋ dayisat, amin kinda miŋat kinda kaŋek uŋun do galak taŋ imjak kaŋ, uŋun amin butnikon da yumabi kili ak.

<sup>29</sup>“Dabiŋgo amin tet da yokwikon gepban kaŋ, pilik mabi kisak. Giptim diwatgo kinda pasijjak kaŋ, uŋun da yo madep dima asak. Mani giptimgo kisi kalon maba Tipdomon pigisak kaŋ, uŋun da jigisi. <sup>30</sup><sup>d</sup>Ae kisitgo amin tet da yokwikon gepban kaŋ, mandaŋ dagaŋ mabi kisak. Giptim diwatgo kinda pasijjak kaŋ, uŋun da yo madep dima asak. Mani giptimgo kisi kalon maba Tipdomon pigisak kaŋ, uŋun da jigisi.”

<sup>y</sup> 5.21 TP 20.13; GT 5.17    <sup>z</sup> 5.22 1Jn 3.15    <sup>a</sup> 5.23 Mk 11.25    <sup>b</sup> 5.27 TP 20.14; GT 5.18  
<sup>c</sup> 5.29 Mt 18.9; Mk 9.47    <sup>d</sup> 5.30 Mt 18.8; Mk 9.43

**Miŋat paŋ kwinit dakon gen**  
(*Mt 19.9; Mk 10.11-12; Lk 16.18*)

<sup>31</sup> <sup>e</sup>Yesu da saŋbeŋek yaŋ yagit, “Kalip gen yaŋ yawit:

‘Amin kinda miŋatni kwinit do kaŋ, miŋat paŋkwinit dakon but piso papia kinda miŋatni do mandaŋ imjak.’

<sup>32</sup> <sup>f</sup>Mani abisok nak da yaŋ dayisat, miŋatgo kwiniŋk yipbi kwan wili kaluk pasak kaŋ, eni gak da gulusuŋ al, do miŋatgo da yumabi asak. Aŋakwan wili uŋun kaluk pasak uŋun kisi yumabi asak. Do miŋatgo yumabi dima aŋakwan isal dogin dima kwiniŋki.”

**Gen paŋteban ak dima akdo**

<sup>33</sup> <sup>g</sup>Yesu da saŋbeŋek yaŋ yagit, “Ae gen kinda babak da abidawit uŋun ji kili nandawit. Gen uŋun yaŋ:

‘Amin Tagi da dabilon gen yaŋ paŋteban asal uŋun dima yapmaŋek kisi guramiŋek abi.’

<sup>34</sup> <sup>h</sup>Mani nak abisok yaŋ dayisat, gen yaŋ paŋteban ak dimasi ani. Kwen Kokup uŋun Piŋkop dakon kila amin madep yityit tamoni, do Kwen Kokup manon da genji dima paŋteban ani. <sup>35</sup> <sup>i</sup>Ae miktim uŋun Piŋkop dakon kandap yipyip tamoni, do miktim da manon genji dima yaŋ paŋteban ani. Ae Jerusalem uŋun Amin Tagi Madep Wikwisi dakon kokup papni, do Jerusalem da manon genji dima yaŋ paŋteban ani. <sup>36</sup> Ae ji da busuŋ dangwanji kinda kulabik aba kwakwagi bo pili uŋun aripmi dima asak, do busuŋji da manon genji dima yaŋ paŋteban ani. <sup>37</sup> Ji ‘asi’ bo ‘dima’ yaŋ gin yoni kaŋ, uŋun da tagi. Gen uŋun da kwenon saŋbeŋek yoŋ uŋun Yokwi Ami da paŋalon asak.”

**Yokwi aŋdaba kobogi dima aŋyomni**  
(*Lk 6.29-30*)

<sup>38</sup> <sup>j</sup>Yesu da saŋbeŋek yaŋ yagit, “Ae gen kinda babak da abidawit uŋun ji kili nandawit. Gen uŋun yaŋ:

‘Amin kinda da amin kinda dakon dabil aŋupbal asak kaŋ, uŋun amin dakon dabilniyo kisi aŋupbal ani.

Ae amin kinda da amin kinda dakon geni aŋak biripmitjak kaŋ, uŋun amin dakon geni kisi aŋak biripmitni.’

<sup>39</sup> Mani nak da abisok yaŋ dayisat, amin da yokwi aŋdaba kobogi do yokwi dima aŋyomni. Amin kinda da mogim kulbak gikban kaŋ, mogimgo teri kinda kisi aŋtobil ibi. <sup>40</sup> Amin kinda da gen pikon gepmaŋek kobogi do paba

---

<sup>e</sup> 5.31 GT 24.1-4; Mk 10.4    <sup>f</sup> 5.32 1Ko 7.10-11    <sup>g</sup> 5.33 MS 19.12; IDT 30.2; GT 23.21  
<sup>h</sup> 5.34 Ais 66.1; Mt 23.22; Jem 5.12    <sup>i</sup> 5.35 Kap 48.2; Ais 66.1    <sup>j</sup> 5.38 TP 21.24; MS 24.20; GT 19.21

pigikgo abidok do yosak kaŋ, mirim imalگو gat kisi ibi. <sup>41</sup>Ae amin kinda da yikni imegek kosit 1 kilomita kiki do tebaisi gayisak kaŋ, yik uŋun imegek 2 kilomita kiki. <sup>42</sup>Ae amin kinda da yo kinda ibi do gayisak kaŋ, ibi. Ae amin kinda da gagon goman ak do gayiŋban kaŋ, manji dima ibi.”

### Uwalnin but dasi galak taŋ yomneŋ

(Lk 6.27-28; 6.32-36)

<sup>43</sup><sup>k</sup>Yesu da saŋbeŋek yaŋ yaŋit, “Ae gen kinda babik da abidawit uŋun ji kili nandawit. Gen uŋun yaŋ:

‘Notgo do but dasi galak taŋ yomiŋek uwalgo do nandabi yokwi toni.’

<sup>44</sup><sup>l</sup>Mani nak da yaŋ dayisat, ji uwalji do but dasi galak taŋ yomni. Aŋek yokwi aŋdamaŋ amin do bisit ani. <sup>45</sup>Yaŋ aŋek Piŋkop Datji Kwen Kokup egisak uŋun dakon monjinisi egipni. Uŋun da gildatni yipban amin yokwi ae kilegi kisikon mosok. Ae sikak yipban amin aŋpak kilegi aŋ ae yokwi aŋ kisikon mosok. <sup>46</sup>Amin yokwi takis timit timit amin da notni baŋgin but dasi galak taŋ yomaŋ. Jiyo yaŋ gin ani kaŋ, Piŋkop da kobogi do yo tagi kinda dima damdisak. <sup>47</sup>Ji notji baŋgin gildat tagi yaŋ yoyini kaŋ, uŋun da tagi dima asak. Piŋkop dima nandaŋ imaŋ amin kabi kisi yaŋ gin aŋ. <sup>48</sup><sup>m</sup>Kwen Kokup Datji gwaljigi mini kilegisi egisak, do jiyo yaŋ gin gwaljigi mini kilegisi egipni.”

### Amin paŋpulugok dakon gen

**6** <sup>1</sup>“Yesu da saŋbeŋek yaŋ yaŋit, “Ji kaŋ kimotni. Amin da dandani yaŋ do uŋun da dabilon aŋpak tagi ani kaŋ, Datji Kwen Kokup egisak uŋun da uŋun dakon kobogi do yo tagi kinda dima daban abidokdaŋ.

<sup>2</sup>“Wadak wadak amin do yo yom do aki bisapmon jamba but amin diwari da muwut muwut yutnon ae kosit madepmon aŋ, uŋudeŋ amin kinda yabekbi mibiltaŋ gamiŋek kweŋ dima piŋsok. Yaŋ aŋ amin uŋun amin da nandaba wukwan yomni yaŋ do aŋ. Nak asisi dayisat, uŋun kobogi kisisi wagilni timikgaŋ. <sup>3</sup>Mani yo do wadak wadak aŋ amin do yo yobi bisapmon noman amin da gandani do dima yobi. <sup>4</sup>Yaŋ aŋaki Datgo yo pasili pindakdak uŋun da kobogi do yo tagi gamdisak.”

### Bisit dakon gen

(Lk 11.2-4)

<sup>5</sup>“Yesu da saŋbeŋek yaŋ yaŋit, “Ji bisit ani bisapmon jamba but amin da aŋ uŋudeŋ dima ani. Jamba but amin uŋun muwut muwut yut

<sup>k</sup> 5.43 MS 19.18 <sup>l</sup> 5.44 TP 23.4-5; Lk 23.34; Ya 7.60; Ro 12.14,20 <sup>m</sup> 5.48 MS 19.2; GT 18.13 <sup>n</sup> 6.1 Mt 23.5 <sup>o</sup> 6.5 Mt 23.5; Lk 18.10-14

madepmon ae kokup papmon kosit amal amalon unjudon agek bisit ak do galagisi nandaŋ. Unjun amin amin da pindatni do yaŋ aŋ. Nak asisi dayisat, kobogini kisi wagilni timikgaŋ. <sup>6</sup>Mani gak bisit ak do nandisak kaŋ, yutgokon wigi yoma sopmaŋek Datgo pasili egisak unjun bisit iyiki. Yaŋ aŋaki Datgo yo pasili pindakdak unjun da kobogi tagisi gamdisak. <sup>7</sup>Amin Ūwakŋwari Kabi gen isali morapmi yaŋapno piŋkopnin da genin nandisak yaŋ nandaŋ. Mani ji bisit ani bisapmon yaŋ dima ani. <sup>8</sup>Ji unjun amin da aŋ unjudeŋ dima ani, nido Datji dima iyinjakwa yo morap do wadak wadak aŋ unjun nandaŋ mudosok. <sup>9</sup>Ji bisit yaŋ ani:

‘Datnin Kwen Kokup egisal,  
gak dakon man telagi tosak.

<sup>10</sup> ‘Amin Kila Agakgo yipbi ninon apjak.

Gak dakon gen guramit Kwen Kokup tosak,  
miktimon ninon yaŋ gin tosak.

<sup>11</sup> Abisok gildat dakon jap aripninon nibi.

<sup>12</sup> ‘Nin amin notnin dakon yokwini yopmaŋgamaŋ.

Unjudeŋ gin yokwinin wiririk nibi.

<sup>13</sup> ‘Paŋkewalon dimasi nipbi.

Yokwi Ami da kisiron naŋ pulugaŋ nipbi.’

<sup>14</sup> “Ji notji dakon yokwini yopmaŋ yomni kaŋ, Datji Kwen Kokup egisak unjun da yokwisi yopmaŋ damjak. <sup>15</sup>Mani amin dakon yokwini dima yopmaŋ yomni kaŋ, Datji da yokwisi dima yopmaŋ damjak.”

### **Piŋkop do nandaŋek jap kelkel dakon gen**

<sup>16</sup>Yesu da saŋbeŋek yaŋ yagit, “Ji Piŋkop do nandaŋek jap kelek egip do nandaŋ kaŋ, jamba but amin da aŋ unjudeŋ tomno dabilyosi dima injan toni. Yaŋ ani kaŋ, amin da ji Piŋkop do nandaŋek jap dima noŋ yaŋ dandani. Nak asisi dayisat, unjun amin kobogini kisi wagilni timik mudonŋ. <sup>17</sup>Mani ji Piŋkop do nandaŋek jap kelek egip do nandaŋ kaŋ, busuŋ daŋgwanji wayigek tomno dabilyosi pakbi baŋ sugoni. <sup>18</sup>Yaŋ aŋakwa amin da ji jap kelek ekwaŋ yaŋ dima nandaŋ damni. Mani Datji pasili egek yo pasili pindakdak unjun da dandaŋek kobogi tagisi damdisak.”

### **Yo tagisi paŋmuwut dakon gen**

*(Lk 12.33-34)*

<sup>19</sup>Yesu da saŋbeŋek yaŋ yagit, “Ji on miktimon yo tagisi paŋmuwut do nandak nandak dima ani. Unjun yo moniŋ da nokdaŋ, ae maŋut maŋut akdaŋ, ae kabo noknok da yutji tuwilek paŋkisibikdaŋ. <sup>20</sup>Yo tagisi Kwen

p 6.7 1KA 18.26-29 q 6.8 Mt 6.32 r 6.10 Lk 22.42 s 6.12 Mt 6.14-15; 18.21-35

t 6.13 Lk 22.40; Jem 1.13; Jn 17.15; 2Tes 3.3; 2Ti 4.18 u 6.14 Mk 11.25-26

v 6.16 Ais 58.5-9 w 6.19 Jem 5.1-3 x 6.20 Mt 19.21; Lk 18.22

Kokupmon paŋmuwut do nandak nandak ani. Uŋudon yo moniŋ da dima nokdaŋ, ae maŋut maŋut dima akdaŋ, ae kabo noknok da yutji tuwilek aripmi dima timitdaŋ. <sup>21</sup>Yo kabigo tagisi dukwan toŋ, but nandak nandakyosi kisi uŋudon gin tokdisak.”

**Dabil uŋun giptim dakon teŋteŋi**

*(Lk 11.34-36)*

<sup>22</sup>Yesu da saŋbejek yaŋ yaŋit, “Dabil uŋun giptim dakon teŋteŋi. Dabilgo tagisi kaŋ, giptingo kalon teŋteŋini toŋ. <sup>23</sup>Mani dabilgo yokwi kaŋ, giptingo kisi pilin tuksi asak. Do teŋteŋi butgokon tosok uŋun pilin tuksi asak kaŋ, uŋun da pilin tuk madepsi asak.”

**Amin bamori dakon oman dima agagi**

*(Lk 16.13)*

<sup>24</sup>Yesu da saŋbejek yaŋ yaŋit, “Amin kinda da amin tagi bamori dakon oman aripmi dima asak. Yaŋ kaŋ, kinda naŋgin galak taŋ imiŋek kinda do nandaban yokwi taŋ imdisak. Ae kinda dakon gen guramiŋek kinda maŋji imdisak. Ji Piŋkop gat ae moniŋ gat kisi dakon oman monjini aripmi dima egipmi.”

**Nandaba kik aŋek but morap dima ani**

*(Lk 12.22-31)*

<sup>25</sup>Yesu da saŋbejek yaŋit, “Uŋun do aŋek yaŋ dayisat, ji egip egipji do nandaba kik aŋek jap pakbiyo ni baŋ noneŋ yaŋ dima nandani. Ae giptimji do nandaŋek imal dukon baŋ paneŋ, yaŋ nandaŋek nandaba kik dima ani. Egip egipji da jap yapmaŋdak, ae giptimji da imal yapmaŋdak. <sup>26</sup>Ji minam pindakgaŋ uŋun do nandani. Jap yet dima kwaokgaŋ, ae jap paŋmuwut yutnon jap dima paŋek paŋmuwuk yopmaŋgaŋ. Mani Datji Kwen Kokup egisak uŋun da jap upmokdok. Ji piŋbi aŋakwa minam da yo madep yaŋ nandaŋ, ma? <sup>27</sup>Ji nandaba kik aŋek egip egipji timisok di gat tagi saŋbeŋba wigisak yaŋ nandaŋ, ma? Uŋun aripmi dimasi.

<sup>28</sup>“Ji nido imal do nandaba kik aŋ? Jareŋ oni taŋ aŋaŋ kwaŋ uŋun do nandani. Pi madep aŋek imal dima bupmaŋgaŋ. <sup>29</sup>Mani yaŋ dayisat, jareŋ pindakgaŋ uŋun dakon tilimni da kalip kila amin madep Solomon dakon tilimni tagisi pagit uŋun yapmaŋdak. <sup>30</sup>On joŋ taŋ aŋaŋ kwaŋ uŋun aŋwa amin da baljaŋ kindapmon sokdaŋ. Mani Piŋkop da si paŋtilim asak, do nandaŋ gadatji pisipmisok amin ji yaŋsi nandani, Piŋkop da ji do nandaban yo madepsi aŋakwan imal tilimi tonŋsi baŋ paŋ damdisak.

---

† 6.25 Pil 4.6; 1Ti 6.6-8; 1Pi 5.7    ‡ 6.26 Mt 10.29-31; Lk 12.6-7    § 6.29 1KA 10.4-7; 2KAG 9.3-6

<sup>31</sup>“Nandaba kik aŋek jap pakbiyo dukon baŋ nonen, bo imal dukon baŋ panen yaŋ dima nandani. <sup>32</sup><sup>b</sup>Piŋkop dima nandan iman amin kabi da yo morap unuden wusik do nandaba kik aŋ. Mani Datji Kwen Kokup egisak unun da ji unun yo morap do wadan unun nandan mudosok. <sup>33</sup><sup>c</sup>Do mibiltok Piŋkop dakon Amin Kila Agakni unun wisin kok do pini ani, ae aŋpakni kilegi wusik do pini ani. Yaŋ aŋakwa yo diwari do wadak wadak aŋ unun kisi damdisak. <sup>34</sup>Do aŋwa gildat do nandaba kik dima ani. Gildat kalon kalon dakon jigi unun iyi da aripmon taŋ taŋ aŋ.”

**Amin dakon aŋpak kokwin dima ani**

*(Lk 6.37-38; 6.41-42)*

**7** <sup>1</sup><sup>d</sup>Yesu da saŋbenek yaŋ yaŋ, “Ji amin dakon aŋpak dima kokwinitni. Yaŋ ani kaŋ, Piŋkop da jiyo kisi kokwin akdisak. <sup>2</sup><sup>e</sup>Amin dakon aŋpak kokwin niansi ani, Piŋkop da jiyo kisi unuden gin kokwin akdisak. <sup>3</sup>Gaga da dabilon kindap kwik tosok unun do dima nandanek notgo da dabilon jimjim nido kosol? <sup>4</sup>Gaga da dabilon kindap kwik taŋakwan nianon da notgo ‘Dabilgokon jimjim tosok unun paŋ gamdisat’ yaŋ tagi iyiki? <sup>5</sup>Gak jamba but amin. Mibiltok gaga da dabilon kindap kwik tosok unun abi kiŋakwan notgo da dabilon jimjimjok tosok unun kaŋbi pisaŋakwan tagi paki.

<sup>6</sup>“Yo telagi piŋan do dima yomni. Yoba tobilek injin dabam. Ae kindirinji tagisi bit do dima yomni. Yoba kandap da di bamaŋ misinikbam.”

**Bisit dakon mibili**

*(Lk 11.9-13)*

<sup>7</sup><sup>f</sup>Yesu da saŋbenek yaŋ yaŋ, “Piŋkop bisit iyaŋba yo damjak. Pinisi aŋek wusin pindatni. Yoma domon tidanba Piŋkop da witdal damjak. <sup>8</sup><sup>g</sup>Amin morap Piŋkop bisit iyaŋ unun yo timikgaŋ, ae yo wisan amin unun bami koŋ, ae yoma domon tidon amin unun witdal yomisak. <sup>9</sup>Monjisi kinda da datni bret do iyaŋban tip kinda tagi imjak? <sup>10</sup>Bo tap kilap do iyaŋban tuŋon amin emari ton kinda tagi imjak? Unun aripmi dimasi. <sup>11</sup><sup>h</sup>Ji yokwi morapmi aŋ, mani yo tagisi monjisi do yom do nandan. Do yaŋsi nandani. Bisit iyaŋba Datji Kwen Kokup egisak unun da but galagon da yo tagisi damdisak.

<sup>12</sup><sup>i</sup>“Amin da aŋpak tagisi niansi aŋdamni do nandan, unun aŋpak amin do aŋyomni. Moses dakon gen teban gat ae kombi amin dakon gen gat da yaŋsi ani do yosok.”

<sup>b</sup> 6.32 Mt 6.8    <sup>c</sup> 6.33 1Ka 3.11-14; Kap 37.4,25; Ro 14.17    <sup>d</sup> 7.1 Ro 2.1; 1Ko 4.5; Jem 4.11-12    <sup>e</sup> 7.2 Mk 4.24    <sup>f</sup> 7.7 Mk 11.24; Jn 14.13; 15.7; 16.23-24    <sup>g</sup> 7.8 1Jn 3.22; 5.14-15    <sup>h</sup> 7.11 Jem 1.17    <sup>i</sup> 7.12 Mt 22.39-40; Lk 6.31; Ro 13.8-10



**Wigat gitni dakon gen**

*(Lk 13.24)*

<sup>13</sup>Yesu da sanbejek yan yagit, “Ji wigat gitni nan pigini. Amin wagil tasik tokdan dakon kokupmon pigik dakon wigat gat ae kositni gat unun ilalogisi, do unun nan yolek pigik unun tagapmisi. Amin morapmisi da wigat unun nan pikwan. <sup>14</sup>Mani egip egip dagok dagogi minikon kigik dakon wigat gat ae kositni unun gitnisi, unudon kigik dakon pini jigisi. Amin kalon kalon dagin wigat unun kan kwonj.”

**Kombi amin toptopmi dakon gen**

*(Lk 6.43-44; 13.25-27)*

<sup>15</sup>JYesu da sanbejek yan yagit, “Ji kombi amin toptopmi unun do pindak kimotni. Giptimni yaworisi sipsip yombem, mani burigwan jon pinan butni tan yomanj. <sup>16</sup><sup>k</sup>Ji anpakni pindak nandanjo anek kombi amin toptopmi yan pindakba pisoni. Nap keli ton da wain sop aripmi dima potni. Ae jal da kimip aripmi dima wigiljak. <sup>17</sup>Kindap tagi da bami tagi pokgonj, ae kindap yokwi da bami yokwi pokgonj. <sup>18</sup>Kindap tagi da bami yokwi aripmi dima potni, ae kindap yokwi da bami tagi aripmi dima potni. <sup>19</sup><sup>l</sup>Kindap morap bami dima pokgonj unun amin da mandan kindapmon sosonj. <sup>20</sup><sup>m</sup>Yanjo, ji anpakni pindak nandanjo anek kombi amin toptopmi yan pindakba pisoni.

<sup>21</sup><sup>n</sup> ‘Amin Tagino’ yan yan nama amin unun kisisi Pinjop da Kwen Kokup Kila Asagon dima wigikdanj. Datno Kwen Kokup egisak unun dakon gen guramikganj amin unun dagin wigikdanj. <sup>22</sup>Amin morapmi da bisap madepmon yanji nayikdanj, ‘Amin Taginin, nin gak da manon kombi gen yagimanj, ae konj yolgimanj, ae pi madep agimanj.’ <sup>23</sup><sup>o</sup>Yan yanba yanji yoyikdisat, ‘Yokwi pakpak amin, ji dima nandanj damisat. Nepmanj dek kin mudabit!’ ”

**Amin nandan kokwini tagisi ae nandan kokwini tagi dima**

*(Lk 6.47-49)*

<sup>24</sup>“Nak dakon gen guramikganj amin unun amin kinda yombem. Unun amin nandan kokwini tagisi, yutni miktim tebaikon witjigit. <sup>25</sup>Anakwan sikak pakbi kulup mirimyo da abinj tidanj antidok aba miktim tebaikon witjinbi, do tebai tagit. <sup>26</sup>Mani geno dima guramikganj amin unun amin kinda yombem. Unun nandan kokwini tagi dima, do yutni miktim yaworikon witjigit. <sup>27</sup>Anakwan sikak pakbi kulup mirimyo da abinj tidanj tuwilba manj tasik tagit.”

---

<sup>j</sup> 7.15 Mt 24.24; Ya 20.29; 2Pi 2.1    <sup>k</sup> 7.16 Gal 5.19-22; Jem 3.12    <sup>l</sup> 7.19 Mt 3.10; Lk 3.9; Jn 15.6    <sup>m</sup> 7.20 Mt 12.33    <sup>n</sup> 7.21 Lk 6.46; Jem 1.25    <sup>o</sup> 7.23 Kap 6.8; 2Ti 2.19

<sup>28</sup>Yesu gen unun yan mudanban minjat amin kabi madep da kanjek tamtam yan ingwit. <sup>29</sup><sup>p</sup>Nido yoyindet pi agit unun gen teban yoyindet amin yapman mudanek nwanjwarisi agit. Amin kinda da pi unun asak do yan mudan ibi da tilak agit.

### Yesu da wuda tebani ton amin kinda anmilip agit

(Mk 1.40-44; Lk 5.12-14)

**8** <sup>1</sup>Yesu ilejon da pinj kinjakwan minjat amin kabiyon morapmi da yolgwit. <sup>2</sup>Yolek amin wuda tebani ton kinda da Yesukon kin nwanjbejan an iminjak yan iyigit, “Amin Tagi, Pinjkop da dabilon kilek token do nandisal kan, tagi anmilip abi kilek token.”

<sup>3</sup>Yanban Yesu da kisitni amin unun da kwenon witjinjek yan iyigit, “Kilek toki do nandisat, do pasil gamni!” Yan yanjakwan unudon gin wudani kibidanakwa giptimni kilek tagit. <sup>4</sup>“Kilek tanban Yesu da yan iyigit, “Nandaki, gak unun do amin dima yoyinjak mukwa sogogon kinjek giptimgo yoliki. Anjak Moses da yagit unun da tilagon paret anjaki amin da asi kilek tal yan gandani.”

### Emat amin dakon oman monjini anmilip agit

(Lk 7.1-10)

<sup>5</sup>Yesu Kapaneam kokupmon pigakwan Rom dakon emat amin 100 dakon kila amin kinda da abin anpulugosak do anjak yan iyigit, <sup>6</sup>“Amin Tagi, oman monjino yutnon pokdok. Kidari alek tan, ae tepmi madepsi nandisak.”

<sup>7</sup>Yanban Yesu da yan iyigit, “Nak da kin anmilip aben.”

<sup>8-9</sup>Yanban mibiltok amin unun da yan iyigit, “Amin Tagi, nak madepno da yongamgwan egisat, do nak da yutnon wiki unun da tagi dima asak. Isal yum gen gin yanjaki oman monjino kilek tosak. Nak naga mibiltok amino egakwan pinjini egisat. Ae emat amino unun nak dakon pinjino ekwan. Emat amino kinda ‘Ki!’ yan iyiko kisak. Ae kinda ‘Ap!’ yan iyiko abisak. Ae oman amino kinda ‘Pi on aki!’ yan iyiko pi asak. Do isal yum gen gin yanjaki oman monjino kilek tosak.”

<sup>10</sup>Yesu da gen unun yagit do nandaban yo madepsi aban bujon yol awilgwit amin yan yoyigit, “Asisi dayisat, Israel aminon nandan gadatni madep on amin dakon yombem kinda dima kagim. <sup>11</sup>“Yan dayisat, amin morapmisi da gildat wisak, ae si pigisak tetgin da apba Kwen Kokup Pinjkop da Amin Kila Asak da kagagwan Abraham, Aisak, ae Jekop gat jap noknok tamo madepmon yitdan. <sup>12</sup><sup>s</sup>Mani Juda amin kalip Pinjkop da iyi Amin Kila Asak da kagagwan pigini do manjikbi unun maban

<sup>p</sup> 7.29 Mk 1.22; Lk 4.32    <sup>q</sup> 8.4 MS 14.1-32; Mt 9.30; Lk 17.14    <sup>r</sup> 8.11 Lk 13.29

<sup>s</sup> 8.12 Mt 22.13; 25.30; Lk 13.28

pilin tukgwan pigikdarj. Unjungwan kunam tagek iyonj iyonj yanj tidanjek egipdarj.”

<sup>13</sup>Yanj yanjek emat amin 100 dakon kila amin yanj iyigit, “Gak kinj yo altoni do nandanj teban tal unjun yanj gin noman tanj imenj kokdisal.” Gen unjun iyigit unjun bisapmonsni oman monjini kilek tagit.

**Yesu da Pita dakon yopmi anjmilip agit**

*(Mk 1.29-31; Lk 4.38-39)*

<sup>14</sup>Yesu unjudon da kinj Pita da yutnon wigi kanjban Pita dakon yopmi giptimi kindapmi sojakwan sot anjek pakgit. <sup>15</sup>Yanj kanjek kisitni kisirikon wutjinjban sotni yipmanj deggit. Yanj aban pidanjek Yesu do jap panjnoman agit.

**Yesu da sot amin morapmi panjmilip agit**

*(Mk 1.32-34; Lk 4.40-41)*

<sup>16</sup>Gildat pigakwan pilindo kojnri tonj amin morapmi panjpanj apba gen yanjek koj yol yomgut. Anjek sot amin kisisi panjmilip agit. <sup>17</sup>Yanj anjakwan kombi amin Aisaia da kalipsigwan gen mandagit unjun bami noman tagit. Gen unjun yanj:

“Iyi sotnin mibili mibili iyi do timigakwan kilek tagimanj.”

**Yesu yolyol dakon mibili**

*(Lk 9.57-60)*

<sup>18</sup>Yesu da amin morapmi anjwasanjek akba pindagek panjdetni yanj yoyigit, “Nin pakbi idap teri kinda do kino.” <sup>19</sup>Anjakwan gen teban yoyijdet amin kinda da obinj Yesu yanj iyigit, “Yoyijdet, gak dukwan dukwan agipbi unjun nak gol awilgenj gin.”

<sup>20</sup>“Yanjban Yesu da yanj iyigit, “Jonj piñan unjun miktingwan yutni tonj. Ae minam kwen akwanj unjun yutni tonj. Mani Amin Dakon Monji unjun dipmin potpot tamoni mini.”

<sup>21</sup>“Yanjban panjdetni kinda da Yesu yanj iyigit, “Amin Tagi, nandanj naminjaki kinj datno wayik yipmanjek don abinj golgenj.”

<sup>22</sup>Mani Yesu da yanj iyigit, “Amin kimakbi da kimakbi notni iyi tagi wayitni. Anjakwa gak nak nol.”

**Yesu da yanjban mirim madep yawokgit**

*(Mk 4.36-41; Lk 8.22-25)*

<sup>23</sup>Yanj yanjek boron wigakwan panjdetni kisi yolek wigiwit. <sup>24</sup>“Wigi pakbi idapmon kinjakwa tepmisi mirim madepsi da abinj pakbi tamaligakwan boron pigiwit. Yanj anjakwan Yesu dipmin pagakwan

† 8.17 Ais 53.4    † 8.20 2Ko 8.9    † 8.21 1Ka 19.20    † 8.24 Kap 4.8

<sup>25</sup>pañdetni da kiñ anyolek iyiwit, “Amin Tagi, nin pañpuluga! Pakbi oni nañ kimotdamañ!”

<sup>26</sup>xYañ yañba Yesu da yoyigit, “Ji nido pasolgoñ? Nandañ gadatji pisipmi.” Yañ yañek pidañ agek mirim gat ae pakbi gat tebai yoyiñban mirim yawogakwan pakbi wayiñ dimasi agit. <sup>27</sup>Aban pañdetni tamtam yañek yawit, “On niañen amin kinda da mirim pakbiyo yoyiñban geni guramikgamañ?”

**Yesu da koñ yolgit**  
(Mk 5.1-17; Lk 8.26-37)

<sup>28</sup>Yesu pakbi idap teri kinda Gadara miktimon kiñ altañban amin bamori koñni toñ uñun da amin kimakba pañki tip kinamgwan yopmañgañ miktimon da abiñ Yesu altañ imgumal. Uñun amin bamot amin dapdapni yokwisi. Do amin uñun do pasalek uñun kosit nañ dima agipgwit. <sup>29</sup>yUñun amin bamot da yañ tidañek Yesu yañ iyigimal, “Piñkop dakon Monji, niañsi añañim do abisal? Tepmi yomyom bisap dima noman tañakwan tepmi pi nimdisal?”

<sup>30</sup>Dubagi yañgok bit kabi madep di jap nañek egipgwit. <sup>31</sup>Koñ uñun da Yesu bisit tebaisi yañ iyigimal, “Nol nipbi abigineñ kañ, uñun bit kabi da butgwan pigineñ do nandamañ.”

<sup>32</sup>Yañba yoyigit, “Ji abigit!” Yañ yañban koñ da aminon da wiñ kiñek bit da butgwan pigiwit. Pigakwa bit uñun timtim yañek gilokon da pakbi idapgwan mañek pakbi nañ kimakgwit. <sup>33</sup>Kimagakwa bit kila amin da timtim yañek kiñ kokupmon bit gat ae koñni toñ amin gat dakon geni amin yoyiwit. <sup>34</sup>Yoyiñba amin kisisi Yesu kok do abiñ mudawit. Abiñ kañek miktimon uñun yipmañek kisak do bisit tebai iyiwit.

**Yesu da amin kisit kandapmiyo kimakbi kinda añañmilip agit**  
(Mk 2.1-12; Lk 5.17-26)

**9** <sup>1</sup>Yesu bot kinda abidañek pakbi idap teri kinda iyi da kokupmon kigit. <sup>2</sup>Añakwan amin kabi kinda da amin kisit kandapmiyo kimakbi kinda wamañ uñudon añañagwit. Añañba Yesu da nandañ gadatni pindagek amin uñun yañ iyigit, “Monji, dima pasolgi, diwariño wiririk gamisat.”

<sup>3</sup>Yañ yañban gen teban yoyiñdet amin diwari da notni yoyiñ yoyiñ añañek yañ yawit, “Ma! On amin Piñkop kulabisak!”

<sup>4</sup>“Yañ yañakwa Yesu da pindak mudañek yañ yoyigit, “Nidosi butjikon da nandak nandak yokwi uñun nandañ? <sup>5-6</sup>bDiwari wiririt ae amin kisit kandapmiyo kimakbi pañmilip agak uñun kisi amin da aripmi dima

x 8.26 Mt 14.31; Kap 89.9 y 8.29 Mk 1.24; Lk 4.41 z 9.1 Mt 4.13 a 9.4 Lk 9.47; Jn 2.25  
b 9.5-6 Jn 17.2

agagi. Mani nak Amin Dakon Monji. Amin giptim panmilip agak dakon pi abeŋ do yaŋ mudarŋ nabi, do nandani, on miiktimon diwari wiririt dakon pi abeŋ do yaŋ mudarŋ nabi yaŋsi nandaba piasak.” Yaŋ yaŋek amin kisit kandapmiyo kimakbi yaŋ iyigit, “Gak pidaŋ yaliŋ potgo timigek yutgokon ki.”

<sup>7</sup>Yaŋ yaŋban nandaneŋ amin uŋun pidaŋ yutnikon kigit. <sup>8</sup>Minjat amin kabi madep uŋun yo ŋwakŋwarisi kaŋek pasalgwit. Aŋek Piŋkop aŋkisiŋek yaŋ yawit, “Mao, Piŋkop da tapmim madepsi amin do yomisak!”

### **Yesu da Matyu yaŋ imgut**

*(Mk 2.13-17; Lk 5.27-32)*

<sup>9</sup>Yesu uŋudon da kiŋ amin kinda kagit mani Matyu, uŋun takis timit timit yut kabeneŋ yikgit. Kaŋek yaŋ iyigit, “Abiŋ nak nol.” Yaŋban Matyu pidaŋ Yesu yolgit.

<sup>10</sup>Yesu Matyu da yutnon yigek jap naŋek takis timit timit amin morapmi ae yokwi pakpak amin morapmi da apba Yesu gat paŋdetni gat kisi yigek jap nawit. <sup>11</sup><sup>c</sup>Jap naŋakwa pindagek Parisi amin diwari da paŋdetni yaŋ yoyiwit, “Yoyiŋdetji uŋun nido takis timit timit amin<sup>d</sup> gat yokwi pakpak amin gat kisi yigek jap noŋ?”

<sup>12</sup>Yesu da gen uŋun nandaneŋ yaŋ yoyigit, “Sotni mini amin wuda wamagon dima kwaŋ. Sotni toŋ amin daŋin wuda wamagon kwaŋ. <sup>13</sup><sup>e</sup>Ji kiŋ Piŋkop da papiakon gen kinda tosoŋ uŋun dakon mibili nandaŋ kimotni. Gen uŋun yaŋ:

‘Ji da paret aŋ uŋun do dima galak tosoŋ.

Ji da amin do bupmi nandaŋ yomni uŋun do galak tosoŋ.’

Gen yaŋ tosoŋ, do nandani, amin kilegi yaŋ ilit do dima pigim. Yokwi pakpak amin yaŋ ilit do pigim.”

### **Piŋkop do nandaneŋ jap kelek egip egip dakon gen**

*(Mk 2.18-22; Lk 5.33-39)*

<sup>14</sup><sup>f</sup>Yaŋ yaŋban Jon Telagi Pakbi Sogok Amin dakon paŋdetni da abiŋ yaŋ iyiwit, “Nin gat ae Parisi amin gat Piŋkop do nandaneŋ jap kelek egapno gak dakon paŋdet kabigo nido yaŋ dima aŋ?”

<sup>15</sup>Iyiŋba Yesu da yoyigit, “Monjisok kinda minjat pak do asak bisapmon monjisok notni gat kisi ekwaŋ, do bupmi dima nandaŋ. Mani don monji uŋun gwayeŋ aŋaŋ kiŋakwa notni uŋun bisapmon Piŋkop do nandaneŋ jap kelek ekwaŋ.”

---

<sup>c</sup> 9.11 Lk 15.2    <sup>d</sup> 9.11 Juda amin da takis timit timit amin do yokwi pakpak amin yaŋsi pindakgwit. Nido takis timigek ae moneŋ kabokon da di gat kisi timikgwit.    <sup>e</sup> 9.13 Os 6.6; Mt 12.7    <sup>f</sup> 9.14 Lk 18.12

16 “Nin ilikba pigik garaŋi pudaŋkwi kon imal diwat kalugi pakbikon dima sugaŋbi kinda naŋ dima bupmaŋgamaŋ. Yaŋ kaŋ, pakbikon sugono imal diwat uŋun da garaŋi ilikban pudaŋ ki madepsi akdisak. 17 Ae wain kalugi meme giŋ kalipmikon dima koleno pigisak. Yaŋ kaŋ, wain da paptanban meme giŋ sulukwan wain gat meme giŋ gat kisi yokwi tokdamal. Amin da wain kalugi meme giŋ kalugikon koleŋba wain gat meme giŋ gat kisi tagi tomal.”

**Yesu da miŋatjok kinda aban pidagit, ae miŋat kinda sot agit uŋun aŋmilip agit**  
(Mk 5.22-43; Lk 8.41-56)

18 Gen uŋun yoyiŋakwan kila amin kinda da abiŋ Yesu burikon gawak imiŋek yaŋ iyigit, “Gwano ongwanjok kimokdok, mani gak da kiŋ kisitgo da kwenikon wutjiŋbi pidosak.” 19 Iyiŋban nandaŋek Yesu paŋdetni gat kisi kiwit.

20 Kiŋakwa miŋat kinda da abiŋ maŋjigwan da Yesu dakon ilikba pigikni ileŋikon igayigit. Miŋat uŋun dagaŋ mok aŋek yawini maŋakwa egakwan bilak 12 agit. 21 <sup>s</sup> Miŋat uŋun ilikba pigiknikon igayiŋek noman token yaŋ nandagit.

22 Aban Yesu da tobiŋ kaŋek yaŋ iyigit, “Gwano, dima pasolgi. Nandaŋ gadaŋ namisal, do kilek tosol.” Yaŋ yaŋban uŋudon giŋ giŋtimni kilek tagit.

23 Yesu kila amin da yutnon wiŋek kasiŋiŋ piŋok amin gat ae miŋat amin kabi madep kunam upbalapyo aŋakwa pindagek 24 yaŋ yoyigit, “Abigit. Miŋatjok uŋun dima kuŋwak, uŋun yum dipmin pokdok.” Yesu da yaŋ yaŋban nandaŋek jikgo yaŋjaŋ imgwit. 25 Yaŋ aba yoyiŋban yomakon piŋi mudanaŋakwa wigi miŋatjok kisirikon abidaŋban pidagit. 26 Yaŋ aban wasok tapmimi toŋ uŋun agit dakon gen bini yoyiŋba uŋun miŋtim dakon miŋat aminyo kisi da nandawit.

**Yesu da amin dabili mini ae amin kadimyo kisi paŋmilip agit**

27<sup>h</sup> Yesu uŋun miŋtim yipmaŋ kiŋakwan dabili mini amin bamori da abiŋ yolgumal. Yolek yaŋ tidaŋek yaŋ yagimal, “Dewit Dakon Monji, bupmi nandaŋ nim!”

28 Yesu yutnon wigakwan amin dabili mini bamot uŋudon wiŋbal yaŋ yoyigit, “Nak da dabiljil paŋmilip abeŋ do nandaŋ gadaŋ namamal bo dima?”

Yaŋban iyigimal, “Amin Tagi, nandaŋ gadaŋ gamamak.”

29 Yaŋ yaŋbal Yesu da kisitni dabilnikon wiŋtiŋek yaŋ yoyigit, “Nandaŋ gadaŋ namamal uŋun da aripmon giŋ noman taŋ damdisak.” 30 <sup>i</sup> Yaŋban

dabili sinʒanʒakwal Yesu da yaŋsop tebai anyomiŋek yoyigit, “Yo madep asat do amin dimasi yoyinʒil.” <sup>31</sup>Mani Yesu dakon gen yaŋbal uŋun miktimon madepsi ireŋtaŋ aŋaŋ kigit.

<sup>32</sup>Amin bamot uŋun Yesu yipmaŋ dek kiŋakwal amin kadim koŋni toŋ kinda Yesukon aŋaŋ opgwit. <sup>33</sup>Aŋoŋpa Yesu da koŋni yol imiŋakwan amin kadim uŋun gen yagit. Yaŋ aban amin da kaŋek nandaba yo ŋwakŋwarisi aban yaŋ yawit, “Yo uŋuden kinda Israel miktimon dima altagit.” <sup>34</sup><sup>k</sup>Mani Parisi amin da yaŋ yawit, “Koŋ dakon kila amin madep da tapmimon koŋ yoldak.”

## Yesu paŋdetni do pi yomgut

(*Kilapmi 9.35–10.42*)

### Yesu da amin do bupmi nandagit

<sup>35</sup><sup>l</sup>Yesu kokup moniŋ ae kokup pap kisi agek Juda amin da muwut muwut utni taŋ taŋ awiron wigek amin yoyiŋ degek Piŋkop da Amin Kila Asak dakon Gen Bin Tagisi do yoyiŋ tenʒenʒagit. Aŋek giptimnikon sot wudaniyo mibili mibili tawit uŋun paŋmilip agit. <sup>36</sup><sup>m</sup>Miŋat amin kabiyo madepsi pindakban paŋpulugogi mini yokwi egipgwit. Sipsip kila amini mini yombemsi ekwa pindagek bupmisi nandaŋ yomgut. <sup>37</sup><sup>n</sup>Yesu buri da bupmisi nandaŋek paŋdet kabini yaŋ yoyigit, “Pigaga jap bami madepsi taŋ pektan, mani pi monji bami pakpak amin morapmi dima. <sup>38</sup>Do ji bami pakpak dakon Amin Tagini bisit iyinʒa pi amin paŋalon aŋ yopban pinikon kiŋ jap paŋ paŋmuwutni.”

### Yabekbi 12 kabi dakon man

(*Mk 3.13-19; Lk 6.12-16*)

**10** <sup>1</sup><sup>o</sup>Yesu da paŋdetni 12 kabi yoyinʒan apba koŋ yolyol ae sot mibili mibili kisisi paŋmilip agak dakon pi ani do yaŋ mudan yomgut. <sup>2</sup>Yabekbi 12 kabi dakon man uŋun yaŋ:  
 mibiltok Saimon (mani kinda Pita),  
 ae paɖige Andru,  
 Sebedi dakon monji Jems,  
 ae paɖige Jon,  
<sup>3</sup> ae Pilip,  
 Batolomiu,  
 Tomas,  
 ae takis timit timit amin Matyu,

j 9.33 Mk 2.12    <sup>k</sup> 9.34 Mt 12.24; Mk 3.22; Lk 11.15    <sup>l</sup> 9.35 Mt 4.23; Mk 1.39

<sup>m</sup> 9.36 IDT 27.17; 1KA 22.17; Sek 10.2; Mt 14.14; Mk 6.34    <sup>n</sup> 9.37 Lk 10.2    <sup>o</sup> 10.1 Mk 6.7; Lk 9.1

ae Alpius dakon monji, Jems,  
 ae Tadius,  
 4 ae Saimon (uŕun kalip Selot<sup>p</sup> da kabikon egipgut),  
 ae Judas Iskariot. (Judas uŕun da don Yesu uwal da kisiron  
 yipgut.)

**Yesu da yabekbi 12 kabi pi yomgut**  
*(Mk 6.7-13; Lk 9.1-5)*

5 Yesu da amin 12 kabi uŕun yabegek yaŕ yoyigit, “Ji Amin Iŕwakywari Kabikon bo ae Samaria amin da kokupmon dima kini. 6<sup>q</sup>Ji Israel amin kabi sipsip da yaŕ kili pasilgwit uŕun amin kabikon kini. 7<sup>r</sup>Kiŕek Piŕkop da Amin Kila Asak dakon bisap uŕun kwanŕ tosok uŕun dakon gen yaŕ teŕteŕoni. 8<sup>s</sup>Aŕek sotni toŕ amin paŕmilip ani, ae amin kimakbi paba pidoni, ae wuda tebani toŕ paŕmilip ani, ae koŕni toŕ amin koŕni yol yomni. Ji yo yumaŕ nogi mini yumsi timikgaŕ, do amin do yumsi yomni. Tomni do dima nandani.

9<sup>s</sup> “Ji yik moniŕjikon gol bo silwa monerŕ bo kopa monerŕ dima similek agipni. 10<sup>t</sup>Kosit agipni bisapmon yik dima imetni, paba piŕik bamori dima timitni, ae kandap gwil gat kosit dakon win kirinjo kisi dima timitni. Pi aŕakwa wadak wadakji amin da damdaŕ. 11 Kokup pap kindakon bo ae kokup moniŕ kindakon kiŕ altoni kaŕ, uŕun kokupmon amin kilegi kinda wusiŕ kaŕ uŕun gat gin egek yipmaŕ kini. 12<sup>u</sup>Yut kindakon wiŕini bisapmon, uŕun yutnon amin ‘Amin Tagi dakon but yawot jikon tosak’ yaŕ yoyini. 13 Ae uŕun yutnon amin da ji but dasi timitni kaŕ, ji dakon but yawot uŕun aminon tosak. Mani but dasi dima timitni kaŕ, but yawotji uŕun disikon gin tosak. 14<sup>v</sup>Amin kinda da ji but dasi dima timitjak bo ae genji nandak do kurak tosak kaŕ, yut kokupyoni yipmaŕ degek kandap jikon kimbabaŕ tegoni uŕun tidaŕba kini. 15<sup>w</sup>Asisi dayisat, kokwin agak bisap madepmon, uŕuden amin da Sodom kokup amin gat ae Gomora kokup amin gat da jigi pakdaŕ uŕun si yapmaŕek jigi madepsi pakdaŕ.”

**Jigi mibili mibili altokdaŕ**  
*(Mk 13.9-13; Lk 21.12-17)*

16<sup>x</sup>Yesu da saŕbenek yaŕ yagit, “Nandani, nak da ji sipsip yombem baŕ joŕ piŕan da bikbiŕgon yabekdat. Do tuŕon amin da nandaŕ kokwin tagisi aŕek akwaŕ uŕun da tilagon agipni. Ae kinarim dakon aŕpak yolek

<sup>p</sup> 10.4 Selot uŕun amin kabi kinda, Rom amin yolno kiŕakwa nin miktminn kila aneŕ yaŕ nandawit. <sup>q</sup> 10.6 Jer 50.6 <sup>r</sup> 10.7 Mt 3.2; 4.17; Lk 10.9,11 <sup>s</sup> 10.9 Lk 10.4 <sup>t</sup> 10.10 Lk 10.7; 1Ko 9.14 <sup>u</sup> 10.12 Lk 10.5-6 <sup>v</sup> 10.14 Lk 10.10-12; Ya 13.51 <sup>w</sup> 10.15 Mt 11.24; Jut 7 <sup>x</sup> 10.16 Lk 10.3; Ro 16.19



yaworisi agipni. <sup>17</sup>yAmin do pindak kimotni. Gen kokwin amin kabinikon depmaŋek muwut muwut yutnikon baljokdaŋ. <sup>18</sup>Nak dakon man abiy yip do aŋek ji timik paŋpaŋ gapmanon ae kila amin madepmon paŋkikdaŋ. Paŋkwa kila amin madepmon ae Amin Ūwakŋwari Kabikon nak dakon Gen Bin Tagisi yoyiŋ teŋteŋoni. <sup>19</sup>Gen pikon paŋki depmaŋekwa gen ni baŋ yoneŋ ae gen kobogi niaŋ yoyineŋ yaŋ nandaŋek pasol pasol dima ani. Uŋun bisapmon gin ni gen baŋ yoyini uŋun Piŋkop da dolikdisak. <sup>20</sup>zJi da dima yokdaŋ. Datji dakon Wup da ji da dulumon da yokdisak, do pasol pasol dima ani.

<sup>21</sup>a “Peni da padige si aŋakba kimotjak do gen pikon yipdisak. Ae dat da monji gwayoni yaŋ gin akdisak. Aŋakwa monji gwayoni da meŋi datniyo do uwal aŋek si dapba kimotni do amin yoyikdaŋ. <sup>22</sup>Nak nandaŋ namaŋ do aŋek amin morapmi da ji do nandaba yokwi tok aŋdamdaŋ. Mani tebai agek egi wigakwa bisap madepmon wigisak amin Piŋkop da yokwikon baŋ timitdisak. <sup>23</sup>Kokup kindakon amin da uwal aŋdaba kaŋ, kokup uŋun yipmaŋek pasal kokup kindakon kini. Nak asi dayisat, ji Israel amin dakon kokup morapmon pi wasip dima aŋakwa Amin Dakon Monji apdisak.

<sup>24</sup>b “Papia yut miŋat monjiyo da yoyiŋdetni dima yapmaŋgaŋ. Ae oman amin da madepni dima yapmaŋgaŋ. <sup>25</sup>cMiŋat monjiyo da yoyiŋdetni da tilagon egipni kaŋ, uŋun tagi. Ae oman amin da madepni da tilagon egipni kaŋ, uŋun kisi tagi. Yut dakon ami nak do Belsebul yaŋ nayini kaŋ, gwakni ji do nandaba piŋbisi aŋakwa man wagil yokwisi damdaŋ.”

### Piŋkop dogin pasoldo

(Lk 12.2-7)

<sup>26</sup>dYesu da gen saŋbeŋek yaŋ yagit, “Ji amin da yo yokwi aŋ damni do dima pasolni. Yo witjiŋbi da toŋ uŋun don noman tokdaŋ. Ae gen pasili toŋ uŋun don amin kisi da nandakdaŋ. <sup>27</sup>Gen pilin kaga dayisat, uŋun gildat kalba yaŋ teŋteŋoni. Gen pisik mirakjikon dayisat uŋun yut kwenon da agek yaŋ teŋteŋaŋ yomni. <sup>28</sup>eAmin da gip dapba kimokgoŋ uŋun do dima pasolni, wupji aripmi dima dapba kimotdaŋ. Ji Piŋkop dosi pasolni. Uŋun da gip gat wup gat kisi Tipdomon maban pigi tasik tokdaŋ. <sup>29</sup>Minam moniŋ uŋun yo moniŋisok, bamori dakon yumaŋ nogi uŋun moneŋ giman tabili kaloni gin. Mani Datji da kinda miktimon dima mosak do nandisak kaŋ, aripmi dima mokdisak. <sup>30</sup>Piŋkop da busuŋ daŋgwanji niaŋ da toŋ uŋun kisisi nandaŋ mudosok, <sup>31</sup>fdo dima pasolni.

y 10.17-20 Mk 13.9-11; Lk 12.11-12; 21.12-15 z 10.20 Jn 14.26 a 10.21 Mai 7.6; Mt 10.35; Mk 13.12; Lk 21.16 b 10.24 Lk 6.40; Jn 13.16; 15.20 c 10.25 Mt 9.34; 12.24; Mk 3.22; Lk 11.15 d 10.26 Mk 4.22; Lk 8.17 e 10.28 Ro 8.31; Jem 4.12 f 10.31 Mt 6.26

Minam moniŋ moniŋ morapmi dakon yumaŋ nogi uŋun madep dima, mani ji dakon yumaŋ nogi uŋun wukwisi.”

**Nin Yesu dakon amin kabi yaŋ yok do dima pasolneŋ**  
(Lk 12.8-9)

<sup>32</sup>Yesu da gen saŋbeŋek yaŋ yaŋgit, “Amin kinda miŋat aminyokon ‘Nak Yesu dakon amin’ yaŋ yosak kaŋ, nak da Datno Kwen Kokup egisak ‘Uŋun amin nak dakon amin’ yaŋ iyikdisat. <sup>33</sup>Mani amin kinda miŋat aminyokon ‘Nak Yesu dakon amin dima’ yaŋ yosak kaŋ, nak da Datno Kwen Kokup egisak ‘Uŋun amin nak dakon amin dima’ yaŋ iyikdisat.”

**Yesu but dasi galak taŋ imiŋ kimotdo**  
(Lk 12.51-53; 14.26-27)

<sup>34</sup>Yesu da saŋbeŋek yaŋ yaŋgit, “Nak da miktimon emat aŋyawot ak do pigim yaŋ dima nandani. Nak emat agak sibanaŋ aŋaŋ pigim. <sup>35</sup>hNak uwal pidok pidokyo noman tosak do pigim.

‘Amin kinda da datni uwal aŋ imdisak.

Ae gwa kinda da meŋi uwal aŋ imdisak.

Aŋakwan miŋat kinda da namdi uwal aŋ imdisak.

<sup>36</sup>Aŋakwan amin kinda iyi dakon gwakni da uwalni dagokdaŋ.’

<sup>37</sup>“Amin kinda meŋi datniyo do but dasi galak taŋ yomisak uŋun yapmaŋek nak do wukwisi yaŋ dima nandisak kaŋ, uŋun amin nak dakon notno dima. Ae amin kinda monji bo ae gwi do but dasi galak taŋ yomisak uŋun yapmaŋek nak do wukwisi yaŋ dima nandisak kaŋ, uŋun amin nak dakon notno dima. <sup>38</sup>iAe amin kinda tilak kindapni guramigek nak dima noljak kaŋ, uŋun amin nak dakon notno dima. <sup>39</sup>Amin kinda miktimon tagisi egip do nandaŋek pi madepsi asak kaŋ, uŋun amin egip egipni pasil imdisak. Mani amin kinda nak do nandaŋek egip egipni yipjak kaŋ, uŋun amin egip egip dagok dagogi mini abidokdisak.”

**Yesu dakon amin paŋpulugoŋ amin da tomni tagisi timitdaŋ**  
(Mk 9.41)

<sup>40</sup>JYesu da saŋbeŋek yaŋ yaŋgit, “Amin kinda ji but dasi timikdak, uŋun nak naŋ abidosok. Amin kinda nak abidosok, Piŋkop nak yabekban pigim uŋun naŋ abidosok. <sup>41</sup>Amin kinda da nak kombi amin kinda aŋpulugosot yaŋ nandaŋek kombi amin kinda abidaŋ aŋki yutnikon kilani asak kaŋ, Piŋkop da yo tagisi kombi amin do

§ 10.33 Mk 8.38; Lk 9.26; 2Ti 2.12    h 10.35-36 Mai 7.6    i 10.38-39 Mt 16.24-25; Mk 8.34-35; Lk 9.23-24; 17.33; Jn 12.25    j 10.40 Mk 9.37; Lk 10.16; Jn 13.20

yomisak yaŋ gin uŋun amin do imdisak. Ae amin kinda da nak amin kilegisi kinda aŋpulugosot yaŋ nandaŋek amin kilegi kinda abidaŋ aŋki yutnikon kilani asak kaŋ, uŋun amin da yo tagisi amin kilegi da timikgaŋ yaŋ gin timitdisak. <sup>42</sup>Ae amin kinda da nak Yesu dakon paŋdetni kinda aŋpulugosot yaŋ nandaŋek nak dakon paŋdetno mani mini kinda do pakbi mirimjok kinda koleŋ imjak kaŋ, asisi dayisat, kobogi do yo tagisi timitdisak.”

## Yesu uŋun namin?

(*Kilapmi 11.1–16.20*)

### Jon da paŋdet kabini yabekban Yesukon kiwit

(*Lk 7.18-35*)

**11** <sup>1</sup>Yesu paŋdetni 12 kabi yoyiŋ dek mudanek uŋun kokup yipmaŋek Galili miktim dakon kokup pap tawit uŋudon agek Piŋkop dakon gen yoyiŋ dekgit.

<sup>2</sup>Aŋakwan Jon dam tebanon yiŋek Kristo da pi agit dakon gen bin nandaŋek paŋdet kabini yaŋ yoyigit, <sup>3</sup>“Ji Yesukon kiŋ yaŋ iyini, ‘Piŋkop da amin yabet do yaŋit uŋun gak, bo nin amin kinda don apdisak uŋun do jomjom aneŋ?’”

<sup>4</sup>Yaŋba Yesu da kobogi yaŋ yoyigit, “Ji kiŋ yo morap kaŋ nandaŋyo aŋ uŋun Jon iyini. <sup>5</sup><sup>k</sup>Dabili mini amin siŋtoŋ, kandapmi alek taŋbi kosit akwaŋ, wuda tebani toŋ amin kilek toŋ, miragi mini gen nandaŋ, kimakbi kimoron da pidoŋ, ae yoni mini amin da Piŋkop dakon Gen Bin Tagisi nandaŋ. <sup>6</sup>Amin kinda nak nandaŋek nandaŋ gadatni dima witdal kisak uŋun amin kisik kisigi toŋ egisak.”

<sup>7</sup>Yoyiŋban Jon dakon paŋdet kabini kiŋakwa Yesu da miŋat amin kabi madep Jon do yaŋ yoyigit, “Ji miktim amini minikon ninaŋ kok do kiwit? Mirim da nagal paŋwayiŋ aban pindat do kiwit? <sup>8</sup>Uŋun dima kaŋ, ninaŋ kok do kiwit? Amin kinda da ilikba pigikni mani toŋsi pagit uŋun kok do kiwit? Dima, kila amin madep da yutnon uŋuden amin da ekwaŋ. <sup>9</sup>Dima kaŋ, ae ninaŋ kok do kiwit? Kombi amin kinda kok do kiwit? Asi ji kombi amin kok do kiwit. Mani Jon da kombi amin diwari yapmaŋ mudosok.

<sup>10</sup>Uŋun amin dogin Piŋkop da papiakon gen yaŋ tosok:

‘Nandani, geno yaŋ teŋteŋosak do amin kinda yabekgo uŋun da mibilaŋ gamjak. Aŋek kositgo aŋnoman asak.’

<sup>11</sup>Nak asisi dayisat, amin morap miktimon altoŋ uŋun Jon Telagi Pakbi Sogok Amin da yapmaŋ mudosok. Mani amin morap Piŋkop da Amin Kila Asak da kagagwan piŋbisi ekwaŋ uŋun da Jon yapmaŋgaŋ.

<sup>k</sup> 11.5 Ais 35.5-6; 61.1 <sup>1</sup> 11.10 Mal 3.1; Lk 1.76

12-13<sup>m</sup> “Kombi amin morap gat ae gen teban papia kisi da Piŋkop da Amin Kila Akdisak uŋun do yaŋ teŋteŋaŋakwa wiŋ Jon Telagi Pakbi Sogok pini wasagit bisapmon wigit. Jon da Piŋkop dakon gen wasaŋek yagiron da wiŋ abisok ekwamaŋon Piŋkop da Amin Kilani Ak do pi madepsi asak. Aŋakwan amin da uŋun kirinŋit do pi madep aŋ. Yaŋ aŋek emat jigiyu morapmisi paŋalon aŋ. 14-15<sup>n</sup> Uŋun papia da Elaija don apjak do yagit. Ji but bamot aŋ yaŋ nandisat. Gen on nandak do galak toŋ amin ji pakyaŋsi nandaŋek mibili nandaŋ pisoni. Jon uŋun Elaija.

16 “Amin abisok ekwaŋ uŋun nandaŋ kokwini tagi dima. Uŋun dakon mibili timisok di dayiko nandabit. Uŋun miŋat monjiyo da yaŋ, yumaŋ gwayek tamokon yigek notni yoyiŋ yoyiŋ aŋek yaŋ yoŋ, 17<sup>n</sup> Nin kasisiŋ kili pisomaŋ, mani ji kap ak do dima nandaŋiŋ. Nin bupmi kap yamaŋ, mani ji bupmi nandaŋek kunam tat do dima nandaŋiŋ.”

18 Yesu da saŋbeŋek yaŋ yagit, “Jon abiŋek jap morapmi dima nagit, ae wain dima nagit. Yaŋ aŋakwan, ‘Koŋni toŋ’ yaŋ yawit. 19<sup>o</sup> Ae Amin Dakon Monji da abiŋ jap pakbiyo agit. Yaŋ aŋakwan kaŋek yaŋ yawit, ‘Kabit, jap morapmi noknok amin ae wain morapmisi noknok amin. Takis timit timit ae yokwi pakpak amin dakon notni.’ Yaŋ yaŋ imgwit, mani Piŋkop da pi morap agit uŋun pindagek nandano nandaŋ kokwini tagisi gin asak.”

### But tobił dima aŋ amin uŋun bupmisi

(Lk 10.13-15)

20 Kokup pap diwarikon Yesu wasok tapmimi toŋ morapmi agit, mani but tobił dima awit. Do Yesu da tebaisi yaŋ yagit, 21<sup>p</sup> “Korasin ae Betsaida amin, awa! Nak wasok tapmimi toŋ abo pindagek ji but tobił dima awit. Tair kokupmon amin gat Saidon kokupmon amin gat da pindakgwit tam, but tobił bamisi abam. Aŋek bupmi dakon yik imalyo paŋek abilagon yikbam. 22 Mani nak yaŋ dayisat, gen kokwin bisap madepmon Tair gat Saidon kokupmon amin gat da kobogi do jigi tagapmi paŋakwa ji da kobogi do jigi madepsi pakdaŋ. 23<sup>q</sup> Aŋakwa Kapaneam kokupmon amin, ji ason Kwen Kokupmon wigini yaŋ nandaŋ, ma? Uŋun aripmi dimasi. Ji mibiligwan Tipdomon pigikdaŋ. Nak wasok tapmimi toŋ abo pindagek ji but tobił dima awit. Uŋun morap Sodom kokupmon amin da pindakgwit tam, abisok Sodom tosok gin. 24<sup>r</sup> Do yaŋsi dayisat, Piŋkop da amin kokwin ak do bisap yipguron Sodom amin da jigi pakdaŋ uŋun si yapmaŋek ji da jigi madepsi pakdaŋ.”

<sup>m</sup> 11.12-13 Lk 16.16    <sup>n</sup> 11.14-15 Mal 4.5; Mt 17.10-13; Mk 9.11-13    <sup>o</sup> 11.19 Mt 9.14  
<sup>p</sup> 11.21-22 Ais 23; Esi 26-28; Jol 3.4-8; Am 1.9-10; Sek 9.2-4    <sup>q</sup> 11.23 WW 19.24-28;  
 Ais 14.13-15    <sup>r</sup> 11.24 Mt 10.15; Lk 10.12

**Ji nagon obineq yik yawotni**  
(Lk 10.21-22)

<sup>25</sup>Uņun bisapmon Yesu da yaņ yagit, “Dat, kundu ae miktım dakon Amin Tagi, amin diwari miktım dakon nandak nandakni uņun wukwisi, mani iyi do nandaba wigisak, do uņuden amin do gen bami morap si paņkisibisal. Aņek amin moniņi da tilagon ekwaņ amin, uņun do yolisal. <sup>26</sup>O Dat, gak gaga dakon galaktok yolek yaņ asal.

<sup>27</sup>t “Datno da yo morap kili namgut. Dat uņun dađin Monji nandaņ imisak. Aņek Monji gat ae amin Monji da Dat dakon mibili yoyisak uņun amin dađin Datno nandaņ iman.

<sup>28</sup> u “Jigi mibili mibili paņek warari nandaņ amin, ji nagon opba bikbik dabo yik yawotni. <sup>29-30</sup>vBulmakau da tegon amin da yik pawil kindap kiriņ paņteban aba yo jigi ilikgaņ, uņun da tilak ji nak dakon kindap kiriņ pani. Nak dakon kindap kiriņ uņun yawori ae yik imetni uņun tagapmi. Nak amin yawori ae butno piņbi, do nak gat egek Piņkop do dayiņ dekho butji yawori tosak.”

**Sabat dakon gen**  
(Mk 2.23-28; Lk 6.1-5)

**12** <sup>1</sup>wSabat kindakon Yesu gat paņdetni uņun wit pi kinda da bikbik naņ kiwit. Kiņek paņdetni jap do awit, do wit bami diwari jimik dagaņ nawit. <sup>2</sup>xAņakwa pindagek Parisi amin da Yesu yaņ iyiwit, “Pindat, paņdet kabigo Sabat bisapmon nido gen teban yapmaņek pi aņ?”

<sup>3</sup>yYaņba Yesu da yoyigit, “Dewit gat amin kabini gat da jap do aņek yo awit uņun ji manjiņ nandaņyo awit bo dima? <sup>4</sup>zDewit uņun telagi yutnon wigi bret Piņkop do parekbi uņun abidaņ naņek amin kabini kisi do yoban nawit. Bret uņun telagi, amin isali da dima noknogi, mukwa sogok amin dađin tagi nawit. <sup>5</sup>aBo ae Piņkop da papiakon gen kinda mukwa sogok amin do yosok uņun kisi dima manjiņ nandaņyo awit? Mukwa sogok amin Sabat bisap morapmon gen teban yapmaņek pi aņ, mani diwarini mini ekwaņ. <sup>6</sup>bNak asi dayisat, amin kinda oni egisak uņun da Telagi Yut Madep yapmaņdak. <sup>7-8</sup>cPiņkop da papiakon gen kinda tosoke uņun yaņ:

‘Nak ji da paret aņ uņun do dima galak tosoke.

Nak ji da amin do bupmi nandaņ yomni uņun do galak tosoke.’  
Ji uņun dakon mibili nandabam tam, gulusuņni mini amin gen dima yaņ yobam. Amin Dakon Monji uņun Sabat bisap dakon Amin Tagi egisak.”

s 11.25 1Ko 1.26-29 t 11.27 Mt 28.18; Jn 1.18; 3.35; 10.15; 17.2 u 11.28 Jer 31.25

v 11.29-30 1Jn 5.3 w 12.1 GT 23.25 x 12.2 TP 20.10 y 12.3-4 1Sa 21.1-6

z 12.4 MS 24.5-9 a 12.5 IDT 28.9-10 b 12.6 Mt 12.41-42 c 12.7 Os 6.6; Mt 9.13

**Yesu da Sabat bisapmon amin kisiri girenjikbi kinda anmilip agit**  
(Mk 3.1-6; Lk 6.6-11)

<sup>9</sup>Yesu unjonon da muwut muwut yutni kindakon wigeƙ <sup>10</sup>damin kisiri girenjikbi kinda ekwan kagit. Amin yikgwit unjon da Yesu gen teban kinda yapmanƙwan gen pikon yipneƙ yaƙ nandanƙ iyiwit, “Sabat bisapmon amin kinda da notni kinda anmilip asak kaƙ, unjon gen teban yapmanƙak?”

<sup>11</sup>eYaƙba yaƙ yoyigit, “Niaƙ nandanƙ? Jikon da kinda dakon sipsipni kinda Sabat bisapmon gapmagwan mosak kaƙ, yum kaƙakwa unjungwan di egipjak? Dimasi, anpuluganƙ abidan ilikba wikdisak. <sup>12</sup>Sipsip unjon yo isali, mani amin da yo madepsi. Yaƙdo, Sabat bisapmon amin kinda anpulugoneƙ kaƙ, gen teban yapmanƙan yaƙ dima nandani.”

<sup>13</sup>Yaƙ yanƙ amin kisiri girenjikbi yaƙ iyigit, “Kisitgo anƙinƙin a.” Yaƙban amin unjon kisiri anƙinƙin aban kilek taƙ kisiri teri kinda yombem gin agit. <sup>14</sup>Anƙakwan Parisi amin da kƙin “Niaƙ anƙ Yesu anƙatneƙ?” yaƙon da gen paƙkosit awit.

**Yesu unjon Piƙkop dakon pi amin bamisi**

<sup>15</sup>Yesu unjon Parisi amin da yo an imdo yawit unjon kili pindak mudagit, do kokup unjon yipmanƙ kigit. Kƙinƙwan amin morapmi da yolgwit. Anƙakwa sot amin kisiri paƙmilip anƙ <sup>16</sup>Yesu iyi nianen amin kinda unjon amin dima yoyini do yaƙsop anyomgut. <sup>17</sup>Yaƙ anƙakwan Piƙkop da kalipsigwan kombi amin Aisaia anƙtagap aban gen yaƙit unjon bami noman tagit. Gen unjon yaƙ:

<sup>18</sup> <sup>h</sup> i “On unjon oman monjino, nak da naga manjigim.

Nak unjon do but dasi galak taƙ imisat.

Nak da Wupno yipmanƙ ibo amin miktimi miktimi egi anƙan kwan unjon gen kokwin kilegisi dakon mibili yoyin tenƙenokdisak.

<sup>19</sup> Unjon pidok pidok dima asak, ae dima yaƙ tidosak.

Do kokup pap da kosiron amin kinda da tekni dima nandakdisak.

<sup>20</sup> Nagal si gawut do asak unjon aripmi dima jokgaljak.

Ae lam kimot do asak unjon aripmi dima aban kimotjak.

Pi tebai anƙakwan wigi anƙpak kilegi da anƙpak yokwi wutjiban tapmimi mini akdisak.

<sup>21</sup> Anƙakwan amin miktimi miktimi egi anƙan kwan unjon da mani do nandan gadan iminƙ paƙpulugosak do nandan teban tanƙ jomjom akdan.”

**Yesu Belsebul gat pi amal yaƙ yawit**  
(Mk 3.20-30; Lk 11.14-23; 12.10)

<sup>22</sup> Unjon bisapmon amin da koƙni toƙ amin kinda anƙan Yesukon anƙopgwit. Unjon amin dabili mini ae kadim. Yesu da anmilip aban

<sup>d</sup> 12.10 Lk 14.3    <sup>e</sup> 12.11-12 Lk 14.5    <sup>f</sup> 12.14 Jn 5.16    <sup>g</sup> 12.16 Mt 8.4; Mk 3.12

<sup>h</sup> 12.18-21 Ais 42.1-4    <sup>i</sup> 12.18 Mt 3.17

gen yanek dabili pisagit. <sup>23</sup> Yan aban miñat amin kabi madep da kañ wuripdagek yawit, “On amin Dewit dakon monji bo?”

<sup>24</sup> Mani Parisi amin da gen uñun nandañek yawit, “On amin koñ dakon mibiltok amin madepni Belsebul uñun da tapmimon koñ yoldak.”

<sup>25</sup> Yanba Yesu da nandak nandakni pindak nandaño añek yan yoyigit, “Miktim kinda da pudañ kabi bamori añek emat wamjil kañ, uñun miktim yokwi tokdisak. Ae kokup pap kinda bo ae yut kinda dakon amin da pudañ kabi bamori añek emat wamni kañ, uñunyo kisi tagi dima egipdañ. <sup>26</sup> Yanğin Sunduk da Sunduk yoljak kañ, Sunduk da iyi wasen ki kabi bamori añek yo morap kila agak dakon tapmim pasil imdisak. <sup>27</sup> Nak Belsebul da anpulanganban koñ yoldat kañ, disi dakon notji koñ yolgañ uñun amin kabi ni tapmimon da koñ yolgañ? Uñun amin kabi da genji kokwinigeğ gulusun yoñ yan tagi dayini. <sup>28</sup> Mani Piñkop dakon Wup da nak anpulanganban koñ yoldat kañ, Piñkop dakon Amin Kila Agakni jikon kili abik.

<sup>29</sup> “Amin kinda da niañ añek amin tebai kinda da yutnon wiği yo kabini tagi timitjak? Mibiltok amin tebai uñun nap teban nañ wamañ yipmañek yo kabini tagi timitjak.

<sup>30</sup> <sup>l</sup> “Amin nak dakon notno dima, uñun da nak uwal añañamañ. Ae amin nak dima anpulanganban amin pañmuwukgamañ, uñun amin da amin pañwasenban wasen kwan.

<sup>31</sup> <sup>m</sup> “Do yan dayisat, Piñkop da yokwi morap gat ae Piñkop do yanba yokwi tok agak morap tagi wiriritjak. Mani amin kinda Telagi Wup do yanba yokwi tok asak kañ, Piñkop da uñun amin dakon diwarini dima wiririk imdisak. <sup>32</sup> Amin kinda Amin Dakon Monji do yanba yokwi tok asak kañ, Piñkop da diwarini tagi wiririk imjak. Mani amin kinda Telagi Wup do yanba yokwi tok asak kañ, Piñkop da abisok on miktimon ae don bisap madepmon kisi diwarini uñun dima wiririk imdisak.”

### Kindap yokwi uñun bami yokwi potdañ

(Lk 6.43-45)

<sup>33</sup> Yesu da sanbenek yan yagit, “Kindap kinda tagisi kañ, bami kisi tagi. Ae kindap yokwi kañ, bami kisi yokwi. Amin da kindap bami pindagek kindap yokwi bo ae tagi yan pindakgañ. <sup>34</sup> Ji tuñon amin emari toñ yombem. Gen tagisi niañsi añek yoni? Yo ni da butjigwan toñ uñun gen yogokjikon pañalon añ. <sup>35</sup> Amin kilegi uñun burikon yo tagisi morapmi toñ, do anpak kilegisi añ. Ae amin yokwi uñun burikon yo yokwi morapmi toñ, do anpak yokwi añ.

<sup>36</sup> “Mani yan dayisat, gen kokwin bisap madepmon isal dogin gen yum yawit amin morap Piñkop da mibili nido yawit uñun do yoyiñban kobogi

j 12.24 Mt 9.34; 10.25 k 12.28 Ya 10.38; 1Jn 3.8 l 12.30 Mk 9.40; Lk 9.50

m 12.31 Ibr 6.4-6 n 12.33 Mt 7.16-20 o 12.34 Mt 3.7; 15.18; Lk 3.7; 6.45

iyiŋ iyiŋ akdaŋ. <sup>37</sup>Gaga gen yosol uŋun da tilagon gak amin kilegi bo amin yokwi yaŋ gayikdisak.”

**Amin da Yesu wasok tapmimi toŋ asak do iyiwit**  
(Mk 8.11-12; Lk 11.29-32)

<sup>38</sup><sup>P</sup>Gen teban yoyiŋdet amin di gat ae Parisi amin di gat da Yesu yaŋ iyiwit, “Yoyiŋdet, gak da wasok tapmimi toŋ kinda abi kaŋek asi gak Piŋkop dakon pi naŋ asal yaŋ gandaneŋ.”

<sup>39</sup><sup>q</sup>Yaŋba yaŋ yoyigit, “Amin on bisapmon ekwaŋ uŋun amin yokwisi gin. Piŋkop dakon pi naŋ asat yaŋ nandak do wasok tapmimi toŋ kinda kok do yoŋ. Mani kinda dima kokdaŋ. Kombi amin Jona dakon tilak naŋgin kokdaŋ. <sup>40</sup><sup>r</sup>Jona gildat kapbi ae pilin kapbi yaŋ tap kilap da but kagagwan egipgut, yaŋgin Amin Dakon Monji miktim kagagwan gildat kapbi ae pilin kapbi yaŋ potdisak. <sup>41</sup><sup>s</sup>Niniwe amin Jona da Piŋkop dakon gen yoyiŋban but tobil awit. Mani ji da binapmon amin kinda egisak uŋun da Jona yapmaŋ mudosok, mani ji but tobil dima aŋ. Do gen kokwin bisap madepmon Niniwe amin da pidaŋ agek abisok ekwaŋ amin kabi dakon aŋpak yokwi uŋun do yaŋ teŋteŋokdaŋ. <sup>42</sup><sup>t</sup>Miktim saut tetgin dakon kila amin miŋat madep uŋun Solomon dakon nandaŋ kokwini tagisi iyinjakwan nandak do miktim dubagisikon da apgut. Mani amin kinda oni egisak, uŋun da Solomon yapmaŋdak, mani geni dima nandaŋ. Do gen kokwin bisap madepmon uŋun kila amin miŋat madep da pidaŋ agek abisok ekwaŋ amin kabi dakon aŋpak yokwi uŋun do yaŋ teŋteŋokdisak.”

**Koŋ aeni tobil abisak**  
(Lk 11.24-26)

<sup>43</sup>Yesu da saŋbeŋek yaŋ yagit, “Koŋ kinda da amin kinda yipmaŋ degek kiŋ miktim kibiri timon agek yik yawot tamo wisisak. Mani tamo kinda dima kosok do <sup>44</sup>yaŋ yosok, ‘Nak aeno tobil yut kalip egipgumon kikeŋ.’ Kiŋ kaŋban yut uŋun isal tosok ae sibiŋ sibiŋ ikdigaŋ aŋtilim abi kosok. <sup>45</sup><sup>u</sup>Yaŋ kosok, do kiŋ koŋ 7 kabi iyi yapmaŋek wagil yokwisi gat timikban kwa uŋun yutnon egek aŋpak yokwisi aŋ. Mibiltok uŋun amin yokwi egipgut, mani abisok uŋun yapmaŋek wagil yokwisi egisak. Yaŋgin abisok yokwi pakpak amin ekwaŋon yaŋ gin altosok.”

**Yesu dakon meŋi padik padikyo**  
(Mk 3.31-35; Lk 8.19-21)

<sup>46</sup>Yesu miŋat amin kabi madep gen yoyinjakwan meŋi padik padikni paŋabiŋ yomakon agek Yesu gat yaŋ nandat ak do yawit. <sup>47</sup>Yaŋba

---

<sup>P</sup> 12.38 Mt 16.1; Lk 11.16; Jn 6.30    <sup>q</sup> 12.39 Mt 16.4; Mk 8.12    <sup>r</sup> 12.40 Jna 1.17  
<sup>s</sup> 12.41 Jna 3.5    <sup>t</sup> 12.42 1KA 10.1-10    <sup>u</sup> 12.45 2Pi 2.20



yutgwan amin kinda da Yesu iyigit, “Meŋgo padik padikgo yomakon abeŋ da gak gat yaŋ nandat ak do yoŋ.”

<sup>48</sup>Yaŋban iyigit, “Meŋno padik padikno uŋun namin?” <sup>49</sup>Yaŋek paŋdetni kabikon kisit sugaŋek yagit, “Meŋno padik padikno oni. <sup>50</sup>‘Datno Kwen Kokup egisak uŋun dakon gen guramikgaŋ amin uŋun meŋno padik padikno ae saminoyo.”

### Jap yet tiŋtiŋok dakon gen

(Mk 4.1-9; Lk 8.4-8)

**13** <sup>1</sup>Uŋun gildaron gin Yesu yut uŋun yipmaŋek pakbi idap da ileŋon pabigi yikgit. <sup>2</sup>‘Yigakwan amin morapmisi da opba pindakgit, do bot kindakon wigigit. Boron pawigi yigakwan amin pakbi idap da ileŋon akgwit. <sup>3</sup>Agakwa Yesu da tilak gen kinda yaŋ yoyigit, “Amin kinda uŋun jap yet tiŋtiŋok do pigaga kigit. <sup>4</sup>Jap yet tiŋtiŋaŋakwan diwari kosiron maŋba minam da abiŋ nawit. <sup>5-6</sup>Ae yeri diwari da miktim tipmi toŋ timon mawit. Uŋun kwenjok tawit, do tepmi kwawit, mani tip kwenon miktim morapmi dima, do geli tagi dima yopba kiwit. Do gildat da wiŋ pindakban alek tawit. <sup>7</sup>Aŋakwa jap yet diwari joŋ keli toŋ timgwan mawit. Uŋun joŋ keli toŋ gat kisi kwaŋek wutjiŋba kibidawit. <sup>8</sup>Ae jap yet diwari da miktim tagisikon maŋ kwawit. Maŋ kwaŋakwa diwari da bami 100, ae diwari da 60, ae diwari da 30 yaŋ tawit. <sup>9</sup>Gen yosot uŋun pakyaŋsi nandani.”

### Tilak gen yogok dakon mibili yoyigit

(Mk 4.10-12; Lk 8.9-10)

<sup>10</sup>Tilak gen uŋun yoyiŋ mudanban paŋdet kabini da abiŋ iyiwit, “Miŋat amin kabiyo madep gen yoyiŋek tilak gen baŋ nido yoyisal?”

<sup>11</sup>Yaŋba yaŋ yoyigit, “Piŋkop da Amin Kila Asak uŋun dakon mibili pasili tosok uŋun ji da tagi nandani do Piŋkop da nandisak, mani uŋun amin do dima yolisak. <sup>12</sup>‘Amin nak dakon gen nandaŋek burikon yipmaŋdak uŋun amin Piŋkop da saŋbeŋek nandak nandak tagi madepsi imdisak. Mani amin nak dakon gen nandaŋek burikon dima yipmaŋdak uŋun amin nak dakon gen diwari nandagit uŋun pasil imdisak. <sup>13</sup>Mibili yaŋ do tilak gen gin yosot. Amin uŋun dabil siŋtaŋek koŋ, mani yo kinda dima koŋ. Mirak paŋek nandaŋ, mani dima nandaba pisosok. <sup>14</sup>‘Amin da yaŋ aŋakwa kombi amin Aisaia da kombi gen kinda yagit uŋun bami toŋ asak. Gen uŋun yaŋ yagit:

‘Ji bisap morapmisi gen nandakdaŋ, mani mibili dima nandaba pisokdisak.

▼ 12.50 Ro 8.29    ✱ 13.2 Lk 5.1-3    ✕ 13.12 Mt 25.29; Mk 4.25; Lk 8.18; 19.26  
 ▼ 13.14-15 Ais 6.9-10; Jn 12.40; Ya 28.26-27

Bisap morapmi dabil sinjanek kokdan, mani dima kanja pisokdisak.

<sup>15</sup> Ujun do anek on amin but teban kili awit.

Gen kalugi di gat nandak do kurak tanek mirakni panj sogwit, ae dabilni wamanj sogwit.

Yan dima awit tam, dabilni ae mirakni ae butniyo da kanj nandanjo aba pisanban nagon tobilba tagi panmilip abom.'

<sup>16</sup> Mani ji dabilji da tagi pindakgan, ae mirakji da tagi nandan, do ji kisik kisik ekwan. <sup>17</sup> Asisi dayisat, kalip kombi amin morapmi gat ae amin kilegi morapmi gat da yo ji da abisok pindak nandanjo an unun pindat do but kindap pawit, mani dima pindakgwit. Ae abisok ji da gen nandan unun nandak do but kindap pawit, mani dima nandawit."

### **Jap yet tɪntɪnok dakon mibili yoyigit**

*(Mk 4.13-20; Lk 8.11-15)*

<sup>18</sup> Yesu da sanbenek yan yagit, "Kili jap yet tɪntɪnok dakon tilak gen dakon mibili dayiko nandani. <sup>19</sup> Amin Pinjkop da Amin Kila Asak dakon gen nandanej butni dima pison unun jap yet kosiron mawit unuden. Yokwi Ami da abin gen tagi butnikon ton unun gwayen panjisak. <sup>20</sup> Jap yet tipmi ton timon mawit unun amin kinda yombem. Unun amin Pinjkop dakon gen nandanej unun bisapmon gin kisik kisigon da abidosok. <sup>21</sup> Mani butnikon geli tagi dima yipban kigit, do bisap pisipmisok akdak. Jigi mibili mibili altaɲ imni ae Pinjkop dakon gen dakon uwal apni bisapmon nandan gadatni yipban witdal kisak. <sup>22</sup> "Ae jap yet jon keli ton timon mawit unun amin kinda yombem. Unun amin Pinjkop dakon gen nandisak, mani miktim dakon yo do nandaba kik asak, ae moneɲ da ankilikban unun do galagisi nandanej unun da Pinjkop gen witjinban bami dima tosok. <sup>23</sup> Mani jap yet miktim tagisikon mawit unun amin kinda yombem. Unun amin Pinjkop dakon gen nandanej mibili nandan kimokdok. Unun amin bami 100, ae kinda bami 60, ae kinda bami 30 yan tanjan an."

### **Jon pigaga kwoɲ unun dakon tilak gen**

<sup>24</sup> Yesu da tilak gen kinda gat yan yoyigit, "Pinjkop da Amin Kila Asak unun yan. Amin kinda da jap yet pigagani kon tɪntɪnagit. <sup>25</sup> Mani amin dipmin pak mudanej uwalni da abin jap yet tagi yopgut unun bikbikgwan jon yokwi dakon yeri tɪntɪnanej kigit. <sup>26</sup> Jap yet kwanej bami tok do anekwa jon yokwi kisi kwan wawit.

<sup>27</sup> "Kwanej pindagek pi monji da kin pi ami analon anek yan iyiwit, 'Amin tagi, gak pigokon jap yet tagi banjin yopgul kagagwan jon yokwi unun nianon da kwawit?'

<sup>z</sup> 13.16-17 Lk 10.23-24    <sup>a</sup> 13.22 Lk 12.16-21; 1Ti 6.9-10,17

<sup>28</sup>“Iyɨnba yaŋ yaɣit, ‘Uwal kinda da tiŋtiŋaɣit.’

“Yaŋban iyiwit, ‘Niaŋ nandisal? Kiŋ joŋ yokwi pilitneŋ do nandisal bo niaŋ?’

<sup>29</sup>“Yaŋba yaŋ yoyigit, ‘Dima. Joŋ yokwi pilitni kaŋ, jap bami di kisi pilitdaŋ. <sup>30</sup>Yum pindagakwa jap gat joŋ gat kisi kwaŋakwa bami pakpak bisapmon jap bami pakpak pi monjino yaŋ yoyikeŋ: Mibiltok ji joŋ yokwi kindapmon sok do baljaŋ gwilik yopni. Aŋek jap bami paŋ iligeŋ jap yutnokon pawigi yopni.’”

### **Mastat kindap dakon yeri dakon tilak gen**

*(Mk 4.30-32; Lk 13.18-19)*

<sup>31</sup>Tilak gen kinda gat yaŋ yoyigit: “Piŋkop da Amin Kila Asak uŋun mastat yet yombem. Amin kinda da mastat yet pinikon kwaokgit.

<sup>32</sup>Mastat yet uŋun jap yet kisi morap dakon piŋbi. Yeri moniŋisisok. Mani kwaotno madepsi kwosok. Jap diwari dakon tagok tagokni uŋun yapmaŋ mudaneŋ kindap da yaŋ kwosok. Ae kiliŋi madep yopban kiŋakwa minam morapmi da paŋabiŋ uŋunwan yikgaŋ.”

### **Yis dakon tilak gen**

*(Lk 13.20-21)*

<sup>33</sup>Yesu da aeni tilak gen kinda gat yaŋ yoyigit, “Piŋkop da Amin Kila Asak uŋun yis yombem. Miŋat kinda da plaua idap madep kinda gat iktagildak. Yaŋ aŋakwan plaua uŋun kisisi paptan madep tawit.”

### **Yesu tilak genon daŋin Piŋkop dakon gen yaɣit**

*(Mk 4.33-34)*

<sup>34</sup>Gen morap uŋun Yesu da miŋat amin kabi yoyigit uŋun tilak genon daŋin yaɣit. Gen noman dima yoyiŋ teŋteŋaɣit. Tilak gengin yoyigit.

<sup>35</sup><sup>b</sup>Yaŋ aŋakwan kombi gen kinda kalip yaŋbi uŋun bami toŋ aɣit. Gen uŋun yaŋ:

“Nak da ji tilak gen dayikeŋ.

Yo kalipsi Piŋkop da miŋtim wasagit bisapmon pasili tawit da ae abisok toŋ uŋun do dayikeŋ.”

### **Joŋ yokwi pigaga kwoŋ dakon mibili yoyigit**

<sup>36</sup>Yesu da miŋat amin kabi madepsi yopmaŋek yutnon wigakwan paŋdetni da Yesukon kiŋek yaŋ iyiwit, “Joŋ pigaga kwoŋ dakon tilak gen uŋun dakon mibili yaŋbi nandano.”

<sup>37</sup>Iyɨnba yaŋ yoyigit, “Jap yet tagi yopmaŋdak amin uŋun Amin Dakon Monji. <sup>38</sup>Pi uŋun on miŋtim. Aŋek jap yet tagi uŋun Piŋkop da Amin Kila

<sup>b</sup> 13.35 Kap 78.2

Asak da kagagwan ekwan miñat amin kabiyo. Ae jon yokwi unun Yokwi Ami dakon miñat amin kabiyo. <sup>39</sup>Anek uwal jon tɪntɪnjagit unun Sunduk, ae jap pakpak bisap unun miktım da mudosak bisap madep. Ae jap bami pakpak pi monji unun Piñkop dakon aņelo kabini.

<sup>40</sup> <sup>c</sup> “Amin da jon pilik kindapmon sosonj unudej gin bisap mudok mudogikon yanj gin altokdisak. <sup>41-42</sup> <sup>d</sup> <sup>e</sup> Amin Dakon Monji unun aņelo kabini yabekban unun da yo morap yokwi agak dakon yo paņalon aņ gat ae yokwi pakpak amin gat kisi Iyi Kila Asak da kagagwan banj pilik maba kindap tepmisi sosok unungwan pigikdan. Pigi unungwan kunam tagek iyonj iyonj yanjek egipdan. <sup>43</sup> <sup>f</sup> Unun bisapmon amin kilegi kabi Datni da Amin Kila Asak da kagagwan gildat da tenņenosok unudej tenņenajek egipdan. Nak da gen yosot pakyanjsi nandani.”

### Monej witjɪnbi dakon tilak gen

<sup>44</sup> Yesu da sanbejek yanj yagit, “Piñkop da Amin Kila Asak unun monej kinam kinda witjɪnbi yombem. Amin kinda da monej kinam kinda miktım kagagwan yipbi nanj kankwan aeni anki sibigit. Anek but galak nandajek yo kabini tanj imgwit unun kisisi aminon yumanj nanjek unun dakon moneji banj unun miktım tim yumanj nagit.”

### Kindirij mani tonjsi dakon tilak gen

<sup>45</sup> Yesu da sanbejek yanj yagit, “Ae Piñkop da Amin Kila Asak unun monej ilit amin kinda yombem. Unun amin yo tomni wikwisi wisinj pindat do pi asak. <sup>46</sup> Anek kindirij kinda wagil mani tonjsi tomni wukwisi kinda kosok bisapmon kinj yo kabini tanj imgwit unun kisisi aminon yumanj nanjek unun dakon moneji banj unun kindirij tagisi yumgut.”

### Tap kilap simıl simıl yik dakon tilak gen

<sup>47</sup> Yesu da sanbejek yanj yagit, “Aeno tilak gen kinda dayiko nandani. Piñkop da Amin Kila Asak unun tap kilap simıl simıl yik yombem. Amin da unun yik pakbi idapgwın yipba pikwan tap kilap mibili mibili yikgwın pikwan. <sup>48</sup> Pigi tujanba ilikba ilenikon wikwan yigek tap kilap kokwinikganj. Tagi amin idap madepmon yopmanjek yokwi amin maba kwanj. <sup>49</sup> Miktım dakon bisap mudosak bisapmon yanj gin altokdisak. Aņelo kabi da abinj amin yokwi amin kilegi da bikbigon ekwanj unun timitdan. <sup>50</sup> <sup>g</sup> Timigek maba kindap tebanon pigek unungwan kunam tagek iyonj iyonj yanjek egipdan.”

<sup>51</sup> Yanj yanjek Yesu da paņdetni yanj yoyigit, “Gen morap dayisat unun dakon mibili nandanj mudonj bo dima?”

<sup>c</sup> 13.40 Jn 15.6 <sup>d</sup> 13.41-42 Mt 8.12; 24.31; 25.31; Mk 13.27 <sup>e</sup> 13.42 Mt 8.12

<sup>f</sup> 13.43 Dan 12.3 <sup>g</sup> 13.50 Mt 13.42; Lk 13.28

Yoyiŋban iyiwit, “O, nandaŋ mudomaŋ.”

<sup>52</sup>Yaŋba Yesu da yoyigit, “Gen teban dakon yoyiŋdet amin Piŋkop da Amin Kila Asak uŋun dakon mibili kaluk nandaŋek nandaŋ gadasak uŋun yut kinda dakon ami yombem. Uŋun amin yo kabi yopyop tamonikon kiŋ yo kalugi ae kalipmi kisi paŋabin amin yolisak.”

### Nasaret amin da Yesu do kurak taŋ imgwit

(Mk 6.1-6; Lk 4.16-30)

<sup>53</sup>Yesu uŋun tilak gen morap yoyiŋ mudaneŋ uŋun kokup yipmaŋek <sup>54</sup><sup>h</sup>iyi da kokupmon kigit. Uŋudon Juda amin da muwut muwut yutnon wigi amin yoyiŋ degakwan tamtam yaŋek yaŋ yawit, “Nandaŋ kokwin tagisi ae wasok tapmimi toŋ agak dakon tapmim dukwan baŋ pagit? <sup>55</sup><sup>i</sup>Uŋun kisit kilda dakon monji. Meŋi uŋun Maria, ma? Ae padik padik kabini Jems, Josep, Saimon ae Judas, ma? <sup>56</sup>Aŋek samini kabi bikbik ninon ekwaŋ. Yo morap uŋun dukon timikgit?” <sup>57</sup>Yaŋ yaŋek kurak taŋ imiŋek nandaba piŋban imgwit.

Yaŋ nandaŋek egakwa Yesu da yaŋ yoyigit, “Kombi amin kinda iyi dakon kokupni ae diwatniyo da nandaba piŋban imiŋakwa miktim diwarikon amin da nandaba wikwan imaŋ.” <sup>58</sup>Amin uŋun dima nandaŋ gadaŋ imgwit, do Yesu uŋudon wasok tapmimi toŋ morapmi dima agit.

### Erot da yaŋban Jon aŋakgwit

(Mk 6.14-29; Lk 3.19-20; 9.7-9)

**14** <sup>1</sup>Kila amin madep Erot uŋun Yesu dakon gen bin nandaŋek <sup>2</sup>oman amin kabini yaŋ yoyigit, “Jon Telagi Pakbi Sogok Amin uŋun kimoron da pidak, do wasok tapmimi toŋ agak uŋun dakon tapmim taŋ imisak.”

<sup>3-4</sup><sup>k</sup>Kalip Erot da padige Pilip dakon miŋatni Erodias tuwil pagit. Aban Jon da Erot yaŋ iyigit, “Gak gen teban yapmaŋek padigigo dakon miŋatni tuwil pal. Uŋun tagi dima.” Gen uŋun nandaŋek Erot da obip amini yabekban kiŋ Jon abidaneŋ nap teban naŋ wamaŋ dam tebanon yipgwit. <sup>5</sup><sup>l</sup>Erot uŋun Jon aŋakban kimotjak do nandagit, mani amin da Jon uŋun kombi amin kinda yaŋ nandawit. Do amin do pasalek Jon dima aŋakgit.

<sup>6</sup>Don Erot dakon altok altok bisap do nandaŋek jap noknok awit bisapmon Erodias dakon gwi da kap aban Erot da kaŋek nandaban yo madepsi agit. <sup>7</sup>Aŋek yaŋ teban tok kinda aŋek yaŋ iyigit, “Yo nido nayiki, tagi gabeŋ.” <sup>8</sup>Iyiŋban meŋi da gwi nandak nandak iban Erot yaŋ iyigit, “Jon Telagi Pakbi Sogok Amin uŋun dakon busuŋi idapmon yipmaŋ nabi.”

<sup>h</sup> 13.54 Jn 7.15    <sup>i</sup> 13.55 Jn 6.42    <sup>j</sup> 13.57 Jn 4.44    <sup>k</sup> 14.3-4 MS 18.16; 20.21; Lk 3.19-20  
<sup>l</sup> 14.5 Mt 21.26

<sup>9</sup>Gen yaŋ yaŋban Erot burikon jigi nandagit, mani amin jap nawit uŋun da iŋamon yaŋ teban tok agit uŋun do pasalek gen yagit dima kirinŋigit. Obip amini yoyinŋban miŋatjok da gen iyigit uŋuderŋ aŋek <sup>10</sup>dam tebanon kiŋ Jon dakon busuŋi mandanŋ dagawit. <sup>11</sup>Mandanŋ daganŋ idapmon yipmanŋ aŋabiŋ miŋatjok uŋun do iba aŋki meŋi do iŋgut. <sup>12</sup>Aŋakwan Jon dakon paŋdetni da kiŋ bumjotni abidanŋ aŋki wayikgwit. Wayigeŋ kiŋ Yesu uŋun dakon geni iyiwit.

**Yesu da amin 5 tausen do jap yomgut**

*(Mk 6.31-44; Lk 9.10-17; Jn 6.1-13)*

<sup>13</sup>Yesu uŋun Jon aŋakba kimakgit dakon gen bin nandanŋek iyi gin bot kinda abidanŋek miktim amini minikon kigit. Kiŋakwan miŋat amin kabi madep Yesu uŋudon kisak yaŋ nandanŋek kokupni yopmanŋ yopmanŋ aŋek pakbi idap ileŋi nanŋ yol aŋkiwit. <sup>14</sup>Aŋakwa bot uŋun paŋki ileŋikon agakwan Yesu piŋ ileŋikon wiŋek amin kabi madepsi pindak bupmi nandanŋek sot amin paŋmilip agit. <sup>15</sup>Aŋakwan pilindo paŋdetni da abiŋ Yesu yaŋ iyiwit, “Miktim amini minikon ekwamanŋ, ae gildat kili pigikdisak, do yoyinŋbi amin kabi madep kokup moniŋ moniŋ kiŋek iyi do jap yumanŋ noni.”

<sup>16</sup>Yaŋba yaŋ yoyigit, “Nido kini? Disi jap yomgut.”

<sup>17</sup>Yoyinŋban yaŋ yawit, “Ninon jap morapmi dima. Bret kisit kinda ae tap kilap bamori daganŋ taŋ nimanŋ.”

<sup>18</sup>Yaŋba Yesu da yaŋ yoyigit, “Uŋun nagon paŋopni.” <sup>19</sup><sup>m</sup>Yaŋ yaŋek amin morap joŋ timon yiŋni do yoyigit. Aŋek bret kisit kinda ae tap kilap bamot pabidanŋek Kwen Kokup siŋtanŋek gisamikgit. Yaŋ aŋek bret jokgalek paŋdetni do yoban uŋun da amin do yomgwit. <sup>20</sup>Yoba timik amin morap kisisi aripmisi nawit. Nanŋba bret diwat tawit uŋun paŋdetni da similba yiŋ madepsi 12 kabi yaŋ tugawit. <sup>21</sup>Wili 5 tausen da jap nawit. Ae miŋat monjiyo jap nawit uŋun dima manjikbi.

**Yesu pakbi idapmon bamanŋ bamanŋ kigit**

*(Mk 6.45-52; Jn 6.16-21)*

<sup>22</sup>Yesu paŋdet kabini boron wiŋek pakbi idap teri kinda uŋun da kalip wigini do yoyigit. Kiŋakwa Yesu miŋat amin kabi madep yoyinŋban kiwit. <sup>23</sup><sup>n</sup>Yoyinŋban kiŋakwa iyi gin ileŋ kindakon bisit ak do wigigit. Wigi gildat pigakwan iyi gin ileŋon egipgut. <sup>24</sup>Yesu ileŋon egakwan paŋdet kabini boron da kiŋ dubak taŋakwa mirim da abiŋ bot tomnikon tidaŋakwan pakbi da madepsi tamaligakwan bot tobiŋ tobiŋ agit.

<sup>25</sup>Kili wisawisa do Yesu da pakbi idapmon bamanŋ bamanŋ kiŋ paŋdetni kabikon noman taŋ yomgut. <sup>26</sup><sup>o</sup>Pakbi idapmon bamanŋ bamanŋ apban

<sup>m</sup> 14.19 Mt 15.35-39; Mk 8.6-10    <sup>n</sup> 14.23 Lk 6.12; 9.28    <sup>o</sup> 14.26 Lk 24.37

kanjek pangetni si pasalgwit. Anek “Kon kinda abisak!” yan yanjek yan tidawit.

<sup>27</sup>Yan tidanakwa unudon gin Yesu da yan yoyigit, “Ji si teban tanjek egipni. Nak naga abisat. Dima pasolni.”

<sup>28</sup>Yoyinban Pita da iyigit, “Amin Tagi, gaga abisal kan, yanbi pakbi kwenon da baman baman gagon opbo.”

<sup>29</sup>Iyinban Yesu da yagit, “Kili op.” Yan yanban Pita da bot yipmanek pinj pakbi kwenon bamanek Yesukon kigit. <sup>30</sup>Kinjakwan mirim unun tebai aban kan pasalek pakbi kagagwan timisok di pikek yan tidanek yagit, “Amin Tagi nak anpulgaw!”

<sup>31</sup>Yan tidanban unudon gin Yesu da Pita abidanek yan iyigit, “Gak nandan gadatgo pisipmi, nido but bamot asal?”

<sup>32</sup>Yan iyinban boron wigakwal mirim dagagit. <sup>33</sup>Daganakwan boron yikgwit amin unun Yesu gawak iminek yawit, “Asisi, gak Pinjkop dakon Monji.”

**Genesaret miktimon Yesu da sot amin morapmi panmilip agit**  
(Mk 6.53-56)

<sup>34</sup>Pakbi idap teri kinda Genesaret miktimon kin ilenikon wigakwan <sup>35</sup>unun miktim amin da Yesu kan nandanjo awit. Kan nandanjo anek Yesu abik dakon gen bin sanbenba miktim teri teri kigit. Kwan nandanek sot amin kisisi panabin yopmanakwa <sup>36</sup>sot amin da Yesu dakon paba pigik diwatni igayik do bisit tebai iyiwit. Igayiwit amin unun kilek tan mudawit.

**Pinjkop dakon gen teban da babak dakon gen yapmandak**  
(Mk 7.1-13)

**15** <sup>1</sup>Parisi amin diwari gat ae gen teban yoyindet amin diwari gat Jerusalem kokup papmon da obinek Yesu yan iyiwit, <sup>2</sup>“Nido panget kabigo babak dakon gen teban yapmanek kisiri dima suganek jap non?”

<sup>3</sup>Yanba Yesu da yan yoyigit, “Ji Pinjkop dakon gen teban yipmanek babakji dakon gen panteban anek unun ban pan ekwan. Unun tagi dima. <sup>4</sup>Pinjkop da yan yagit,

‘Ji mej datyo dakon pinbi egek geni guramitni’  
ae kinda gat yan yosok,

‘Amin kinda da mej datyo do gen yokwi kinda yosak kan, unun amin si anakba kimotjak.’

<sup>5</sup>Mani ji da amin gulusun yoyin degek yan yoyan, ‘Mej datyo do nandaba wikwanek yo kabi unun do panpulgogi unun Pinjkop do paretni kan unun

tagi' ji da sun' yan' yoyan'. <sup>6</sup>Ji yan' anek babikji dakon gen teban guramigek Piŋkop dakon gen teban maba kisak. <sup>7</sup>Ji jamba but amin, Piŋkop da kombi amin Aisaia dakon nandak nandak an' tagap aban ji do gen yan' si mandagit:

<sup>8</sup> s 'Uŋun amin kabi gen kaga daŋin nak man madep namaŋ,  
mani but dasi nak dima nandaŋ namaŋ.

<sup>9</sup> Iyi dakon gen teban do, "On uŋun Piŋkop dakon gen" yan' yanek amin yoyiŋ dekgaŋ.

Nak gawak namaŋ uŋun koko yo isali asak.' "

### **Yo noknogi da amin dakon but dima an' upbal asak**

*(Mk 7.14-23)*

<sup>10</sup> Yesu da miŋat amin kabi madep yan' ilikban apba yoyigit, "Gen dayiko mirak yopmaŋek nandaba pisolak. <sup>11</sup>'Yo si nono pikwaŋ uŋun do Piŋkop da nandaban yokwi dima asak. Mani gen yomaŋ uŋun do Piŋkop da nandaban yokwi tosok."

<sup>12</sup> Yan' yanban paŋdetni da obiŋ yan' iyiwit, "Gen on yan'aki Parisi amin dakon but yokwi toŋ gaŋ uŋun di nandisal, bo dima?"

<sup>13</sup> Yan'ba Yesu da yan' yoyigit, "Kwen Kokup Datno yo iyi dima kwaokgit uŋun gelimbil pilik mudokdisak. <sup>14</sup>"Ji on amin do nandaba kik dima ani. On amin kosit yolik amin dabili mini yombem. Dabili mini kinda da notni kinda kosit yolisak kaŋ, kisi bamot gapmakon mokdamal."

<sup>15</sup> Yan'ban Pita da Yesu yan' iyigit, "Gak amin tilak gen yoyil uŋun dakon mibili tagi niyiŋbi nandanen?"

<sup>16</sup> Yan'ban Yesu da yan' yagit, "Jiyo kisi dima nandaŋ pison? <sup>17</sup>Jap morap nomaŋ uŋun kwasopninon piŋek kosiri naŋ abigisak. <sup>18</sup>Mani gen yokwi yomaŋ uŋun nandak nandakninon da wiŋ butnin paŋupbal asak. <sup>19</sup>Yo uŋun yan' do yosot: nandak nandak yokwi, amin dapba kimot, yumabi an'pak mibili mibili, kabo, topmon da gen pikon yopyop, ae yan'ba yokwi tok. <sup>20</sup>Amin da uŋun an'pak morap an'akwa Piŋkop da pindakban yokwi aŋ. Mani ji kisitji dima sugaŋek jap noŋ uŋun da yokwi dima asak."

### **Kenan miŋat kinda Yesu nandaŋ gadaŋ imgut**

*(Mk 7.24-30)*

<sup>21</sup> Yesu kokup uŋun yipmaŋek Tair ae Saidon kokup bamot tomal uŋudon kigit. <sup>22</sup>Kiŋ altaŋakwan Kenan miŋat kinda uŋudon egipgut uŋun da abiŋ yan' tidaŋek yan' yagit, "Amin Tagi, Dewit Dakon Monji, bupmi nandaŋ nam! Gwano koŋ da madepsi an'upbal asak."

<sup>23</sup> Yan'ban Yesu da gen kobogi kinda dima iyigit. An'akwan paŋdet kabini da obiŋek Yesu yan' iyiwit, "Miŋat on yan' tidaŋek jigi nimiŋek noldak. Uŋun tagi dima. Iyiŋbi kwan."

s 15.8-9 Ais 29.13 t 15.11 Mt 12.34 u 15.14 Lk 6.39; Ro 2.19



24<sup>v</sup>Yañba Yesu da yañ yagit, “Piŋkop da nak Israel amin sipsip kabini pasilbi unun baŋgin paŋpulugokeŋ do yabekgit.”

25<sup>w</sup>Yañban nandaŋek miŋat da abiŋ gawak imiŋek yañ iyigit, “Amin Tagi, aŋpulugoki dosi nandisat!”

26<sup>x</sup>Yañ yañban Yesu da iyigit, “Miŋat monjiyo dakon jap piŋan do yomyomi mini.”

27<sup>y</sup>Yañban miŋat da yañ iyigit, “Amin Tagi, bami yosol, mani piŋan tewigi da tamokon da jap jimjim moŋ unun tagi noŋ.”

28<sup>z</sup>Yañban Yesu da nandaŋek yañ iyigit, “O miŋat, nandaŋ gadatgo unun wukwisi. Yo nido yal unun yañ gin altaŋ gamdisak.” Yañ iyinŋakwan unudon gin gwi kilek tagit.

### Yesu sot amin morapmi paŋmilip agit

29<sup>a</sup>Yesu unun kokup yipmaŋek Galili Pakbi Idap da ileŋikon kigit. Kiŋek unudon da ileŋ kindakon pawigi yikgit. 30<sup>b</sup>Pawigi yigakwan miŋat amin kabi madepsi da sot amin morapmi paŋapgwit. Kandapmi yokwi ae gireŋikbi, dabili mini, amin kadim, ae sot mibili mibili toŋ unun Yesu da buron paŋabiŋ yopmaŋakwa paŋmilip agit. 31<sup>c</sup>Wañakwan kadim da gen yawit, ae kandapmi yokwi ae gireŋikbi da kosit agipgwit, ae dabili mini da siŋtawit. Amin da unun pindagek Israel dakon Piŋkop do tamtam yaŋek aŋkisiwit.

### Yesu da amin 4 tausen do jap yomgut

(Mk 8.1-10)

32<sup>d</sup>Yesu da paŋdet kabini yañ yoban apba yañ yoyigit, “On miŋat amin kabiyo nin gat gildat kapbi egipmamaŋ. Kili japni kisi naŋ mudaŋ, do nak bupmi nandaŋ yomisat. Jap dima yomiŋek yabetno kini kaŋ, kosiron inŋam kimot aŋek maŋ potdaŋ.”

33<sup>e</sup>Yañban paŋdetni da yañ iyiwit, “On miktim amini minikon bret morapmi dukon baŋ on miŋat amin morapyo yomno noni?”

34<sup>f</sup>Yañba yoyigit, “Jikon bret niaŋ da toŋ?”

Yañban yawit, “Ninon bret 7 ae tap kilap moniŋgok bamorisok daŋin taŋ nimaŋ.”

35<sup>g</sup>Yañ yaŋakwa Yesu da miŋat amin kabiyo madep miktimon paŋiŋ yitni do yoyigit. 36<sup>h</sup>Yoyiŋban yigakwa Yesu da bret 7 kabi gat ae tap kilap gat timik Piŋkop ya yañ iyinŋek pudaŋ paŋdetni do yoban unun da amin do yoba nawit. 37<sup>i</sup>Kisi aripmisi naŋba jap diwat tawit unun paŋdetni da timigek yik madepsi 7 kabi similgwit. 38<sup>j</sup>Wili 4 tausen da jap nawit. Ae miŋat monjiyo jap nawit unun dima manjikbi.

39<sup>k</sup>Yesu unun miŋat amin kabi madepsi yoyiŋban kiŋakwa iyi boron wigek Magadan tet do kigit.

<sup>v</sup> 15.24 Mt 10.6    <sup>w</sup> 15.31 Mk 7.37    <sup>x</sup> 15.32 Mt 14.14

**Yesu da wasok tapmimi toŋ asak do iyiwit**  
(Mk 8.11-13; Lk 12.54-56)

**16** <sup>1</sup>Parisi amin ae Sadyusi amin diwari da Yesu aŋkewal do aŋek opgwit. Asi Piŋkop dakon pi naŋ asak bo dima yaŋ do wasok tapmimi toŋ kinda aban koni do iyiwit. <sup>2</sup>Iyɪnba yoyigit, “Gildat pigik do aŋakwan ji yaŋ yoŋ, ‘Kwen gami asak, do aŋwa bisap tagisi.’ <sup>3</sup>Ae wisa dagokdosi ji yaŋ yoŋ, ‘Gikwem pili ae kwen gami asak, do sikak mirimyo akdisak.’ Ji gildat wisayo pindagek kokwin tagisi aŋ, mani abisok bisap ekwamaŋ unun kaŋek kokwin tagi dima aŋ. <sup>4</sup>Amin on bisapmon ekwaŋ unun amin yokwisi gin. Piŋkop dakon pi naŋ asat yaŋ nandak do wasok tapmimi toŋ kinda kok do yoŋ. Mani kinda dima kokdaŋ. Kombi amin Jona dakon tilak naŋgin kokdaŋ.”

Yaŋ yoyiŋek yopmaŋ kigit.

**Parisi ae Sadyusi amin dakon yis dakon tilak gen**  
(Mk 8.14-21)

<sup>5</sup>Yesu gat paŋdetni gat pakbi idap teri kinda kiwit bisapmon paŋdetni bret do iŋtaŋek kiwit. <sup>6</sup>“Yaŋ aba Yesu da yaŋ yoyigit, “Ji Parisi gat ae Sadyusi amin gat unun dakon yis do pakyaŋsi kaŋ kimotni.”

<sup>7</sup>Yaŋban notni yoyiŋ yoyiŋ aŋek yaŋ yawit, “Ninon bret mini unun do bo yosok?”

<sup>8</sup>Gen unun yaŋba Yesu burikon da pindak nandaŋyo aŋek yaŋ yoyigit, “Ji nido ninon bret mini yaŋ yoŋ? Ji nandaŋ gadatji pisipmi! <sup>9</sup><sup>b</sup>Ji butji sigin pakyaŋsi dima nandaŋ pison, ma? Nak bret 5 kabi baŋ amin 5 tausen do yobo naŋakwa diwari yik morapmi simlba tugawit ji unun do si iŋtoŋ? <sup>10</sup>“Ae bret 7 kabi baŋ amin 4 tausen do yobo naŋakwa diwari yik morapmi simlba tugawit ji unun do si iŋtoŋ? <sup>11</sup>Nak bret do yat yaŋ nandaŋ, ma? Dima. Ji Parisi gat ae Sadyusi amin gat dakon yisni do pakyaŋsi kaŋ kimotni, nak unun do dayit.”

<sup>12</sup>Yaŋ yaŋban nandaŋek buri pisawit. Bret dakon yis do dima yosok, Parisi gat ae Sadyusi amin gat dakon yoyiŋdetni toptopmi do kaŋ kimotneŋ do yosok yaŋ nandawit.

**Pita da Yesu dakon mibili yaŋ teŋteŋagit**  
(Mk 8.27-30; Lk 9.18-21)

<sup>13</sup>Yesu Sisaria Pilipai kokup pap aŋkapmat aŋek paŋdetni yaŋ yoyigit, “Amin da Amin Dakon Monji do namɪn amin kinda yaŋ yoŋ?”

<sup>y</sup> 16.1 Mt 12.38; Lk 11.16    <sup>z</sup> 16.4 Mt 12.39; Lk 11.29    <sup>a</sup> 16.6 Lk 12.1    <sup>b</sup> 16.9 Mt 14.17-21  
<sup>c</sup> 16.10 Mt 15.34-38

<sup>14</sup>dYaŋban iyiwit, “Diwari da Jon Telagi Pakbi Sogok Amin yaŋ yoŋ, ae diwari da Elaija yaŋ yoŋ, ae diwari da kombi amin Jeremaia, bo kombi amin ŋwakŋwari kinda yaŋ yoŋ.”

<sup>15</sup>Yaŋba Yesu da yaŋ yoyigit, “Ae disi nak do namin yaŋ yoŋ?”

<sup>16</sup>eYaŋ yoyiŋban Saimon Pita da yaŋ iyigit, “Gak Kristo, Piŋkop egip egipmi toŋ uŋun dakon Monji egisal.”

<sup>17</sup>fYaŋban Yesu da yaŋ iyigit, “Saimon, Jon dakon monji, gak kisik kisik tagi abi. Gen yal uŋun miktim amin kinda da dima goligit. Kwen Kokup Dat da iyi goligit. <sup>18</sup>gNak yaŋ gayisat, mango uŋun Pita. Aŋakwan tip uŋun da kwenon paŋmuwukbi kabino paŋ-muwuk yopbo Tipdom dakon tapmim da aripmi dima pabiŋ yopmaŋakwan toktogisi taŋ aŋ aŋ kikdisak. <sup>19</sup>hPiŋkop da Amin Kila Asak uŋun dakon yoma witald gabeŋ. Gen miktimon yaŋ aŋteban abi, Kwen Kokupmon Piŋkop da yaŋ gin yaŋ aŋteban asak. Ae gen miktimon yaŋ witaldabi, Kwen Kokup-mon Piŋkop da yaŋ gin yaŋ witaldjak.”

<sup>20</sup>Yaŋ yaŋek Yesu da paŋdetni dima yoni do kirinŋik yomiŋek yaŋ yoyigit, “Nak Kristo egisat uŋun amin kinda dimasi iyini.”

### **Yesu kimot bisapni kwaŋ taŋakwan paŋdetni da iyi dakon aŋpak ani do yoyiŋ dekgit**

*(Kilapmi 16.21–20.34)*

#### **Kimagek pidosak uŋun dakon but piso yagit**

*(Mk 8.31–9.1; Lk 9.22-27)*

<sup>21</sup>Uŋun bisapmon Yesu da wasaŋek yo noman taŋ imdaŋ uŋun do paŋdetni yoyiŋek yaŋ yagit, “Nak Jerusalem kokup papmon kinjek kila amin, ae mukwa sogok amin dakon amin madep kabi, ae gen teban yoyiŋdet amin uŋun da yo yokwisi aŋ namiŋek nikba kimotdisat. Aŋek gildat kapbi aŋakwan Piŋkop da aban pidokdisat.”

<sup>22</sup>Yaŋban Pita da uŋun gen nandaŋek Yesu ileŋikon aŋki tebai yaŋ iyigit, “Amin Tagi! Uŋun yo morap dimasi altaŋ gamni!”

<sup>23</sup>Yaŋban Yesu da Pita yaŋ iyigit, “Sunduk gak nepmaŋ det! Kosit sopsop dima aŋnam. Gak Piŋkop dakon nandak nandak naŋ dima yoldal, gak amin dakon nandak nandak naŋ yoldal.”

<sup>24</sup>iYaŋ yaŋek Yesu da paŋdetni yaŋ yoyigit, “Amin kinda nak nol do nandisak kaŋ, uŋun amin iyi dakon galaktok morapni kisi yopmaŋ mudaneŋ tilak kindapni guramiŋek nak noljak. <sup>25</sup>jAmin kinda iyi dakon

d 16.14 Mt 14.1-2; Mk 6.14-15; Lk 9.7-8 e 16.16 Jn 6.69 f 16.17 Gal 1.15-16

g 16.18 Jn 1.42; Ep 2.20 h 16.19 Mt 18.18; Jn 20.23 i 16.24 Mt 10.38; Lk 14.27

j 16.25 Mt 10.39; Lk 17.33; Jn 12.25

yiyitni tagisi tosak do nandanek pi madep asak kaŋ, egip egipni pasil imjak. Mani amin kinda nak do nandanek egip egipni do nandaban yo madep dima asak kaŋ, uŋun amin egip egip dagok dagogi mini abidosak. <sup>26</sup>kAmin kinda da miktim dakon yo morap paŋ egakwan egip egipni pasiljak kaŋ, uŋun yo morap da niaŋ aŋek aŋpulugoni? Bo egip egipni aeni abidok do tomni ninaŋ yumjak? <sup>27</sup>lAmin Dakon Monji uŋun Datni dakon tilimni gat ae aŋelo kabini gat apdisak. Uŋun bisapmon miŋat amin morapyo aŋpakni awit uŋun da aripmon tomni yomdisak. <sup>28</sup>Nak asisi dayisat, on akgaŋ kabikon da di dima kimagek egakwa gin Amin Dakon Monji uŋun kila amin madep mani paŋek apban kokdaŋ.”

**Yesu dakon giptimi kulabik agit**

*(Mk 9.2-13; Lk 9.28-36)*

**17** <sup>1</sup>Gildat 6 kabi mudaŋakwa Yesu da Pita, Jems ae padige Jon yoyiŋban buŋon yolba ileŋ dubagi kindakon pawigi iyi gin egipgwit. <sup>2</sup>mHeŋon egek kaŋakwa Yesu dakon giptim ŋwakŋwarisi agit. Aŋakwan tomno dabilniyo gildat da yaŋ teŋteŋagit. Ae imalniyo kisi kwakwagisi ae teŋteŋini toŋsi agit. <sup>3</sup>Yaŋ aban kaŋakwa Moses gat Elaija gat altaŋbal Yesu gat gen yaŋ nandatyo aba pindakgwit.

<sup>4</sup>Yaŋ aŋakwa Pita da Yesu iyigit, “Yoyiŋdet, nin idon egip do tagisi nandamaŋ. Gak da tagi yaŋ nandabi kaŋ, nak da yut kabeŋ kapbi abeŋ. Kinda gak do, kinda Moses do ae kinda Elaija do abeŋ.”

<sup>5</sup>“Pita da gen yaŋakwan gin gikwem teŋteŋini madep da piŋ ilimik yomiŋakwan gen kinda uŋungwan da yaŋ noman tagit, “Uŋun Monjino, but dasi galak taŋ imisat, ae uŋun do nandabo wagil tagisisi asak. Ji geni nandani.”

<sup>6</sup>Paŋdetni gen uŋun nandanek miktimon maŋ pagak madepsi pasal nimnimikgwit. <sup>7</sup>Yaŋ aba Yesu da abiŋ giptimikon witjinek yaŋ yoyigit, “Ji dima pasalek pidabit.” <sup>8</sup>Yaŋ yaŋban pidaŋ kwen siŋtaŋek amin bamot dima pindakgwit, Yesu naŋgin kawit.

<sup>9</sup>Heŋon da tobiŋ piŋek Yesu da yaŋ yoyigit, “Yo uŋun pindaŋ uŋun dakon gen amin kinda dima iyini. Aŋakwa Amin Dakon Monji kimoron da pidosak uŋun bisapmon tagi yoyini.”

<sup>10</sup>oPaŋdetni da Yesu yaŋ iyiwit, “Gen teban yoyiŋdet amin da gen kinda yaŋ yoŋ, ‘Elaija mibiŋtok abiŋakwan Kristo uŋun buŋon apjak.’ Gen uŋun nido yoŋ?”

<sup>11</sup>Iyiŋba Yesu da gen kobogi yaŋ yoyigit, “Gen uŋun bami yoŋ. Elaija da abiŋ yo morap paŋkaluk akdisak. <sup>12</sup>pMani Elaija kili apgut, aban amin

k 16.26 Mt 4.8-9    l 16.27 Kap 62.12; YT 24.12; Mt 25.31; Ro 2.6; PA 22.12

m 17.2 2Pi 1.16-18    n 17.5 GT 18.15; Kap 2.7; Ais 42.1; Mt 3.17; Mk 1.11; Lk 3.22

o 17.10 Mal 4.5    p 17.12 Mt 11.14

da dima kaŋba pisagit, do galaktokni yolek yo yokwi mibili mibili aŋ

<sup>13</sup>“Yaŋ yaŋban paŋdetni da Jon Telagi Pakbi Sogok Amin do yosok yaŋ nandaba pisagit.

### Yesu da monji kinda koŋni yol

(Mk 9.14-29; Lk 9.37-42)

<sup>14</sup>Yesu gat paŋdetni kapbi gat ileŋon da piŋ miŋat amin morapmi muwukgwit kabikon kiŋakwa amin kinda da abiŋ Yesu da buron gawagek yaŋ iyigit, <sup>15</sup>“Amin Tagi, gak monjino do bupmi nandaŋ ibi! Uŋun bisap morapmi tebaisi nimnimigek jigi tepmiyo madepsi pasak. Aŋek bisap morapmi kindapmon mosok bo ae pakbi kagagwan maŋ pigisak. <sup>16</sup>Nak paŋdet kabigokon aŋkiko aŋmilip ak do aŋtidok ayiŋ.”

<sup>17</sup>Yaŋban Yesu da yaŋ yagit, “Ji nandaŋ gadatji mini amin, ji aŋpakji yokwisi. Nak bisap niaŋ da ji gat egek jigisi guramik dabeŋ? Monji uŋun nagon aŋopgut!” <sup>18</sup>Yaŋ yoyiŋban aŋopba Yesu da koŋ uŋun gen tebaisi iyiŋban wiŋ abigiŋakwan uŋun bisapmon gin monji uŋun kilek tagit.

<sup>19</sup>“Aŋakwan don paŋdetni iyi gin obiŋ Yesu yaŋ iyiwit, “Nin nido koŋ uŋun yol do aŋtidok amaŋ?”

<sup>20-21</sup>“Yaŋba yaŋ yoyigit, “Ji dakon nandaŋ gadatji uŋun piŋipmisi, yaŋ do aŋek aŋtidok ayiŋ. Nak asisi dayisat, ji dakon nandaŋ gadatji uŋun moniŋisisok, mastat yet yombem taŋ damisak kaŋ, ji kabap on iyiŋba tuwil ki timi kindakon tagi kisak. Ae pi morap kisi tagi ani.”

<sup>22</sup>“Yesu paŋdetni gat Galili miktimon muwugek yaŋ yoyigit, “Amin Dakon Monji amin da uwal da kisiron yipba <sup>23</sup>uŋun da aŋakba kimotdisak. Aŋakwa gildat kapbi aŋakwan Piŋkop da kimoron naŋ aban pidokdisak.” Gen uŋun yaŋban nandaŋek bupmisi nandawit.

### Yesu Telagi Yut Madep do takis yomgut

<sup>24</sup>“Yesu gat paŋdetni gat Kapaneam kokupmon kiŋ altaŋakwa Telagi Yut Madep dakon takis timit timit amin da Pitakon kiŋ yaŋ iyiwit, “Yoyiŋdetgo Telagi Yut Madep do takis yopmaŋdak bo dima?”

<sup>25</sup>Yaŋba Pita da yagit, “O, yopmaŋdak.”

Pita da yaŋ yoyiŋek yutnon wigi gen kinda dima yaŋakwan Yesu da kalip yaŋ iyigit, “Saimon gak niaŋ nandisal? On miktimon kila amin madep madep takis timikgaŋ, uŋun takis namin da yopmaŋgaŋ? Iyi dakon monjini da bo amin ŋwakŋwari da yopmaŋgaŋ?”

<sup>26</sup>Yaŋban Pita da yagit, “Amin ŋwakŋwari da yopmaŋgaŋ.”

¶ 17.13 Lk 1.17    ¶ 17.19 Mt 10.1    § 17.20 Mt 21.21; Mk 11.23; Lk 17.6; 1Ko 13.2

† 17.22 Mt 16.21    † 17.24 TP 30.13; 38.26

Yañban iyigit, “Yañdo, iyi dakon monjini da takis dima yopmanğar. <sup>27</sup>Mani nin takis dima yopneñ karj, uwal aņnımdañ. Do gak pakbi idapmon kiñ nap yipbi pikwan tap kilap mibiltok aņatjak uņun da gen kagakon moneñ kinda tañban kokdisal. Uņun moneñ nañ nit do Telagi Yut Madep do takis yopbi.”

### Mibiltok amin egip egip dakon gen

(Mk 9.33-37; Lk 9.46-48)

**18** <sup>1</sup>Uņun bisapmon pañdetni da Yesukon kiñek yañ iyiwit, “Piñkop da Amin Kila Asak da kagagwan namin da amin diwari yapmañek man madepni toñ?”

<sup>2</sup>Yañba Yesu da amin moniñ kinda iyiñban opban pañdetni da bikbigon yipban agakwan <sup>3</sup>yañ yoyigit, “Nak asisi dayisat, ji kulabik aņek amin moniñ da tilagon dima egipni karj, ji Piñkop da Amin Kila Asak da kagagwan dima egipdañ. <sup>4</sup>Amin kinda iyi do nandaban piñakwan amin moniñ da tilagon egipjak karj, uņun amin Piñkop da Amin Kila Asak da kagagwan man madepni toñ. <sup>5</sup>×Ae amin kinda da amin moniñ oden kinda nak nandañ gadañ namiñek egakwan aņpulugosok karj, uņun amin nak nañ aņpulugosok.”

<sup>6</sup>Yesu da sañbeñek yañ yağit, “Amin kinda da amin moniñ kinda nak nandañ gadañ namiñek egakwan yokwi asak do yabetjak karj, uņun dakon kobogi yokwisi. Yabet dima aņakwan amin da wit misiñit tip madep tegikon wamañ maba tap ilarigwan piğek kimotjak karj uņun tagi.

<sup>7</sup>“Miktimon amin ekwañ, awa! Amin diwari da yokwikon depdañ. Mani yokwi ani do yabetdañ amin, awa!

<sup>8</sup>× “Kisitgo bo kandapgo da yokwi aki do gayiñban karj, mandañ dagañ mabi kisak. Gwinimbil egek Tipdomon kindap tebanon piğiki yañ do kisitgo bo kandapgo mandañ dagañek tagapmi egip egip dagok dagogi mini do amin aki. <sup>9</sup>Ae dabilgo da yokwi aki do gayisak karj, pilik mabi kisak. Gwinimbil egek Tipdomon kindap tebanon piğiki yañ do dabilgo kinda piligek tagapmi egip egip dagok dagogi mini do amin aki. <sup>10-11</sup>z Ji karj kimotni. Amin moniñ dakon aņeloni Kwen Kokupmon Piñkop da iñamon toktogisi ekwañ. Do amin moniñ do nandaba yo isali dima ani.”

### Sipsip pasilbi dakon tilak gen

(Lk 15.3-7)

<sup>12</sup>Yesu da sañbeñek yañ yağit, “Ji niañ nandañ? Amin kinda sipsipni 100 kabikon da kinda pasiljak karj, niañ asak? Karj 99 kabi ileñ obakon yopban jap nañek egakwa kaloñi pasiljak uņun wusik do kisak.

† 18.1 Lk 22.24 † 18.3 Mt 19.14; Mk 10.15; Lk 18.17 † 18.5 Mt 10.40; Lk 10.16; Jn 13.20 † 18.8 Mt 5.29-30 † 18.10-11 Lk 19.10; Ibr 1.14

<sup>13</sup>“Nak asisi dayisat, sipsipni kaŋ kwosak bisapmon but galak madepsi nandakdisak. <sup>99</sup>kabi dima pasilgwit uŋun do tagi nandisak. Mani kalonŋ pasiljak naŋ kaŋ kwokdisak uŋun do kisik kisik madepsi nandakdisak. <sup>14</sup>Yaŋgin Kwen Kokup Datji da amin moniŋ kinda pasiljak do dima galak tosok.”

### Not yokwi aban aŋmilip ak dakon gen

<sup>15</sup>“Yesu da saŋbeŋek yaŋ yagit, “Notgo kinda yokwi aŋgaben kaŋ, kiŋ kaŋbi disilgin gen uŋun yaŋ aŋmilip ak do pi anjil. Gengo nandaŋ yawokban kaŋ notgo abidaŋbi gagakon apjak. <sup>16</sup><sup>b</sup>Mani gengo dima nandaŋ yawokban kaŋ, amin kalonŋ bo bamori yaŋ timikbi kini.

‘Yaŋ aŋek ji amin bamori bo kapbi da gen uŋun tagi aŋteban ani.’ <sup>17</sup>Uŋun amin kapbi dakon gen dima nandisak kaŋ, kiŋ paŋmuwukbi kabikon mibiŋni yoyini. Aŋek paŋmuwukbi kabi dakon gen dima nandisak kaŋ, uŋun amin yokwisi asak. Uŋun amin do Piŋkop dima nandaŋ imaŋ amin ae takis timit timit amin yaŋ nandaŋ imni.

<sup>18</sup><sup>c</sup> “Nak asisi dayisat, gen miktimon yaŋ aŋteban asal, Kwen Kokupmon Piŋkop da yaŋ gin yaŋ aŋteban akdisak. Ae gen miktimon yaŋ witdaldal, Kwen Kokupmon Piŋkop da yaŋ gin yaŋ witdaldisak.

<sup>19-20</sup><sup>d</sup> “Nak saŋbeŋek yaŋ dayisat, on miktimon amin bamori bo kapbi nak da manon da muwutni kaŋ, nak bikbiknikon egipbeŋ, do but kalonŋ aŋek yo kinda do bisit yoni kaŋ, Datno Kwen Kokup egisak uŋun da tagi damjak.”

### Pi monji bupmini mini dakon tilak gen

<sup>21</sup>Uŋun bisapmon Pita da abiŋ Yesu yaŋ iyigit, “Amin Tagi, notno kinda da yokwi aŋnaban kosiri niaŋ da yokwini yopmaŋ ibeŋ? Kosiri 7 kabi bo niaŋ?”

<sup>22</sup><sup>e</sup>Yaŋban Yesu da yaŋ iyigit, “Nak yaŋ gayisat, yokwini kosiri 7 kabi dima, yokwini yopmaŋ ibi kosiri 77 kabi yaŋ asak.

<sup>23</sup>“Nandani, Piŋkop da Amin Kila Asak uŋun yaŋ. Kila amin madep kinda pi monjini da goman aŋ imgwit, uŋun gomani paŋkilek ak do nandagit. <sup>24</sup>Wasaneŋ gomani paŋkilek aŋakwan amin kinda aŋaŋ opgwit. Uŋun amin goman moneŋ 50 milion danari. <sup>25</sup>Mani goman uŋun sopsop dakon moneŋ uŋun da aripmon dima taŋ imgut. Do kila amin madep da uŋun amin gat gwakni gat oman amin egakwa tomni do amin da moneŋ iba gomani sopjak do yagit. Ae yo morapni yumaŋ naŋ mudaneŋ uŋun dakon moneŋ baŋ goman sopjak do amin tagini da gen tebai yagit.

<sup>a</sup> 18.15 Lk 17.3; Gal 6.1    <sup>b</sup> 18.16 GT 19.15; Jn 8.17    <sup>c</sup> 18.18 Mt 16.19; Jn 20.23  
<sup>d</sup> 18.19-20 Mk 11.24; Jn 15.7    <sup>e</sup> 18.22 Lk 17.4

<sup>26</sup>“Oman monji gen ujun nandajek amin tagi njwakben anj iminjek bisit tebai yan iyigit, ‘Butgo yawori tanjakwan egaki don gomango kisisi sopben.’ <sup>27</sup>Yan yanban amin tagini da bupmi nandan iminjek goman madepni yipman iminjakwan isal kigit.

<sup>28</sup>“Anjakwan oman monji ujun wannga pigi pi isalni kinda ujun goman monen 10 danari tan imgut ujun kagit. Kanek tegikon tebai abidajek gen tebai yan iyigit, ‘Gomano agil ujun panop!’

<sup>29</sup>“Pi isalni ujun geni nandajek njwakben anj iminjek bisit tebai yan iyigit, ‘Butgo yawori tanjakwan egaki don gomango gaben.’

<sup>30</sup>“Mani geni dima nandajek pi isalni abidaj anki dam tebanon yipmanjek gomani iminjek don wannga pisak do yagit. <sup>31</sup>Anjakwan pi isalni diwari da kanek buri yokwi tanba kin amin taginikon yo ujun agit do iyiwit.

<sup>32</sup>“Yanba nandajek amin tagi ujun da oman monji ujun iyinban opban yan iyigit, ‘Gak pi monji yokwi. Gak bisit tebai nayinbi goman kisisi yipman gamit. <sup>33</sup>Nak da bupmi nandan gamit, gak nido pi isalgo do bupmi yan gin dima nandan imil?’ <sup>34</sup>Yan yanjek japmi nandajek obip amini yan yoyigit, ‘Ji anjakba tepmi nandajek gomano kisisi sopban don yipbo kisak.’”

<sup>35</sup>“Tilak gen on dakon wasipmi do Yesu da sanbenek yan yagit, ‘Yanjin notji da yokwi anjaba yokwi yopyop but dasi nandajek dima ani kan, Kwen Kokup Datno da yo jigi yan gin anj damdisak.’”

### Yesu da miñat panjwinit dakon gen yagit

(Mk 10.1-12; Lk 16.18)

**19** <sup>1</sup>Yesu gen ujun yan mudajek Galili miktim yipmanjek Jordan Pakbi teri kinda Judia miktimon kigit. <sup>2</sup>Kinjakwan miñat amin kabi madepsi da yol anjan kinakwa Yesu da sot amin morapmi panmilip agit.

<sup>3</sup>Anjakwan Parisi amin diwari da Yesukon abin anjekwalek yan iyiwit, “Nin da gen tebanon nianj tosok? Amin kinda da miñatni galak toknikon tagi kwinitjak, bo dima?”

<sup>4</sup>Yanba Yesu da yan yagit, “Ji Pinjokop da papiakon gen kinda tosok ujun dima manjin kawit? Ujun yan tosok,

‘Wasok wasogikon Pinjokop da amin wasajek miñat ae wiliyo kisi wasagit.’

<sup>5</sup>Wasajek yan yagit,

‘Wili da meni datniyo yopmanjek miñatni gat muwukbal giptim kalonj anjil.’

<sup>f</sup> 18.34 Mt 5.25-26    <sup>g</sup> 18.35 Mt 6.15; Mk 11.25; Ep 4.32; Kol 3.13    <sup>h</sup> 19.4 WW 1.27; 5.2  
<sup>i</sup> 19.5 WW 2.24; Ep 5.31



<sup>6</sup>Gen yan̄ tosok, do amin wam da bamori dima, giptim kaloŋi amal. Uŋun do Piŋkop da miŋat wili kili paŋmuwukgit, do amin da dima paŋwasekdo.”

<sup>7</sup>Yan̄ yan̄ban Parisi amin da iyiwit, “Yan̄ kaŋ ae mibili nido Moses da gen teban kinda yan̄ mandagit? Gen uŋun yan̄: ‘Amin kinda miŋatni kwinit do kaŋ, miŋat paŋkwinit papia kinda mandan̄ imiŋek kwinitjak.’ ”

<sup>8</sup>Yan̄ba Yesu da yagit, “Moses uŋun but tebanji do aŋek gen teban uŋun mandagit. Mani wasok wasogikon miŋat paŋkwinit dakon kosit uŋuden kinda dima tagit. <sup>9</sup>Yan̄ dayisat, amin kinda miŋatni yumabi dima aŋakwan kwiniŋek miŋat kaluk pasak kaŋ, uŋun wili iyi yumabi asak.”

<sup>10</sup>Paŋdetni da gen uŋun nandan̄ek yan̄ iyiwit, “Yan̄ kaŋ miŋat eyo dima aŋek egipdo.”

<sup>11</sup>Yan̄ba Yesu da yan̄ yoyigit, “Amin diwari Piŋkop da paŋpuluŋaŋakwan miŋat dima paŋek tagi egipni. <sup>12</sup>Ae amin diwari uŋun giptimni yokwi da alon̄, ae diwari amin da yabi pabi, ae diwari Piŋkop da Amin Kila Asak dakon pi do nandan̄ek egip egipni parekgaŋ, yan̄ do aŋek miŋat dima paŋ. Gen on abidok do nandan̄ amin uŋun tagi abidoni.”

### **Yesu da amin moniŋ yopba iyikon opni do yagit**

*(Mk 10.13-16; Lk 18.15-17)*

<sup>13</sup>Uŋun bisapmon amin da miŋat monjiyoni Yesu da kisitni kwenikon wutjiŋek bisit aŋyomjak do paŋopgwit. Paŋopba paŋdetni da dima paŋopni do tebai yoyiwit. <sup>14</sup>Yan̄ aba Yesu da paŋdetni yan̄ yoyigit, “Miŋat monjiyo yopba nagon apgut. Dima kirin̄ik yomni. Piŋkop da Amin Kila Asak uŋun amin miŋat monjiyo da tilagon ekwan̄ uŋuden amin dakon.” <sup>15</sup>Yan̄ yan̄ek kisitni miŋat monjiyo da kwenon wutjiŋek don uŋun kokup yipman̄ kigit.

### **Monji gimon̄ kinda yoni morapmi da Yesu yol do yagit**

*(Mk 10.17-31; Lk 18.18-30)*

<sup>16</sup>Bisap kindakon amin kinda da Yesukon obiŋek yan̄ iyigit, “Yoyiŋdet, nak ni aŋpak tagi kinda nan̄ aŋek egip egip dagok dagogi mini abidoken?”

<sup>17</sup>Yan̄ban yan̄ iyigit, “Gak aŋpak tagi do nido nayisal? Amin Kaloŋi gin uŋun tagisi. Gak Piŋkop dakon gen teban guramigek egip egip dagok dagogi minikon tagi kiki.”

<sup>18</sup>Yan̄ban iyigit, “Gak ni gen teban do yosol?”

Yan̄ban Yesu da iyigit,

j 19.7 GT 24.1-4; Mt 5.31 k 19.9 Mt 5.32; 1Ko 7.10-11 l 19.14 Mt 18.2-3

m 19.17 MS 18.5; Lk 10.28 n 19.18 TP 20.13-16; GT 5.17-20

“Amin dima dapba kimotni,  
 miñat eyo kilí abi ji yumabi dima ani,  
 yo kabo dima noni,  
 top gen yanek amin notji yum dogin gen pikon dima yopni,  
 19 o meñ dat do nandaba wukwanek geni guramitni,  
 ae gaga do but dasi niañ galak tosol, unudenñ gin amin do but dasi  
 galak tañ yobi.”

20 Yan yanban monji gimoni da yan iyigit, “Nak unun gen teban morap guramik mudosot. Mani yo kinda gat ninañsi anek egip egip dagok dagogi mini abidoken?”

21 Yanban Yesu da yan iyigit, “Gak kilegisi egip do nandisal kañ, kiñ yo morapgo yumañ nanek unun dakon monenñ bañ yoni mini amin do yobi. Yan anaki yo tagisi Kwen Kokupmon tañ gamdisak. Yan anek abinñ nak nol.” 22 Amin unun yoni morapmi tañ imgwit, do gen unun nandañ buri jik tañban si kigit.

23 Kijakwan Yesu da pañdetni yan yoyigit, “Nak asisi dayisat, yoni morapmi amin unun Piñkop da Amin Kila Asak da kagagwan pigik do antidok akdañ. 24 Asisi, bit madepsi kamel unun da imal bupbup da kosit gwagagon aripmi dima pigigi asak. Mani unun yapmanek yoni morapmi amin unun Piñkop da Amin Kila Asak unun da kagagwan aripmi dimasi pigigi asak.”

25 Yanban pañdetni nandañ wiripdagek yan yawit, “Yañ kañ namín amin da egip egip dagok dagogi mini abidosak?”

26 P Yanba Yesu da pañdet kabini pindagek yan yoyigit, “Amin iyi aripmi dima ani, mani Piñkop da yo morap ak do tagi asak.”

27 Yanban Pita da Yesu gen kinda yan iyigit, “Nin yo morap yopmanek gak nañ gin gol awilgamañ. Do nin yo ni bañ timitneñ?”

28 q Yanban Yesu da yan yoyigit, “Nak asisi dayisat, yo aeni kalugi mudoni unun bisap madepmon Amin Dakon Monji man madep pañek kila amin madep yityit tamoni tilimi toñ unudon yitdisak. Anjakwan ji nak nolgañ amin unun bisapmon kila amin madep tamo 12 kabi unudon yigek Israel amin kabi 12 dakon gen kokwin kila agak pi akdañ. 29 Amin morap nak do nandañek yutni, notni, sami, meñi, datni, miñat monjiyoni, ae jap pini yopmañ detni, unun yo morapni kosiri 100 yan timik timik akdañ. Yan anek egip egip dagok dagogi mini abidokdañ. 30 r Mani amin morapmi abisok mibiltok ekwañ unun da buñon amin akdañ. Anakwa amin morapmi abisok buñon ekwañ unun da mibiltok amin akdañ.”

### Wain pi dakon tilak gen

**20** 1 Yesu da sanbejek yan yagit, “Piñkop dakon Amin Kila Agakni unun yan. Amin kinda miktimni morapmi. Unun amin wisa

o 19.19 TP 20.12; MS 19.18 p 19.26 Jop 42.2 q 19.28 Mt 25.31; Lk 22.30; PA 3.21  
 r 19.30 Mt 20.16; Lk 13.30

dagokdosi kin pi monji wain pinikon pi ani do timikgit. <sup>2</sup>Gildat kalonji do monerj 1 danari timitni do yoyinban but kalonj aba wain pinikon yabekban kiwit.

<sup>3</sup>“Kinakwa timi di egi 9 kilok anjakwan pi ami kinj makeron amin diwari isal ekwa pindagek <sup>4</sup>yanj yoyigit, ‘Jiyo kisi wain pinokon kinj pi anjakwa pi ani da aripmon monerj daben.’ Yanban nandanej wain pinikon kiwit.

<sup>5</sup>“Kinakwa don gildat binap aeni makeron kinj di gat timikgit. Aeni 3 kilok kinj yanj gin pi monji di gat timikgit. <sup>6</sup>Anej egi pilindosi kinj amin diwari isal agakwa pindagek yanj yoyigit, ‘Ji nido gildat daman pini mini isal ekwan?’

<sup>7</sup>“Yanban gen kobogi yanj iyiwit, ‘Amin kinda da nin pi dima nimik.’  
“Yanj yanba pi dakon ami da yanj yoyigit, ‘Ji kisi kinj wain pinokon pi ani.’

<sup>8</sup>“Yanj yoyinej egi pilin pilindo pi ami da kinj pi monji dakon kila amin yanj iyigit, ‘Pi monji yanj panmuwugek monerjni yobi. Bujonsi aben unudon da wasanej yominjaki wigi mibiltok aben unudon dagosak.’

<sup>9</sup>“Yanj pan muwugek pi monji pilindosi aben unun do monerj 1 danari yominj yominj agit. <sup>10</sup>Yanj aban kanej pi monji mibiltok apgwit unun nin da monerj madep timitdaman yanj nandawit. Mani dima, kisi morap monerj 1 danari gin timik timik awit. <sup>11</sup>Mibiltok aben amin unun monerj 1 danari timigek pi unun dakon ami do nandaba yokwi tanban <sup>12</sup>yanj iyiwit, ‘Nin wisa dagokdosi abin pi anapno gildat da madepsi nindanakwan pilin tosok. Bujonsi aben unun bisap pisipmisok pi ayin, do nido monerj tilak kalonji kongin nimisal?’

<sup>13</sup>“Yanj yanba nandanej amin tagi da pi monji kinda yanj iyigit, ‘Not, nak da gak yokwi kinda dima angamit. Nak monerj 1 danari gaben do gayiko gaga but kalonj al. <sup>14</sup>Do gak monerjo abidanej ki. Naga da galaktogon amin bujon aben unun gat monerj tilak kalonjikon damisat. <sup>15</sup>Unun nak dakon yo. Naga dakon galaktok yolek monerjno tagi kokwinik daben. Nak amin do yo tagisi anapbo gak nido nandaba yokwi tok asal?’ ”

<sup>16</sup>“Yanj yanej Yesu da wasip do yanj yagit, “Yanjin bujon amin da mibiltokdan, anjakwa mibiltok amin da bujon amin akdan.”

### **Yesu kimotjak do yanban kosiri kapbi agit**

*(Mk 10.32-34; Lk 18.31-33)*

<sup>17</sup>Yesu Jerusalem kokup papmon kinjek panjetni 12 kabi timikban iyi gin kosiron kinjek yanj yoyigit, <sup>18</sup><sup>u</sup> “Nin abisok Jerusalem kinapno amin da Amin Dakon Monji mukwa sogok amin dakon amin madep

<sup>s</sup> 20.8 MS 19.13; GT 24.15    <sup>t</sup> 20.16 Mt 19.30; Mk 10.31    <sup>u</sup> 20.18 Mt 16.21; 17.22-23

kabi ae gen teban yoyiŋdet amin uŋun da kisiron yipdaŋ. Yaŋ aŋek gen pikon yipmaŋek kimotjak do yaŋ dagok akdaŋ. <sup>19</sup>Yaŋ dagok aŋek Amin Iŋwakŋwari Kabi da kisiron yipdaŋ. Yipba uŋun da toptopmon da man madep imiŋek, baljaŋek tilak kindapmon aŋakba kimotdisak. Kimagek gildat kapbi aŋakwan Piŋkop da kimoron naŋ aban pidokdisak.”

**Jems gat Jon gat man madep pak do yagimal**

*(Mk 10.35-45)*

<sup>20</sup>Yaŋ yaŋakwan Sebedi dakon monji bamot gat meni gat Yesukon kiŋ altaŋek meni da ŋwakbeŋ aŋek Yesu da yo kinda aŋ yomjak do iyigit.

<sup>21</sup>Iyijban Yesu da yaŋ iyigit, “Nak da ninaŋ abeŋ do nandisal?”

Iyijban yaŋ yagit, “Gak kila amin madep egipbi bisapmon on monji bamotno man madep paŋek kinda da gak da amin tet do ae kinda da gwandeŋ tet do yitjil do yaŋ dagok aŋyobi do nandisat.”

<sup>22</sup>”Yaŋban Yesu da monji bamot yaŋ yoyigit, “Jil gen uŋun yomal dima nandaŋ piŋaŋek yomal. Nak da tepmi madep pakdisat uŋun tagi panjil?”

Yaŋban iyigimal, “Tagi pandeŋ.”

<sup>23</sup>Yaŋ yaŋbal Yesu da yoyigit, “Uŋun asi, tepmi pakdisat uŋun pakdamal. Mani namin da nak da amin tet do ae gwandeŋ tet do yitjak, uŋun nak da aripmi dima yaŋ dagokeŋ. Tamo uŋun Datno da amin kili manjiŋ yopgut uŋun dakon.”

<sup>24</sup>Paŋdetni 10 kabi gen uŋun nandaŋek amin bamot uŋun do butjap nandawit. <sup>25</sup>”Yaŋ nandaŋakwa Yesu da yoyijban opba yaŋ yoyigit, “Ji Amin Iŋwakŋwari Kabi dakon kila amini dakon mibili disi nandaŋ. Uŋun iyi do nandaba wukwanek miŋat amin kabiyoni da geni guramik kimotni do nandaŋ. <sup>26</sup>”Mani uŋun dakon aŋpak uŋun jikon dima tosak. Jikon da amin kinda amin tagi man pak do nandisak kaŋ, uŋun amin oman aminji egek amin tagi man pasak. <sup>27</sup>Amin kinda jikon da mibiltok amin egip do nandisak kaŋ, uŋun amin miŋat amin morap dakon oman amini egek mibiltok amin asak. <sup>28</sup>”Amin Dakon Monji uŋun yaŋ gin kili agit. Amin da oman aŋ tyuimni do dima pigit. Iyi miŋat amin morap paŋpulugokdo, ae iyi dakon giptimnaŋ paregek yumaŋ naŋ yop do pigit.”

**Yesu da amin dabili mini bamori paŋmilip agit**

*(Mk 10.46-52; Lk 18.35-43)*

<sup>29</sup>Yesu gat paŋdetni gat Jeriko kokup pap yipmaŋ degakwa miŋat amin kabiyi madepsi da yolgwit. <sup>30</sup>Kiŋakwa kosit ileŋon dabili mini amin bamori yikgimal. Yigakwal amin da “Yesu abisak” yaŋ yaŋba nandaŋek madepsi yaŋ tidaŋek yaŋ yagimal, “Amin Tagi, Dewit Dakon Monji, bupmi nandaŋ nim!”

† 20.21 Mt 19.28; Lk 22.30 † 20.22 Mt 26.39; Jn 18.11 † 20.25 Lk 22.25-26

† 20.26 Mt 23.11; Mk 9.35 † 20.28 Lk 22.27; Pil 2.7

<sup>31</sup> Yan tidaŋbal amin kabi madepsi da dima yan tidonjil do yanŋop anjomgwit. Mani madepsi sigin yan tidaŋek yagimal, “Amin Tagi, Dewit Dakon Monji, bupmi nandan nim!”

<sup>32</sup> Yan tidaŋbal Yesu da nandan kosiron agek yan yoyigit, “Nak ninan aŋ daberŋ do nandamal?”

<sup>33</sup> Yoyinban yan iyigimal, “Amin Tagi, nit sintok do nandamak.”

<sup>34</sup> Yanbal Yesu bupmi nandaŋek kisit da dabili witjinban unudon gin sintanek Yesu yolgimal.

## Yesu Jerusalem kinjek amin yoyin dekgit

*(Kilapmi 21–25)*

### Yesu kila amin madep da tilagon Jerusalem pigigit

*(Mk 11.1-11; Lk 19.28-40; Jn 12.12-19)*

**21** <sup>1</sup> Yesu gat paŋdetni gat Jerusalem kokup pap ankapmat aŋek Betpage kokupmon kin altawit. (Kokup unun fleŋ Olipmon tosok.) Altaŋek Yesu da paŋdetni bamori yabegek <sup>2</sup> yan yoyigit, “Jil ason kokup komaŋ unudon kin altaŋek unudon gin donki meŋi kinda napmon agakwan monji isal akban pindatdamal. Unun witdal ilik idon paŋopjil. <sup>3</sup> Amin kinda da ‘Nido yan amal’ yan dayinban kaŋ, ‘Amin Tagi da pi kinda ak do aŋek yosok’ yan iyinbal unun da tepmi daban paŋopjil.”

<sup>4</sup> Yan yanakwan kombi amin kinda da kalipsigwan gen yagit unun bami noman tagit. Gen unun yan:

<sup>5 a</sup> “Saion kokup pap amin do gen yan yoyiki, ‘Kabit, kila amin madepgo abisak.

Buri maŋbi da donki da kwenon yigek abisak.

Donki gimoni da kwenon yigek abisak.’ ”

<sup>6</sup> Yesu da paŋdet bamot yoyinban geni guramigek kigimal. <sup>7</sup> Kin donki meŋi gat monji gat paŋabin imalni donki bamot da kwenikon yopmaŋakwal Yesu pawigi unudon yigkit. <sup>8</sup> Yan anakwan amin morapmi da kosiron imalni kukwaŋ yaliwit. Anakwa amin diwari da kin kindap kilin mandaŋ paŋobin kosiron yaliwit. <sup>9 b</sup> Minat amin kabi madepsi mibiltok kiwit ae buŋon yolgwit kisi da gen pap yanek yan yawit:

“Osana! Dewit Dakon Monji ankisino!

Amin on Amin Tagi da manon abisak, unun Piŋkop da gisamigakwan abisak.

Piŋkop Wikwisi ankisino!”

<sup>10</sup> Yesu unun Jerusalem kokup papmon pigakwan kokup amin kisi da buri pidaŋba yan yawit, “On namin aminsi kinda?”

---

<sup>a</sup> 21.5 Sek 9.9   <sup>b</sup> 21.9 Kap 118.25-26

<sup>11</sup>Yan̄ba Yesu gat agip̄gwit mījat amin kabi madep da yan̄ yawit, “On Yesu, un̄un kombi amin kinda, Nasaret kokup Galili miktimon da abisak.”

**Yesu da amin telagi yutnon monej ilit pi awit un̄un yolgit**  
(Mk 11.15-19; Lk 19.45-48; Jn 2.13-22)

<sup>12</sup>Yesu kinj Telagi Yut Madep da nagalgwan pigi monej ilit pi awit amin un̄un yolban wan̄ga abigiwit. Yan̄ an̄ek monej kulabik awit amin<sup>c</sup> gat minam yumañ nawit amin dakon tamo un̄un kisi pañtobilban tagal kiwit.

<sup>13</sup><sup>d</sup>Yan̄ an̄ek gen yan̄ yoyigit, “Piñkop da papiakon gen yan̄ tosok:

‘Nak dakon yut un̄un mījat aminyo da abin̄ bisit an̄namni do tosok.’  
Mani ji da kulabik aba

‘kabo noknok dakon pasili tamo’ yombem asak.”

<sup>14</sup>Yesu Telagi Yut Madepmon egakwan amin dabili mini ae kandapmi yokwi un̄udon opba pañmilip agit. <sup>15</sup>An̄akwan mukwa sogok amin dakon amin madep kabi ae gen teban yoyin̄det amin da wasok tapmimi toñ agit un̄un do japmi nandawit. Ae mījat monjiyo da Telagi Yut Madepmon yan̄ tidañek yan̄ yawit, “Osana! Dewit Dakon Monji an̄kisino!” Yan̄ yan̄ba un̄unyo kisi do japmi nandawit.

<sup>16</sup><sup>e</sup>Yan̄ nandañek Yesu yan̄ iyiwit, “Gak on gen yoñ nandisal?”

Yan̄ yan̄ba Yesu da gen kobogi yan̄ yoyigit, “Gen yoñ un̄un nandisat, mani ji gen kinda tosok un̄un dima manjan̄? Gen un̄un yan̄:

‘Gak mījat monjiyo gat ae monji ñakñak gat pañtagap an̄aki mango yan̄ an̄enokgoñ.’”

<sup>17</sup>Yan̄ yoyin̄ek kokup pap un̄un yipmañ wan̄ga pipegk un̄un pilin kaga Betani kokupmon pañki pakgit.

**Yesu da yan̄ban pik kindap kinda wagil kibidagit**  
(Mk 11.12-14; 11.20-24)

<sup>18</sup>Wisa dagañakwan Yesu aeni kokup papmon tobił kin̄ek kosiron jap do agit. <sup>19</sup>An̄ek kosit ileñon pik kindap kinda akban kagit. Kañek kapmatjok da kin̄ bami di dima pindakgit. Tami gin pindagek yan̄ iyigit, “Gak buñon ae bami dimasi toki dosi nandisat!” Yan̄ iyin̄akwan un̄udon gin wagilsi kibidagit. Tami kisi alek tañ mudawit.

<sup>20</sup>An̄akwa pañdetni da pindagek tamtam yan̄ek iyiwit, “Pik kindap niañon da tepmi kibidak?”

<sup>21</sup><sup>f</sup>Yan̄ba Yesu da gen kobogi yan̄ yoyigit, “Nak asisi dayisat, ji but bamot dima an̄ek nandañ gadat bamisi an̄ek egipni kañ, pik kindapmon

<sup>c</sup> 21.12 Monej kulabik yan̄ awit: Miktimi miktimi amin da Jerusalem abin̄ iyi dakon monejni monej kulabik awit amin do yomiñakwa Telagi Yut Madep dakon monej ban̄ yoba paret awit. <sup>d</sup> 21.13 Ais 56.7; Jer 7.11 <sup>e</sup> 21.16 Kap 8.2 <sup>f</sup> 21.21 Mt 17.20; Lk 17.6; Jn 14.12; 1Ko 13.2

wasok at jiyo kisi yaŋ gin tagi akdaŋ. Ae uŋun gin dima, on ileŋ pidaŋ tap kaga pigisak do iyini kaŋ, yaŋ gin akdisak. <sup>22g</sup>Uŋun do ji yo morap timit do nandaŋ uŋun Piŋkop nandaŋ gadaŋ imiŋ kimagek bisit iyini kaŋ, uŋun yo morap damdisak.”

**Yesu man madep pagit ae tapmim taŋ imgut uŋun do iyiwit**  
(Mk 11.27-33; Lk 20.1-8)

<sup>23</sup>Yesu uŋudon da kiŋ Telagi Yut Madep da nagalgwan pigi amin yoyiŋ dekgit. Yoyiŋ degakwan mukwa sogok amin dakon amin madep kabi ae kila amin diwari Yesukon obiŋek yaŋ iyiwit, “Namin da pi uŋun abi do yaŋ mudaŋ gamgut da yo uŋun asal? Ae namin da man madep gamgut?”

<sup>24</sup>Yaŋba Yesu da yaŋ yoyigit, “Nak gen kinda dayikdisat. Dayiko kobogi nayini kaŋ, nakyu kisi kobogi tagi dayikeŋ. <sup>25</sup>Jon telagi pakbi sogit bisapmon, Piŋkop da yabekban pi agit bo amin da yabekba agit?”

Yaŋban iyi gin notni yoyiŋ yoyiŋ aŋek yaŋ yawit, “ ‘Piŋkop da yabekgit’ yaŋ iyineŋ kaŋ, gen kobogi yaŋ niyikdisak, ‘Yaŋ kaŋ ji nido dima nandaŋ gadaŋ imgwit?’ <sup>26h</sup>Mani amin morapmi da Jon do kombi amin bamisi kinda yaŋ nandaŋ, do ‘Amin da yabekgwit’ yaŋ iyineŋ kaŋ, uŋun kisi tagi dima asak. Yaŋ kaŋ Jon dakon man bin aŋupbal ano miŋat amin kabi madep da nindapdaŋ.”

<sup>27</sup>Yaŋ nandaŋek Yesu do gen kobogi yaŋ iyiwit, “Nin dima nandamaŋ.”

Yaŋba Yesu da yaŋ yoyigit, “Nakyo kisi namin da pi uŋun abeŋ do yaŋ mudaŋ namgut uŋun dima dayikeŋ.”

**Monji bamori dakon tilak gen**

<sup>28</sup>Yesu da mukwa sogok amin tagi gat ae kila amin gat saŋbenek yaŋ yoyigit, “Amin kinda monji bamori gat egipgwit. Egek monji mibiltogi yaŋ iyigit, ‘Monjino abisok kiŋ wain pinokon pi aki.’

<sup>29</sup>“Iyiŋban yagit, ‘Pi dima akeŋ.’ Mani don nandak nandakni kulabik aŋek kiŋ pi agit.

<sup>30</sup>“Aŋakwan datni da kiŋ monji buŋon nani yaŋ gin iyinban monji da yaŋ iyigit, ‘Dat, pi tagi abeŋ’, mani pikon dima kigit.

<sup>31</sup>“Niaŋ nandaŋ? Monji bamoron da jit amin da datni dakon gen guramikgit?”

Yaŋban yaŋ iyiwit, “Mibiltok amin.”

Yaŋba Yesu da yaŋ yoyigit, “Nak asisi yosot, takis timit timit amin yokwi gat ae kosit oba miŋat gat da ji gwapmaŋek Piŋkop da Amin Kila Asak da kagagwan mibiltan damiŋek kwaŋ. <sup>32i</sup>Jon da jikon obiŋek kosit kilegi dayiŋ doliŋban geni nandaba bami dima agit. Mani takis timit timit amin yokwi gat ae kosit oba miŋat gat da geni nandaba bami agit.

---

g 21.22 Mt 7.7-11; 18.19    h 21.26 Mt 14.5    i 21.32 Lk 3.12; 7.29-30

Ji unjun kawit mani nandak nandakji kulabik anjek geni nandaba bami dima agit.”

**Wain pi kila amin yokwi dakon tilak gen**

(Mk 12.1-12; Lk 20.9-19)

<sup>33</sup>Jesu da sanbenek yan yoyigit, “Nak tilak gen kinda gat yoko nandabit. Amin kinda da wain pini anjek nagal an unjun nagalon wain sop baman til do gapma kinda wayikgit. Wayik mudanek kabo noknok pindat do yut dubak kinda aban wigigit. Yut an mudanek amin da money pini di anjek pi ami do bami di pan imni yan nandanek pi unjun da kisiron yipmanek miktim dubagikon kigit. <sup>34</sup>Kin egi don wain sop pakpak bisap kwan tanakwan pi monjini yabekban wain bami timik panopni do kiwit.

<sup>35</sup>“Kin altaeba wain pi dakon kila amin da unjun pi monji timigek, kinda anjak ukwayityo awit, anjek kinda anakba kimagakwan, kinda tip ban anjakgwit. <sup>36</sup>Yan aba pi ami da aeni pi monjini mibiltok yabekgit unjun dakon tilak yapmanek morapmi yabekgit. Yabekban kwa pi kila amin da mibiltok awit unjudej gin yokwi anyomgwit. <sup>37</sup>Buonsi iyi dakon monji nan yabegek yan yagit, ‘Monjino kwan kila amin da unjun do nandaba wukwan imdan.’

<sup>38</sup><sup>k</sup> “Mani kila amin da monji kanek notni yoyin yoyin anjek yan yawit, ‘Amin on da egi don datni dakon yo morap timitdisak, do anjatno kimagakwan wain pini nin do anawatne.’ <sup>39</sup>‘Yan yanek monji unjun abidan ilik pigaga da wanga anan abigi anakba kimakgit.

<sup>40</sup>“Ji nian nandan? Don pi ami da abin pi kila amin nian anyomjak?”

<sup>41</sup>Yanban yan iyiwit, “Pi ami da abin unjun amin yokwi kobogi yo yokwisi anyomdisak. Anjek wain pi unjun amin njwaknwari da kisiron yipban unjun da wain sop pakpak bisapmon bami tagi pan imni.”

<sup>42</sup><sup>m</sup>Yanba Jesu da yoyigit, “Ji Pin kop da papiakon gen toso unjun dima manjin nandawit? Gen unjun yan:

‘Yut agak amin da gwak yokwi yan yanek maba kigit.

Mani Amin Tagi da unjun gwak yut kodigikon tip kinda nan tidagit da gwak teban akdak.

Yo unjun Amin Tagi da iyi aban nin da kono yo masi masimisi asak.’

<sup>43</sup>Unjun do nak yan dayisat, Pin kop da iyi Amin Kila Asak jikon toso unjun ji da kisiron nan gwayen amin kabi kinda bami tagi panalon agagi unjun da kisiron yipdisak. <sup>44</sup>Amin morap gwak kwenon da man dapba bisal kikan, ae gwak da amin morap da kwenon mosak unjun wagil bisal ki mudokdan.”

j 21.33 Ais 5.1-2    k 21.38 Mt 27.18    l 21.39 Ibr 13.12    m 21.42 Kap 118.22-23; Ro 9.33; 1Pi 2.6-8



<sup>45</sup>Yesu da tilak gen bamot unun yanban mukwa sogok amin dakon amin madep kabi gat ae Parisi amin gat da nin do yosok yan nandawit. <sup>46</sup>Yan nandajek Yesu abidokdosi nandawit, mani miñat amin kabi madepsi unun da Yesu do kombi amin kinda yan nandawit, do abidok do si pasalgwit.

### Minjat panjek jap noknok abi dakon tilak gen

(Lk 14.16-24)

**22** <sup>1</sup>Yesu da tilak gen kinda gat yanjek amin yan yoyigit, <sup>2</sup>“Piñkop dakon Amin Kila Agakni unun dakon tilak kinda unun yan. Kila amin madep kinda monji do miñat panjek soñnok madepsi agit. <sup>3</sup>Kili jap noknok bisap kwan tarjakwan kalip yan yomgut amin yoyinba opni do pi monjini yabekban kiwit. Mani kiñ yoyinba op do dima galak tawit.

<sup>4</sup>“Yan aba pi monji di gat aeni yabekgit. Yabegek yan yoyigit, ‘Ji kiñ mibiltok but piso yoyinbi amin unun yan yoyini: Nandani, nak bapalo gat ae bulmakau binap amin nelagi toñsi kili dapman mandan soñ yopmat. Jap morap kili soñ panoman an yopmat. Do ji opba monjino do miñat pagim unun dakon soñnok aneñ.’

<sup>5</sup>“Pi monjini unun gen anan unun amin kabikon ankiwit, mani geni nandak do kuragi nandajek iyi da galak togon kiñ kiñ awit. Kinda unun pigagani kigit, ae kinda moneñ ilit pinikon kigit. <sup>6</sup>“Yan anakwa amin diwari da pi monji timigek yo yokwi an yomigek dapba kimakgwit. <sup>7</sup>Yan aba kila amin madep unun japmisi nandajek emat amini yabekban kiñ pi monjini dapgwit amin unun kisisi dapba mini awit. Anek kokupni sowit.

<sup>8</sup>“Anakwa kila amin madep da pi monjini yan yoyigit, ‘Miñat pakpak dakon jap kili pan noman abi, mani si yan yomgum amin unun amin yokwi, do nak dakon jap dima noni. <sup>9</sup>Yan do, ji kiñ kosit papmon agek amin pindak yoyinba apba jap pakbiyo aneñ.’ <sup>10</sup>Yan yoyinban pi monjini kosit papmon kiñ amin anpakni tagi ae anpakni yokwi kisi pindak yoyinba opba jap noknok yut madep unun yikba tugagit.

<sup>11</sup>“Yigakwa kila amin madep da amin obeñ unun pindat do yutnon wigigit. Wigi kanban amin kinda miñat panjek jap noknok an bisapmon imal tagisi pan unuden kinda dima pagit kagit. <sup>12</sup>Kanek yan iyigit, ‘Not, gak nidosi miñat pakpak bisap madep dakon imal tagisi dima panjek idon wil?’ Yan iyinban amin unun geni mini yikgit. <sup>13</sup>“Geni mini yigakwan amin madep da pi monjini yan yoyigit, ‘Ji on amin abidajek kisit kandapmiyo waman wanga abigi maba pilin tukgwan pigisak. Unudon kunam tagek iyon iyon yan tidajek egipdisak.’”

<sup>14</sup>Yesu unun tilak gen yoyin mudajek yan yagit, “Amin yan yobi unun da morapmisi asak, mani yutnon amin tagi gat yitni do kokwinikbi unun da tagapmi.”

<sup>n</sup> 22.6 Mt 21.35    <sup>o</sup> 22.13 Mt 8.12; 25.30; Lk 13.28

**Rom dakon kila amin madep Sisa do takis im do bo dima?**

*(Mk 12.13-17; Lk 20.20-26)*

<sup>15</sup>PParisi amin diwari da kiŋ Yesu suŋ kinda yaŋban nandaŋek gen pikon yipneŋ yaŋ do gen paŋkosit awit. <sup>16</sup>Aŋek iyi dakon paŋdetni gat ae Erot da kabikon amin diwari gat yabekba kiŋ Yesu yaŋ iyiwit, “Yoyiŋdet, gak gen bami yogok amin kinda yaŋ nandamaŋ. Gak amin do dima pasoldol. Amin mani toŋ ae mani mini uŋun kisi Piŋkop dakon anpak yoyiŋ dek mudosol. <sup>17</sup>Gak niaŋ nandisal? Sisa do takis imno tagi asak?”

<sup>18</sup>Yaŋ yaŋba Yesu da niaŋon da nak abiŋ nep do nandaŋ kokwin aŋ uŋun pindak mudaneŋ yaŋ yoyigit, “Jamba but amin ji nak nido aŋkewalgaŋ? <sup>19</sup>Moneŋ tabili kinda takis do yipmaŋgaŋ kinda aŋobiŋ naba koko.” Yaŋ yaŋban moneŋ tabili kinda aŋobiŋ iba <sup>20</sup>yaŋ yoyigit, “On wup gat ae man mandabi gat uŋun namin dakon?”

<sup>21</sup>Yaŋban yaŋ iyiwit, “Sisa dakon.”

Yaŋ yaŋba Yesu da yaŋ yoyigit, “Yo Sisa dakon uŋun Sisa iyi do imdo, ae yo Piŋkop dakon uŋun Piŋkop iyi do imdo.”

<sup>22</sup>Yesu da gen uŋun yaŋban nandaba ŋwakŋwarisi aban yipmaŋ kiwit.

**Amin kimoron da pidoni do Yesu iyiwit**

*(Mk 12.18-27; Lk 20.27-40)*

<sup>23</sup>Uŋun gildaron gin Sadyusi amin diwari da Yesukon apgwit. (Sadyusi amin kabi amin kimakbi dima pidon yaŋ nandaŋ.) Abiŋek yaŋ iyiwit, <sup>24</sup>s “Yoyiŋdet, Moses da gen kinda yaŋ mandagit, ‘Amin kinda monji mini da kimagakwan miŋatni isal egipjak kaŋ, padige da paŋakwan yawi diwatni dima pasilni yaŋ do monji paŋalasaŋ.’ <sup>25</sup>Nin da bikbigon peni padigeyo 7 kabi egipgwit. Mibiltok nani uŋun miŋat paŋek monji mini egek kimakban padige da kwabatni pagit. <sup>26</sup>Paŋek uŋunyo kisi monji mini egek kimakgit. Ae uŋun da buŋon nani kisi yaŋ gin agit. Yaŋ aŋakwa amin 7 kabi uŋun kisi kimak mudawit. <sup>27</sup>Kimak mudaneŋakwa miŋat uŋun don kimakgit. <sup>28</sup>Wili 7 kabi kisi da pawit, do amin da kimoron da pidoni bisap madepmon namin dakon miŋatni asak?”

<sup>29</sup>Yaŋba Yesu da yaŋ yoyigit, “Ji Piŋkop da papiakon gen tosok uŋun dima nandaŋ. Ae Piŋkop dakon tapmimni uŋun kisi dima kaŋ nandaŋ yo aŋek ji gen gulusuŋ yoŋ. <sup>30</sup>Pidot pidot bisap madepmon miŋat wiliyo agak dima tokdisak. Aŋelo Kwen Kokup isal ekwaŋ uŋun da tilagon egipdaŋ. <sup>31</sup>Ji kimoron da pidot pidot dakon mibili pakyansi dima nandaba pisosok. Piŋkop da uŋun do kili dayigit. Ji dima manjiŋ nandaŋ, ma? Yaŋ yaŋit:

<sup>32</sup> † ‘Nak Abraham, Aisak, ae Jekop dakon Piŋkopni.’

‡ 22.15 Mk 3.6 ¶ 22.21 Ro 13.7 † 22.23 Ya 23.8 § 22.24 GT 25.5 † 22.32 TP 3.6; Mt 8.11

Piŋkop uŋun amin kimakbi dakon Piŋkop dima, amin egip egipmi ton uŋun dakon Piŋkop.”

<sup>33</sup>Yesu da gen uŋun yanban nandanek miŋat amin kabi madepsi da yoyiŋdet uŋun agit do tamtam yawit.

**Ni gen teban da gen teban diwari yapmandak?**

*(Mk 12.28-31; Lk 10.25-28)*

<sup>34</sup>Sadyusi amin da Yesu ankwewal do iyinba gen tagisi yanakwan kobogi iyik do dima nandawit. Parisi amin da uŋun nandanek Yesukon opgwit. <sup>35</sup>Obin gen teban dakon mibili nandak nandak amini kinda da Yesu ankwewalek yan iyigit, <sup>36</sup>“Yoyiŋdet, ni gen teban da gen teban morap kisi yapman mudosok?”

<sup>37</sup>“Yanban Yesu da yan iyigit,

“Ji Amin Tagi Piŋkopji uŋun but gat ae nandak nandak gat kisisi paregek but dasi galak taŋ iminek egipni.

<sup>38</sup>Gen teban on da gen teban diwari yapman mudosok. <sup>39</sup>“Ae uŋun da buŋon nani mibiltok yosok uŋun yombem gin. Uŋun yan yosok: Gaga do but dasi niaŋ galak tosol, uŋudeŋ gin amin do but dasi galak taŋ yobi.

<sup>40</sup>“On gen teban bamot da gen teban diwari gat ae kombi amin dakon gen morap kisi timikgamal.”

**Yesu da iyi dakon mibili do paŋkewalgit**

*(Mk 12.35-37; Lk 20.41-44)*

<sup>41</sup>Parisi amin sigin egakwa Yesu da yan yoyigit, <sup>42</sup>x “Ji Kristo do namin dakon monji yan nandan?”

Yanban yan iyiwit, “Dewit dakon monji.”

<sup>43</sup>Yan yanba Yesu da yoyigit, “Yan kaŋ nido Telagi Wup da Dewit anpulanganakwan Kristo do ‘Amin Tagi’ yan iyigit? Dewit uŋun yan yagit:

<sup>44</sup>y ‘Piŋkop da nak dakon Amin Tagi yan iyigit, “Gak abin nak da aminsi tet do yikbi don uwalگو kandap gibanogogwan yopbo genگو guramitni.”’

<sup>45</sup>Dewit da Kristo Amin Tagino yan iyigit. Uŋun do niaŋon da Kristo uŋun Dewit dakon Amin Tagini ae monji kisi egisak?”

<sup>46</sup>Yan yanakwan amin kinda da gen kobogi kinda dima iyiwit. Ae uŋun bisapmon gin wasanek Yesu gen iyik do pasalgwit.

**Parisi amin ae gen teban yoyiŋdet amin da anpak yokwisi an**

*(Mk 12.38-39; Lk 11.43; 11.46; 20.45-46)*

**23** <sup>1</sup>Yesu da miŋat amin kabi madepsi gat iyi dakon paŋdet kabini gat yan yoyigit, <sup>2</sup>“Gen teban yoyiŋdet amin gat ae Parisi amin

<sup>u</sup> 22.37 GT 6.5    <sup>v</sup> 22.39 MS 19.18; Mt 7.12    <sup>w</sup> 22.40 Ro 13.10; Gal 5.14    <sup>x</sup> 22.42 Jn 7.42  
<sup>y</sup> 22.44 Kap 110.1; Mt 26.64

gat da kalip Moses da man madepni gat yigek gen teban yoyiŋ dekgit uŋudeŋ gin dayiŋ dekgaŋ. <sup>3</sup> \*Yaŋdo, gen morap dayiŋ dekgaŋ uŋun kisi guramik mudoni. Mani gen dayaŋ uŋun iyi dima guramikgaŋ, do aŋpak aŋ uŋun dima yolni. <sup>4</sup> Uŋun da gen teban mibili mibili jigiŋi guramitni do dayaŋ, mani iyi paŋpulugaŋba guramitni do kisitjok kinda dimasi yipmaŋgaŋ.

<sup>5</sup> <sup>a</sup> “Yo morap aŋ uŋun amin da pindatni yaŋ do aŋ. Piŋkop dakon gen sop simil simil kinam madepsi iŋamikon wamaŋgaŋ, ae imalnikon nap tilimi toŋ dubagisi uŋun baŋ paŋ. <sup>6</sup> Jap noknok tamokon ae muwut muwut yutnikon amin mani toŋ da yikgaŋ tamokon yit do galak toŋ. <sup>7</sup> Aŋek amin da maket tamokon ‘Yoyiŋdet, gildat tagi’ yaŋ yoyini yaŋ do galak toŋ.

<sup>8</sup> “Ji dakon Yoyiŋdetji kaloŋi kinda dagin egisak, do amin da ji gawak damiŋek ‘Yoyiŋdet’ yaŋ dima dayini. Ji kisi morap not dagin ekwaŋ. <sup>9</sup> Datji kaloŋi uŋun Kwen Kokup egisak, do miktim amin kinda do dat yaŋ dima iyini. <sup>10</sup> Ae ji dakon Madeppi kaloŋi uŋun Kristo, do amin kinda do gawak imiŋek madepno yaŋ dima iyini. <sup>11</sup> <sup>b</sup> Ji da binapmon mibiltok aminiŋi ekwaŋ uŋun oman aminiŋi egi damni. <sup>12</sup> <sup>c</sup> Amin kinda iyi do nandaban wiŋisak amin uŋun mani mini da egipdisak, aŋakwan amin kinda iyi do nandaban piŋsak amin uŋun mani toŋ da egipdisak.”

**Yesu da gen teban yoyiŋdet amin gat Parisi amin gat nawa gen yoyiŋgit**  
(Mk 12.40; Lk 11.39-52; 20.47)

<sup>13-14</sup> Yesu da saŋbenek yaŋ yoyiŋgit, “Gen teban yoyiŋdet amin ae Parisi amin, ji jamba but aminsi. Awa! Piŋkop da Amin Kila Asak da kagagwan pigik do aŋ amin ji da kosit sopmaŋ yomaŋ. Yaŋ aŋek disiyo kisi uŋungwan dima pikwaŋ.

<sup>15</sup> “Gen teban yoyiŋdet amin ae Parisi amin ji jamba but aminsi. Awa! Ji amin kaloŋi kinda da paŋdetji dagosak do pi teban aŋek tap kwenon da miktimi miktimi akwaŋ. Ji Tipdom do amin aŋ, do amin kinda abidoni kaŋ, iyin dekba uŋun amin yaŋ gin Tipdom do amin akdisak. Ae uŋun gin dima, ji da aŋpak yokwi aŋ uŋun si yapmaŋek uŋun amin aŋpak yokwisi asak.

<sup>16</sup> <sup>d</sup> “Kosit yolik amin, ji dabiŋji mini da ekwaŋ. Awa! Ji yaŋ yon: ‘Amin kinda da Piŋkop dakon Telagi Yut Madep do yaŋek geni yaŋ aŋteban aŋek ae don tagi kiriŋitjak. Mani amin kinda da telagi yut dakon gol do yaŋek geni yaŋ aŋteban asak kaŋ, tagi dima kiriŋitjak.’ <sup>17</sup> Ji nandaŋ kokwinji mini, dabiŋji mini. Yo ni da Piŋkop da dabiŋon yo madep asak? Gol yutgwan toŋ uŋun bo ae Telagi Yut Madep? Nandani, gol telagi yutgwan toŋ do telagi yut da aban telagi asak.

<sup>z</sup> 23.3 Mal 2.7-8    <sup>a</sup> 23.5 TP 13.9; IDT 15.38-39; GT 6.8; Mt 6.1    <sup>b</sup> 23.11 Mt 20.26; Mk 9.35; Lk 22.26    <sup>c</sup> 23.12 Jop 22.29; YT 29.23; Lk 14.11; 18.14    <sup>d</sup> 23.16 Mt 15.14

<sup>18</sup>“Ae kinda yoŋ uŋun yaŋ: ‘Amin kinda da alta do yaŋek geni yaŋ aŋteban asak kaŋ, tagi kiriŋitjak. Mani amin kinda da altakon paret toŋ do geni yaŋ aŋteban asak kaŋ, tagi dima kiriŋitjak.’ <sup>19</sup>Ji dabilji mini. Yo ni da Piŋkop da dabilon yo madep asak? Paret altakon toŋ uŋun bo ae alta? Nandani, paret altakon toŋ do alta da aban telagi asak. <sup>20</sup>Yaŋdo, amin kinda alta do yaŋek geni yaŋ aŋteban asak kaŋ, alta gat ae yo morap altakon toŋ uŋun kisi do yaŋek geni yaŋ aŋteban asak. <sup>21</sup>Ae amin kinda Piŋkop dakon telagi yut do yaŋek geni yaŋ aŋteban asak kaŋ, telagi yut gat ae Piŋkop yutnikon egisak uŋun gat kisi do yaŋek geni yaŋ aŋteban asak. <sup>22</sup><sup>e</sup>Ae amin kinda Kwen Kokup do yaŋek geni yaŋ aŋteban asak kaŋ, Piŋkop dakon kila amin madep yityit tamo gat ae Piŋkop iyi tamonikon yikdak uŋun gat kisi do geni yaŋ aŋteban asak.

<sup>23</sup><sup>f</sup>“Gen teban yoyiŋdet amin ae Parisi amin ji jamba but aminsi. Awa! Ji jap tam galagisi pi kagasi toŋ uŋun paŋ kabi 10 kabi kokwinigeŋ uŋudon baŋ kabi kindanaŋ Piŋkop do paret tagi aŋ. Mani gen tebanon gen madep madep toŋ uŋun yapmaŋ mudon. Aminon gen kokwin kilegi ani do yosok, ae amin bupmi nandaŋ yomni do yosok, ae nandaŋ gadat dakon bami aŋpak jikon noman tosak do yosok. Ji uŋun dima aŋ. Gen tebanon gen madep madep toŋ uŋun guramik mudajeŋ paret do yosok uŋun kisi guramitni kaŋ uŋun tagisi. <sup>24</sup>Kosit yolik amin, ji dabilji mini da ekwaŋ. Ji dakon tilak uŋun yaŋ. Amin da pakbi nok do aŋek yo moniŋ pakbikon toŋ uŋun pindak maba kiŋakwa pakbi noŋ, mani kamel madep dima noknogi uŋun dima kaŋek kalon galaukba pigisak.

<sup>25</sup><sup>g</sup>“Gen teban yoyiŋdet amin ae Parisi amin ji jamba but aminsi. Awa! Ji kap idapyo dakon manji sugon, mani burigwan da kabo ae sukwap nandak nandakyo tugawit da toŋ. <sup>26</sup>Parisi dabili mini amin, ji mibiltok kap dakon buri ikdigoni kaŋ, manji iyi tagi kilek tosak.

<sup>27</sup><sup>h</sup>“Gen teban yoyiŋdet amin ae Parisi amin ji jamba but aminsi. Awa! Ji amin kimakba yopmaŋgaŋ tip kinam yombem. Kwen da kwak soŋbi do kwakwagi tagisi asak. Mani mikgwan amin kidat gat ae yo garagi tigi morapmi toŋ. <sup>28</sup><sup>i</sup>Jiyo kisi yaŋ gin ekwaŋ. Amin da dandaba ji amin kilegisi ekwaŋ yaŋ nandaŋ, mani butjikon ji jamba but aminsi ae gen teban yapyap aminsi ekwaŋ.

<sup>29</sup>“Gen teban yoyiŋdet amin ae Parisi amin ji jamba but aminsi. Awa! Ji kombi amin ae amin kilegi kalipsi egi kimakba yopgwit tamo paŋtilim aŋ. <sup>30</sup>Aŋek yaŋ yoŋ, ‘Nin kalipsi babiknin da bisapmon egiŋgumaŋ tam, nin paŋpulugajeŋ kombi amin dima dapnom.’ <sup>31</sup><sup>j</sup>Gen yaŋ yaŋakwa ji kombi amin dapdap dakon babikni yaŋsi nandaŋ damamaŋ. <sup>32</sup>Do ji kiŋ babikji da wasajeŋ aŋpak yokwi awit uŋun aŋ mudoni. <sup>33</sup><sup>k</sup>Ji tuŋon amin

<sup>e</sup> 23.22 Ais 66.1; Mt 5.34    <sup>f</sup> 23.23 MS 27.30; Mai 6.8    <sup>g</sup> 23.25 Mk 7.4    <sup>h</sup> 23.27 Ya 23.3  
<sup>i</sup> 23.28 Lk 16.15    <sup>j</sup> 23.31 Ya 7.52    <sup>k</sup> 23.33 Mt 3.7; 12.34; Lk 3.7

emari ton dakon gwakni kabi. Pinjop da ji yan dagan depban Tipdom do amin anakwa namin da pulugan depjak?

<sup>34</sup>“Do yan dayisat, nak da kombi amin ae nandak nandak amin ae yoyindet amin yabekgo jikon apdan. Apba ji da unun amin diwari yolba pasal kokupmi kokupmi kikdan. Anakwa diwari timigek dapba kimotdan, ae diwari tilak kindapmon dapdan, ae diwari muwut muwut yutjikon nap kirinban baljokdan. <sup>35</sup>Yan do anek on miktimon amin kilegi morap dapba kimakgwit unun dakon kobogi ji da timitdan. Wasok wasok do amin kilegi Abel anagek ae amin kilegi morapmi kisi dapgwit. Egi wigi wasip do ji da Berekia dakon monji Sekaraia Telagi Yut Madep ae altayo da binapmon anakba kimakgit. Unun dakon kobogi yo jigisi ji da timitdan. <sup>36</sup>Nak asisi dayisat, abisok amin ekwan ji da unun dakon kobogi yo jigisi timitdan.

### Yesu Jerusalem do bupmisi nandagit

(Lk 13.34-35; 19.41-44)

<sup>37</sup>“O Jerusalem, Jerusalem amin, ji kombi amin dapba kimokgon. Amin Pinjop da yabekban jikon aban unun ji da tipban dapba kimokgon. Pup meji da monjini panmuwuk pirigwan yopmandak, unun da tilak nak da bisap morapmi ji panmuwut do nandagim, mani ji da kurak tan namgwit. <sup>38</sup>“Nak asisi dayisat, kokup yomasiyo yokwi tanej yumsi tokdisak. <sup>39</sup>“Ji nak dima nandanej egi wigi ni bisapmon nak do ‘Amin on Amin Tagi da manon abisak, unun Pinjop da gisamigakwan abisak’ yan nak do yoni unun bisapmon nandakdan.”

### Yesu da Telagi Yut Madep tuwilni do yagit

(Mk 13.1-2; Lk 21.5-6)

**24** <sup>1</sup>Yesu Telagi Yut Madep dakon nagal yipmanek wanga kinakwan pandetni da Yesukon kinjek Telagi Yut Madep dakon yut madep madep pindatjak do yoliwit. <sup>2</sup>Yolinba Yesu da yan yoyigit, “On yut madep madep pindakgan unun dakon tip notni da kwenon dima tan tan akdan. Tuwilba kisisi man mudokdan.”

### Yesu da yo jigi morapmi altoni do yagit

(Mk 13.3-13; Lk 21.7-19)

<sup>3</sup>Yesu Henj Olipmon yigakwan pandetni da iyi gin kin yan iyiwit, “Gen unun niyil unun ni bisapmon altokdan? Ninaj kanek gak aego tobil abinaki on miktim dakon bisap mudokdisak yan nandanen?”

<sup>1</sup> 23.35 WW 4.8; 2KAG 24.20-21    <sup>m</sup> 23.38 1KA 9.7-8; Jer 22.5    <sup>n</sup> 23.39 Kap 118.26  
<sup>o</sup> 24.2 Lk 19.44

<sup>4</sup>Yaj yanba Yesu da yoyigit, “Amin da paŋkewalni do kaŋ kimotni. <sup>5</sup><sup>p</sup>Amin morapmi da abiŋ nak dakon man yanek yan yokdaŋ, ‘Nak naga Kristo.’ Yan yanek amin morapmi paŋkewaldaŋ. <sup>6</sup>Ujun bisapmon emat wuwik gat ae dubagikon emat aŋ unun dakon gen bin apba nandaŋek butji dima pasolni. Ujun yo morap altokdaŋ, mani miktim da mudosak bisap madep kili unun noman tosok yan dima nandani. <sup>7</sup>Miktim kinda dakon amin da pidaŋba miktim kinda dakon amin gat emat wamdaŋ. Ae kila amin madep kinda dakon amin da pidaŋba kila amin madep kinda dakon amin gat emat wamdaŋ. Aŋakwa miktim diwarikon wudip akdaŋ. Ae amin da jap do madepsi aŋek diwari da kimotdaŋ. <sup>8</sup>Miŋat monji kwapmi toŋ da monji altok do aŋakwa wasaŋek tepmi paŋ, yan gin unun yo morap altaŋakwa bisap madep kwaŋ tosok yan nandani.

<sup>9</sup>“Ujun bisapmon amin da ji timigek tepmi damiŋek dikba kimotdaŋ. Ae ji nak nolgaŋ do aŋek amin kisi morap da ji do butjap nandaŋ damdaŋ. <sup>10</sup>Ujun bisapmon amin morapmi nak nandaŋ gadaŋ namaŋ unun nandaŋ gadatni yopba wital kiŋakwa notni do nandaba yokwi tok aŋek uwal da kisiron yopmaŋ yopmaŋ akdaŋ. <sup>11</sup>Aŋakwa kombi amin toptopmi morapmi da altaŋek amin morapmi paŋkewalba nandaŋ yomiŋek yoldaŋ. <sup>12</sup>Aŋakwa aŋpak yokwi da madepsi ireŋ taŋ aŋ aŋ kikdisak. Yan aŋakwa amin morapmi da not do but dasi galak taŋ yomyom aŋpak yipba wital kikdisak. <sup>13</sup>Mani amin morap tebaisi sigin agakwa wigi mibi bisapmon wigiŋak unun Piŋkop da pulugaŋ yopdisak. <sup>14</sup>‘Amin da miktimi miktimi miŋat aminyo ekwaŋ unun Piŋkop da Amin Kila Asak dakon Gen Bin Tagisi yoyiŋ mudakaŋwa bisap madep unun apdisak.’”

### Yo yokwisi kinda da altokdisak

*(Mk 13.14-23; Lk 21.20-24)*

<sup>15</sup>“Yesu da saŋbenek yan yagit, “Yo wagil yokwisi kinda don Telagi Yut Madepmon akban kokdaŋ. Kombi amin Daniel da unun do kili yagit.” (On gen manjisak amin unun da pakyaŋsi nandisak.) <sup>16</sup>“Ujun bisapmon amin Judia miktimon egipni unun pasal kabapgan tepmisi wigini. <sup>17</sup>Amin kinda yut kwenon egipjak kaŋ, yo kabini timit do yutgan pigik do nandak nandak dimasi asak. <sup>18</sup>Ae amin kinda pigaga egipjak kaŋ, yutnon ilikba pigikni kiŋ abidok do nandak nandak dimasi asak. <sup>19</sup>Ujun bisapmon miŋat monji kwapni toŋ, ae miŋat monji mum noŋ unun bupmisi. <sup>20</sup>Ji da Piŋkop bisit iyinba nandaŋakwan yo unun ais bisapmon bo Sabat bisapmon dima noman toni. <sup>21</sup>“Ujun bisapmon

<sup>p</sup> 24.5 Mt 24.23-24; 1Jn 2.18    <sup>q</sup> 24.9 Mt 10.22    <sup>r</sup> 24.11 Mt 24.5,24; 1Jn 4.1

<sup>s</sup> 24.13 Mt 10.22    <sup>t</sup> 24.14 Mt 28.19    <sup>u</sup> 24.15 Dan 9.27; 11.31; 12.11    <sup>v</sup> 24.17 Lk 17.31

<sup>w</sup> 24.21 Dan 12.1

yo jigisi altokdaŋ. Piŋkop da mibilikon yo morap wasagiron da egi abisok ekwamaŋon yo jigisi uŋuden kinda dima altaŋit, ae buŋon dima altokdisak. <sup>22</sup> Amin Taŋi da uŋun bisap dima aŋpisip asak tam miŋat amin morap kisi kimak mudonom. Mani miŋat amin kabi iyi do kili manjiŋit uŋun do bupmi nandaŋek bisap aŋpisip asak.

<sup>23</sup> x “Uŋun bisapmon amin kinda da ‘Kristo oni!’ bo ‘Asoni!’ yaŋ yaŋban kaŋ, top yosok yaŋ nandani. <sup>24</sup> y Amin diwari da abiŋ ‘Nak Kristo’ yaŋ top yokdaŋ. Ae diwari da ‘Nak kombi amin kinda’ yaŋ top yokdaŋ. Yaŋ yaŋek wasok tapmimi toŋ mibili mibili akdaŋ. Aŋek miŋat amin kabi Piŋkop da iyi do kili manjikbi uŋun paŋkewal do pini madep akdaŋ. Mani aripmi dima paŋkewaldaŋ.

<sup>25</sup> “Nandani, yo jigisi morap uŋun dima altaŋakwa mibiltok dayisat. <sup>26-27</sup> z Mal da gildat wisak tetgin da teŋteŋaŋ kiŋ gildat piŋisak tetgin noman taŋban komaŋ, uŋun da tilak Amin Dakon Monji uŋun apban amin kisi da kokdaŋ. Do amin kinda da ‘Kristo uŋun miktim kibiri amin da aripmi dima egipmi timon egisak!’ yaŋ dayiŋban kaŋ, uŋudon dima kini. Bo amin kinda da ‘Kristo yut uŋudon pasilek egisak!’ yaŋ dayiŋban kaŋ, top yosok yaŋ nandani. <sup>28</sup> a Yo kimakbi da toŋ siŋgiŋ uŋudon abiŋ muwukgaŋ.”

### **Don Amin Dakon Monji apdisak**

*(Mk 13.24-27; Lk 21.25-28)*

<sup>29</sup> b Yesu da saŋbenek yaŋ yagit, “Yo jigi dakon bisap mudaŋakwan, ‘Gildat dabil pilin tuk akdisak, ae kanek dima teŋteŋokdisak.

Ae gik kundu yipmaŋek mokdaŋ.

Aŋakwa kwen kundukon yo tebai toŋ uŋun da kwakwalitdaŋ.’

<sup>30</sup> c Uŋun bisapmon Amin Dakon Monji dakon tilak kundukon altaŋban kaŋek miktimi miktimi amin kisi morap da kunam tatdaŋ. Kaŋakwa Amin Dakon Monji tapmimni gat ae tilim madepni gat gikwemon da apban kokdaŋ. <sup>31</sup> d Kweŋ madepsi da yaŋakwan aŋelo kabini yabekban kiŋ amin iyi do manjikbi kabi miktimi miktimi ekwaŋ uŋun paŋmuwutdaŋ.”

### **Pik kindap kaŋek butji piŋosak**

*(Mk 13.28-31; Lk 21.29-33)*

<sup>32</sup> Yesu da saŋbenek yaŋ yagit, “Ji pik kindap kaŋek butji piŋosak. Kiliŋi pakbini toŋ ae tami kaluk yopmaŋdak, uŋun bisapmon gildat bisap kwaŋ tosok yaŋ nandaŋ. <sup>33</sup> Uŋudeŋ gin yo morap dayit uŋun da

---

x **24.23** Mt 24.5 y **24.24** GT 13.1-3; 2Tes 2.8-9; PA 13.13-14 z **24.26-27** Mt 24.37-39; Lk 17.23-24 a **24.28** Lk 17.37 b **24.29** Ais 13.10; 34.4; Esi 32.7; Jol 2.10,31; 2Pi 3.10; PA 6.12-13 c **24.30** Dan 7.13; Sek 12.10; PA 1.7 d **24.31** 1Ko 15.52; 1Tes 4.16



altanjakwa miktim da mudosak bisap madep kili ununjok kwanj tosoj yanj nandani.

<sup>34e</sup> “Nak asisi dayisat, unun bisapmon egipni amin dima kimagakwa yo morap unun kisi altanj mudokdaj. <sup>35f</sup>Kundu gat miktim gat pasildamal, mani nak dakon gen unun dimasi pasildisak.”

**Yo morap altokdisak unun dakon bisap Pinjop Dat dagin nandisak**  
(Mk 13.32-37; Lk 17.26-30; 17.34-36)

<sup>36g</sup>Yesu da sanjbejek yanj yagit, “Yo morap altosak unun dakon bisap unun amin kinda da dima nandisak. Kwen Kokup anjelojo dima nandaj, ae Monjiyo kisi dima nandisak. Dat da iyi gin nandisak. <sup>37h</sup>Noa da bisapmon amin egipgwit unudej gin Amin Dakon Monji apjak bisapmon yanj gin egipdaj. <sup>38</sup>Kulup madep dima altanjakwan jap pakbiyo anjek miñat pakpak awit. Yanj anjek egakwa Noa tap waggakon wigigit. <sup>39i</sup>Wigakwan yo jigi altanj nimdaj unun dima nandawit. Butni dima pisanakwa kulup madep da altanjek wutjinjan pasilgwit. Amin yanj gin egakwa Amin Dakon Monji apdisak. <sup>40</sup>Amin bamori pigaga egakwal Pinjop da kinda yapmanjek kinda abidokdisak. <sup>41</sup>Miñat bamori da plaua wasanjek yigakwal kinda yapmanjek kinda abidokdisak.

<sup>42j</sup> “Yajdo, kanj kimotni. Amin Tagisi ni gildaron apdisak unun ji dima nandaj. <sup>43k</sup>Nandaj pisoni. Yut kinda dakon ami kalbi kabo noknok ni bisapmon apdisak yanj nandagit tam, kila anjakwan yutni aripmi dima tuwilban. <sup>44</sup>Dima apdisak yanj nandanjek egakwa Amin Dakon Monji unudon apdisak. Yajdo, ji tagap tanjek egipni.”

**Oman monji tagi ae yokwi dakon tilak gen**  
(Lk 12.42-46)

<sup>45</sup>Yesu da sanjbejek yanj yagit, “Oman monji kinda nandaj kokwini tagisi ae pi agakni tagisi, unuden oman monji amin tagini da oman monjini diwari kilani asak do manjisak. Yanj aban jap yomyom bisapmon japni yomiñ yomiñ asak. <sup>46</sup>Oman monji unun amin tagini da tobil abinj kanjan pini tagisi asak kanj tagisi. <sup>47l</sup>Nak asisi dayisat, amin tagini da unun oman monji iyinjan yo morapni kila akdisak. <sup>48</sup>Mani oman monji kinda pi yokwi asak unun burikon da yanj nandisak, ‘Amin tagino unun tepmi dima apdisak.’ <sup>49</sup>Yanj nandanjek oman monji notni dapmanjek pakbi teban nanjek but upbal anj amin gat muwugek jap pakbiyo anj. <sup>50</sup>Yanj anjek dima apdisak yanj nandanjakwan amin tagini da but pisogi mini apdisak. <sup>51</sup>Abinjek unun oman monji tepmi pi iminjek yipban jamba but amin gat kunam tagek iyonj iyonj yanj tidanjek egipdaj.”

<sup>e</sup> 24.34 Mt 16.28    <sup>f</sup> 24.35 Mt 5.18    <sup>g</sup> 24.36 Ya 1.7; 1Tes 5.1-2

<sup>h</sup> 24.37 WW 6.5-8    <sup>i</sup> 24.39 WW 7.21-23    <sup>j</sup> 24.42 Mt 25.13    <sup>k</sup> 24.43 Lk 12.39-40; PA 16.15    <sup>l</sup> 24.47 Mt 25.21,23

### Miñatjok 10 kabi dakon tilak gen

**25** <sup>1m</sup>Yesu da sañbejek yañ yagit, “Uñun bisap madepmon Piñkop dakon Amin Kila Agakni dakon tilak kinda uñun yañ. Amin kinda miñat pak do agit. Añakwan miñat uñun pakdisak dakon notni miñatjok 10 kabi da lamni timigek kosiron kiñ wili uñun kañ abidan aņop do kiwit. <sup>2</sup>Miñatjok 5 kabi uñun nandañ kokwini tagi dima, ae 5 kabi uñun nandañ kokwini tagisi. <sup>3</sup>Miñatjok nandañ kokwini tagi dima uñun lamni timigek lam kolek do pakbi di gat dima pañkiwit. <sup>4</sup>Mani miñatjok nandañ kokwini tagisi uñun lamni timigek lam kolek do pakbi di gat kisi timigek kiwit. <sup>5</sup>Kiñ jomjom aņ egakwa amin uñun tepmi dima abiñakwan dipmini wiñba dipmin pak mudawit.

<sup>6</sup>“Pak mudañakwa kalbi binap aban amin kinda yañ tidañek yañ yagit, ‘Amin miñat pak do asak kili uñun abisak! Opba kiñ abidono!’

<sup>7</sup>“Yañ yañban miñatjok kisi pidañ lamni pañkosit <sup>8</sup>añakwa miñatjok nandañ kokwini tagi dima uñun da miñatjok nandañ kokwini tagisi yañ yoyiwit, ‘Nin do pakbi diwatji nimgut, lamnin kimotdañ.’

<sup>9</sup>“Yañba nandañ kokwini tagisi da yañ yoyiwit, ‘Pakbi on nin kisi da aripmon dima toñ. Ji kiñ yumañ nok yutnon pakbi yumni.’

<sup>10</sup>“Kiñakwa amin miñat pak do agit uñun apgut. Apban miñat tagap tajeke egipgwit uñun gat soñnok ak do yutnon wigakwa yoma sogpwit.

<sup>11n</sup> “Buñon don miñat kabi pakbi do kiwit uñun abiñ yawit, ‘Amin tagi, amin tagi, abiñ yoma witdal nim!’

<sup>12o</sup> “Mani amin tagi da gen kobogi yañ yoyigit, ‘Nak asisi dayisat, nak dimasi nandañ damisat.’ ”

<sup>13p</sup>Yesu da tilak gen uñun yañ mudañek yañ yoyigit, “Amin Tagisi altañ damjak uñun dakon bisap ji dima nandañ, do tagap tajeke egipni.”

### Pi monji monej timikgwit dakon tilak gen

(Lk 19.11-27)

<sup>14</sup>Yesu da sañbejek yañ yagit, “Piñkop da Amin Kila Asak uñun do tilak kinda ako mibili nandani. Amin kinda kokup dubagi kindakon kik do aņek pi monjini yañ yoban opba yo kabini kila ani do yoyigit.

<sup>15q</sup>Pi monji kalon kalon dakon pi agakni da aripmon monejni kila ani do yomgut. Kinda do monej 25 tausen danari, ae kinda do 10 tausen danari, ae kinda do 5 tausen danari yañ yomiñ mudañek kigit.

<sup>16</sup>Kiñakwan uñudon gin 25 tausen danari timikgit amin uñun yomiñ gwayek aņakwan 25 tausen danari kinda gat noman tagit. <sup>17</sup>Ae 10 tausen danari timikgit amin uñunyo yañ gin aņakwan 10 tausen danari kinda

<sup>m</sup> 25.1 Lk 12.35; PA 19.7    <sup>n</sup> 25.11 Lk 13.25-27    <sup>o</sup> 25.12 Mt 7.23    <sup>p</sup> 25.13 Mt 24.42  
<sup>q</sup> 25.15 Ro 12.6

gat noman tagit. <sup>18</sup>Mani 5 tausen danari timikgit amin unun kin gapma wayigek amin tagini dakon monejni gapmakon yopban isal tawit.

<sup>19</sup>“Amin tagini bisap dubagi egek aeni tobil apgut. Abin monejni yomgut unun dakon pini nian awit unun dakon mibili nandak do yoyigit.

<sup>20</sup>Yoyinban 25 tausen danari timikgit amin unun da yomin gwayek anakwan 25 tausen danari kinda gat noman tagit unun yolinek yan iyigit, ‘Amin tagi, gak da 25 tausen danari kila aken do namgul unun pini ako 25 tausen danari kinda gat oni noman tak.’

<sup>21</sup>“Yan iyinban amin tagi da yan yagit, ‘Gak pi monjino gen guramit tagisi agil. Anek pigo dakon kila tagisi agil. Yo monjisok gabo kila tagisi agil do yo madep gabo kila tagi aki. Gak apbi kisik kisik ando.’

<sup>22</sup>“Ae 10 tausen danari timikgit amin unun da abin yan iyigit, ‘Amin tagi, gak da 10 tausen danari kila aken do namgul unun pini ako 10 tausen danari kinda gat oni noman tak.’

<sup>23</sup>“Yan iyinban amin tagi da yan yagit, ‘Gak pi monjino gen guramit tagisi agil. Anek pigo dakon kila tagisi agil. Yo monjisok gabo kila tagisi agil, do yo madep gabo kila tagi aki. Gak apbi kisik kisik ando.’

<sup>24</sup>“Ae 5 tausen danari timikgit amin unun da abin yan iyigit, ‘Amin tagi, gak dakon mibilgo nandisat, gak bupmigo mini. Amin njwakjwari da pi anakwa jap bami gak da pasal, ae miktimon jap yet tintinon dakon bami gaga do pasal. <sup>25</sup>Yan asal, do pasalek monejno 5 tausen danari namgul unun anki miktim kagagwan yipbo tagit. Moneno unun oni.’

<sup>26</sup>“Yanban amin tagini da gen kobogi yan iyigit, ‘Gak oman monji yokwi, pi ak do kurak tosol. Nak dakon mibilno kili nandagil. Nak amin da pigaga jap bami pasat, ae amin da jap yet tintinon dakon bami naga do pasat. <sup>27</sup>Yan nandagil, do monejno bejon yopgul tam unun tagi. Yan agil tam abin nak da monejno gat ae bej da diwari sanbesak unun gat tagi timikgom.’

<sup>28-29</sup>“Amin yoni tan iman amin unun nak da sanbejek yo ibo morapmisi tan imdan. Ae amin yoni kalonisok tan iman amin unun nak da ununjok gwayen mudoken. Yan do, on amin monejni unun gwayen monej 50 tausen danari tan iman unun amin do imni. <sup>30</sup>“Anek on oman monji kurak tok amin wanga abigi maba pilin tukgwan pigisak. Unudon kunam tagek iyon iyon yan tidanek egipdisak.”

### Amin Dakon Monji da nin kokwinitdisak

<sup>31</sup>“Yesu da sanbejek yan yagit, “Amin Dakon Monji apjak bisapmon Kwen Kokup dakon tilimni gat ae anelo kabini gat abinek kila amin madep yiyit tamokon unudon yitdisak. <sup>32</sup>“Yigakwan amin miktimi

<sup>r</sup> 25.21 Mt 24.45-47; Lk 16.10    <sup>s</sup> 25.28-29 Mt 13.12; Mk 4.25; Lk 8.18    <sup>t</sup> 25.30 Mt 8.12; Lk 13.28    <sup>u</sup> 25.31 Mt 16.27; 19.28    <sup>v</sup> 25.32 Esi 34.17; PA 20.11-13

miktimi ekwaŋ uŋun abiŋ burikon muwuk mudoni. Abiŋ muwukba kila amin da sipsip ae meme kokwinikgaŋ uŋun da tilagon amin kokwinitisak. <sup>33</sup>Kokwinigek sipsip aminsi tet do yopmaŋek meme gwanderŋ tet do yopdisak.

<sup>34</sup>“Kila Amin Madep uŋun da aminsi tet do amin yaŋ yoyisak, ‘Datno da gisam dabi amin, abiŋek Datno dakon Amin Kila Agakni ji do aŋnoman abi uŋun abiŋek abidoni. Uŋun miktim wasok wasogikon ji do kili aŋnoman agit da tosok. <sup>35</sup>”Nak kalip jap do abo jap naba nagim, ae pakbi do abo pakbi naba nagim, ae kokup ŋwakŋwarikon da apbo but dasi abidaŋba yutjikon paŋki egipgum. <sup>36</sup>Imalno mini egapbo imal namgwit. Sot abo aŋpulugawit. Dam teban yutnon yigapbo abiŋ nandawit.’

<sup>37</sup>“Yaŋ yaŋban kilegi kabi da gen kobogi yaŋ iyini, ‘Amin Tagi, ni bisapmon jap do abi gandaŋek jap gangumaŋ, ae ni bisapmon pakbi do asal yaŋ gandaŋek pakbi gangumaŋ? <sup>38</sup>Ae ni bisapmon kokup ŋwakŋwarikon da abisal yaŋ gandaŋek aŋki yutninon gepgumaŋ, ae ni bisapmon imalgo mini yaŋ gandaŋek imal gangumaŋ? <sup>39</sup>Ae ni bisapmon sot asal yaŋ gandaŋek kilago agimaŋ, ae ni bisapmon dam teban yutnon yikdal yaŋ gandaŋek abiŋ gandagimaŋ?’

<sup>40</sup> x “Yaŋba Amin Madep da yaŋ yoyisak, ‘Asisi dayisat, yo morap notno kinda mani mini do awit uŋun yo morap nak do awit.’ <sup>41</sup> y “Yaŋ yoyiŋek Amin Madep uŋun da tobiŋ gwanderŋ tet do amin yaŋ yoyisak, ‘Jobit pabi kabi ji aŋgwikon kiŋek kindapmon pigit. Uŋun kindap uŋun Sunduk gat aŋelo kabini gat uŋun do aŋnoman abi, uŋun kimot kimori mini. <sup>42</sup>Kalip jap do abo jap dima namgwit, ae pakbi do abo pakbi dima namgwit. <sup>43</sup>Kokup ŋwakŋwarikon da apbo yutjikon dima aŋki nepgwit, ae imalno mini egapbo imal dima namgwit, ae sot agim ae dam teban yutnon yikgim bisapmon kilano dima awit.’

<sup>44</sup>“Yaŋ yaŋban gen kobogi yaŋ iyini, ‘Amin Tagi ni bisapmon gandano jap do agil, bo pakbi do agil, bo kokup ŋwakŋwarikon da apgul, bo imalgo mini, bo sot agil, bo dam teban yutnon yikgil, abi dima aŋpulugagimaŋ?’

<sup>45</sup>“Yaŋba yaŋ yoyisak, ‘Nak asisi dayisat, yo morap amin mani mini do dima awit uŋun nak do awit.’

<sup>46</sup> z “Yaŋ yoyiŋban uŋun amin kabi kobogi yokwisi dagok dagogi mini pakdaŋ. Mani kilegi amin kabi uŋun da egip egip dagok dagogi mini uŋudon kikdaŋ.”

w 25.35 Ais 58.7 x 25.40 YT 19.17; Mt 10.42; Mk 9.41 y 25.41 Mt 7.23

z 25.46 Dan 12.2; Jn 5.29

## Yesu da tepmi pajek kimot aņek kimoron da piđagit

(Kilapmi 26–28)

**Kila amin da Yesu aņakba kimotjak do gen yaņ aņteban awit**

(Mk 14.1-2; Lk 22.1-2; Jn 11.45-53)

**26** <sup>1</sup>Yesu uņun gen morap yaņ mudaneķ paņdetni yaņ yoyigit, <sup>2</sup><sup>a</sup> “Disi nandan, gildat bamori gin egek Yapyap Bilak egipmi. Uņun bisapmon Amin Dakon Monji amin da abidan uwal da kisiron yipba tilak kindapmon aņatdan.”

<sup>3</sup>Uņun bisapmon mukwa sogok amin dakon amin madep kabi gat ae Israel dakon kila amin uņun mukwa sogok amin dakon mibiltok amin Kaiapas uņun da yutnon muwukgwit. <sup>4</sup>Muwugek Yesu ni kosiron da pasilek abidan aņatno kimotjak uņun dakon gen yawit. <sup>5</sup>Yaņ yaņek yawit, “Telagi bisap madepmon dima abidoneņ. Yaņ aneņ kaņ, miņat aminyokon pidok pidok noman tokdisak.”

**Miņat kinda da pakbi kibaņi toņ tagisinaņ Yesu soņ imgut**

(Mk 14.3-9; Jn 12.1-8)

<sup>6</sup>Yesu Betani kokupmon amin kinda mani Saimon uņun da yutnon yikgit. (Saimon uņun kalip wuda tebani toņ egipgut.) <sup>7</sup><sup>b</sup>Yesu jap noknok tamokon yigakwan miņat kinda pakbi kibaņi tagisi abidan awiņ Yesu da busuņon tagalgit. (Uņun pakbi yumaņ nogi wukwisi ae tibiri uņun tipnaņ wasaņbi.)

<sup>8</sup>Yaņ aban paņdet kabini da kaņek buri yokwi taņba yaņ yawit, “Nidosi aņek pakbi kibaņi tagisi uņun yumsi tagaldak? <sup>9</sup>Amin da yubam tam, moneņ madepsi timik yoni mini amin do yomnom.”

<sup>10</sup>Yaņ yaņba nandaneķ Yesu da yoyigit, “Miņat on nido jigi imaņ? Miņat on nak do yo tagisi asak. <sup>11</sup><sup>c</sup>Yoni mini amin ji gat bisapmi bisapmi egipdan, mani nak ji gat bisapmi bisapmi dima egipdamaņ. <sup>12</sup>On miņat da mibiltok giptimnokon pakbi kibaņi tagisi naņ soņ namineķ kimakbi tamokon nepni do aņtagap asak. <sup>13</sup>Asisi dayisat, miktimi miktimi amin da Gen Bin Tagisi yoyiņek miņat on da yo ak uņun dakon gen bin kisi yoyiņakwa nandakdan. Aņakwa uņun miņat dakon man bini dima pasildisak.”

**Judas da Yesu kila amin da kisiron yip do yagit**

(Mk 14.10-11; Lk 22.3-6)

<sup>14</sup>Uņun bisapmon paņdetni 12 kabikon da kinda mani Judas Iskariot uņun da mukwa sogok amin dakon amin madep kabikon kigit. <sup>15</sup><sup>d</sup>Kiņ yaņ

<sup>a</sup> 26.2 TP 12.1-27; Mt 20.18    <sup>b</sup> 26.7 Lk 7.37-38    <sup>c</sup> 26.11 GT 15.11    <sup>d</sup> 26.15 Sek 11.12; Jn 11.57

yoyigit, “Yesu kisitjikon yipbo ninanj namni?” Yanban silwa monerj tabili 30 yan manjij imgwit. <sup>16</sup>Iba wasanejek Yesu kisitnikon yipjak do kosit wisigit.

**Yesu pan̄detni gat jap nawit**

*(Mk 14.12-21; Lk 22.7-14; 22.21-23; Jn 13.21-30)*

<sup>17</sup>eBret Yisni Mini Bilak wasok wasogikon pan̄detni da Yesukon kin̄ yan iyiwit, “Nin kin̄ dukwan Yapyap Bilak dakon jap pan̄kosit anerj do nandisal?”

<sup>18</sup>Yanba Yesu da yan yoyigit, “Kokup papmon kin̄ amin kinda kokdañ. Kanejek yan iyini: Yoyiñdet da yan yosok, Nak dakon bisap kili unun kwan̄ tosok. Nak gat pan̄det kabino gat gak da yutnon apno Yapyap Bilak dakon jap nonerj.” <sup>19</sup>Yanban pan̄detni da Yesu dakon gen guramigek kin̄ Yapyap Bilak dakon jap pan̄kosit awit.

<sup>20</sup>Yan anek pilin tan̄akwan Yesu gat pan̄detni 12 kabi gat yigek jap nawit. <sup>21</sup>Jap nan̄ yigek Yesu da yan yoyigit, “Asisi dayisat, jikon da kinda da uwal da kisiron nepdisak.”

<sup>22</sup>Yan yanban pan̄detni buri yokwi tan̄ba kalon̄ kalon̄ yan yawit, “Amin Tagi, nak do dima yosol, ma?”

<sup>23</sup>fYan yanba Yesu da yoyigit, “Kinda nak gat jap idapmon kisitnit kalon̄i yipman̄gamak, unun amin da nak uwalno da kisiron nepdisak. <sup>24</sup>Asi Piñkop da papiakon gen mandabi unun da tilagon Amin Dakon Monji kimoron kikkisak. Mani Amin Dakon Monji uwal da kisiron yipjak amin, awa! Unun amin men̄i da dima an̄alagit tam tagi.”

<sup>25</sup>Yan yanban uwal da kisiron yipyip amin Judas da Yesu yan iyigit, “Yoyiñdet, nak do dima yosol, ma?”

Yanban iyigit, “Unun gak mani.”

**Yesu da bret gat ae wain gat pan̄detni do yomgut**

*(Mk 14.22-26; Lk 22.15-20; 1Ko 11.23-25)*

<sup>26</sup>Jap nan̄ yigakwa Yesu da bret kinda abidañ, Piñkop ya yan iyinejek, pudan̄ pan̄detni do yomgut. Yominejek yan yoyigit, “Pabidañek noni, on nak dakon giptim timno.”

<sup>27</sup>Yan yanek wain kinam abidañek Piñkop ya yan iyinejek yominejek yan yagit, “Ji kisi da noni. <sup>28</sup>gOn yawino. Piñkop gat amin gat san̄bek san̄bek abi unun an̄teban asak. Amin morapmi dakon diwarini yopman̄ yom do parekdat. <sup>29</sup>Nak asisi dayisat, nak wain ae dima nan̄ek egi wigi Datno da Amin Kila Asak da kagagwan don ji gat wain kalugi nonerj.”

<sup>30</sup>hYan yanban kap kinda yanek yomakon pikek ñerj Olipmon wigiwit.

e 26.17 TP 12.14-20 f 26.23 Kap 41.9 g 26.28 TP 24.8; Jer 31.31-34; Sek 9.11; 1Ko 10.16 h 26.30 Lk 22.39; Jn 18.1

**Pita da manji imjak do Yesu da yagit**  
(Mk 14.27-31; Lk 22.31-34; Jn 13.36-38)

<sup>31</sup> Hleŋ Olipmon wigeŋ Yesu da paŋdetni yaŋ yoyigit, “Piŋkop da papiakon gen yaŋ tosok:

‘Sipsip dakon kila amin aŋakgo kimagakwan sipsip birapmigi iyi iyi kikdaŋ.’

Gen uŋun da aripmon abisok kalbi yo morap nagon noman taŋakwa pindagek ji manji namdaŋ. <sup>32</sup> Mani kimoron da pidaŋek nak da kalip Galili miktimon mibiltaŋ damaŋek kikeŋ.”

<sup>33</sup> Yaŋban Pita da yaŋ iyigit, “Amin diwari da manji gamaŋakwa nak yaŋ dimasi abeŋ.”

<sup>34</sup> Yaŋ yaŋban Yesu da iyigit, “Asisi gayisat, abisok kalbi pup gen dima yaŋakwan gak da nak do ‘Uŋun amin dima nandaŋ imisat’ yaŋ kosit kapbi yokdisal.”

<sup>35</sup> Yaŋban Pita da yaŋ iyigit, “Uwal da gikba kimagaki nakyō kisi nikba kimokgeŋ do ani kaŋ, gak do wasip dima yokeŋ.” Yaŋ yaŋban paŋdet kabi diwari kisi yaŋ gin yawit.

**Yesu Getsemani bisit agit**  
(Mk 14.32-42; Lk 22.39-46)

<sup>36</sup> Yesu gat paŋdetni gat miktim tim kindā mani Getsemani uŋudon kiwit. Kiŋ altaŋek Yesu da yaŋ yoyigit, “Ji idon yigakwa nak asidon kiŋ bisit akeŋ.”

<sup>37</sup> Yaŋ yaŋek Pita gat ae Sebedi dakon monji yat timikban kiwit. Kiŋ burikon jigi madepsi nandaŋek <sup>38</sup> yaŋ yoyigit, “Butno jik taŋakwan kimot kimotno noman taŋ naban nandisat. Do ji nak gat kisi idon Piŋkop do nandaŋek egipneŋ.”

<sup>39</sup> Yaŋ yaŋek timisok di kiŋek miktimon maŋ pakek bisit yaŋ agit, “O Dat, yo morap tagi aki. Do nak da kwenon jigi apdisak uŋun kukwoki do nandisat. Mani nak dakon nandak nandak dima yolgi. Gak dakon galak tok niaŋsi tosok uŋun daŋin noman toni.”

<sup>40</sup> Yaŋ yaŋek tobiŋ paŋdetni kapbi egipgwiron kiŋ pindakban dipmin pakgwit pindagek Pita yaŋ iyigit, “Ji nak gat awa kalonji da aripmon gin Piŋkop do nandaŋek dima egipneŋ? <sup>41</sup> Ji teban taŋek bisit aŋek egipni. Yaŋ aŋek egipni kaŋ, paŋkewalon aripmi dima mokdaŋ. But da nak nol do galak tosok mani gip dakon tapmimni mini.”

<sup>42</sup> Yaŋ yaŋek aeni tobiŋ kiŋ bisit yaŋ agit, “Datno, jigi pakeŋdosi nandisal kaŋ, tagi pakeŋ.”

<sup>43</sup> Bisit aban dagaŋban abiŋ pindakban paŋdetni dipmin do yokwisi aŋek aeni dipmin sigin pakgwit. <sup>44</sup> Yaŋ pindagek aeni tobiŋ kiŋ bisit mibiltok agit uŋudeŋ gin agit.

<sup>i</sup> 26.31 Sek 13.7; Jn 16.32    <sup>j</sup> 26.32 Mt 28.7,16    <sup>k</sup> 26.34 Mt 26.69-75    <sup>l</sup> 26.38 Jn 12.27

<sup>45</sup>Yaŋ aŋek tobil abiŋ paŋdetni yaŋ yoyigit, “Ji dipmin sigin pagek tapmim paŋ, ma? Bisap kili abik. Amin Dakon Monji yokwi pakpak da kisiron kili unun yipmanŋaŋ. <sup>46</sup>”Pidaŋba kino! Kabit, uwal da kisiron nepjak amin kili abik.”

#### Uwal da Yesu abidawit

(Mk 14.43-50; Lk 22.47-53; Jn 18.3-12)

<sup>47</sup>Yesu gen yaŋakwan unudon gin paŋdetni 12 kabikon da kinda mani Judas altaŋ yomgut. Amin kabi madep emat agak sibani ae kindap kiriŋni timigek buŋon yolgwit. Mukwa sogok amin dakon amin madep kabi gat ae Juda amin dakon kila amin gat da yabekba opgwit.

<sup>48</sup>Uwal da kisiron yipyip amin da gen kinda kili yaŋ yoyigit, “Amin kinda nak da mandaŋ noko kaŋ, unun amin naŋ tebai abidoni.” <sup>49</sup>Judas tepmi Yesukon kiŋ altaŋek yaŋ iyigit, “Yoyiŋdet, kalbi tagisi!” Yaŋ iyijek mandaŋ nagit.

<sup>50</sup>Yaŋ aban Yesu da yaŋ iyigit, “Not, yo ak do nandaŋek abil unun abi.”

Yaŋ iyinban emat amin da Yesu tebai abidawit. <sup>51</sup>”Aba Yesu da kabikon nani kinda da emat agak sibani ilikban wiŋban mukwa sogok amin dakon mibiltok amin dakon oman monjini miragi mandaŋ dagagit.

<sup>52</sup>°Aban Yesu da yaŋ yagit, “Gak emat agak sibago yigikon simil. Emat agak siba pawilgaŋ amin unun emat agak siba da mandaŋ yoba kimokgoŋ. <sup>53</sup>Nak Datno aripmi tagi iyiko unun da aŋelo 72 tausen yabekban abiŋ nak tagi aŋpulugoni. Gak unun dima nandisal, ma?

<sup>54</sup>Mani yaŋ abeŋ kaŋ, Piŋkop da papiakon gen tosoŋ unun niaŋon da bami toŋ asak? Uwalno da yo yaŋsi aŋnamni do yosok.”

<sup>55</sup>”Yaŋ yaŋek unudon gin Yesu da amin kabi madep yaŋ yoyigit, “Ji nak do kabo noknok kinda yaŋ nandaŋek emat agak siba ae kindap kiriŋyo timigek nak abidok do abeŋ, ma? Nak gildari gildari Telaŋi Yut Madep da nagalgwan ji gat egek amin yoyiŋ dekgim. Unun bisapmon nak abidok do dima nandawit.

<sup>56</sup>Mani Piŋkop da papiakon kombi amin da gen mandawit yaŋ gin bami noman tosoŋ.” Yaŋ yaŋban paŋdet morapni Yesu yipmanek pasal kiŋ mudawit.

#### Yesu gen pikon aŋaŋ kiwit

(Mk 14.53-65; Lk 22.54-55; 22.63-71; Jn 18.13-14; 18.19-24)

<sup>57</sup>Yesu abidawit amin unun Yesu abidaŋ aŋaŋ mukwa sogok amin dakon mibiltok amin Kaiapas da yutnon aŋkiwit. Unudon gen teban dakon yoyiŋdet amin gat ae kila amin gat kisi muwukgwit. <sup>58</sup>Pita kagi kagisok da Yesu yol aŋkiŋek, mukwa sogok amin dakon mibiltok amin dakon yoma nagalgwan pigigit. Pikwan obip amin gat yigek Yesu yo niaŋsi aŋiba kokeŋ yaŋ do pindak egipgut.

<sup>m</sup> 26.46 Jn 14.31    <sup>n</sup> 26.51 Jn 18.26    <sup>o</sup> 26.52 WW 9.6; PA 13.10    <sup>p</sup> 26.55 Lk 19.47; 21.37



<sup>59</sup> Añakwan mukwa sogok amin dakon amin madep kabi gat ae gen kokwin amin kisi morap gat da yañ nandawit, amin di yañ yomno abin Yesu top gen yañ imiñek gulusuñ agit yañ yañakwa añaatno kimotjak yañ nandawit. <sup>60</sup> Mani amin morapmi yañ yoba abinjek top gen morapmi yawit, mani asi gulusuñ kind a agit yañ dima kawit. Don amin bamori da abin yañ yagimal, <sup>61</sup> <sup>q</sup> “Nin da nandañapno Yesu da yañ yagit, ‘Nak da Piñkop dakon Telagi Yut Madep unun tuwilek gildat kapbi da butgwan ae witjiken.’”

<sup>62</sup> Yañ yañakwal mukwa sogok amin dakon mibiltok amin da pidañ agek Yesu yañ iyigit, “Gak gen kobogi kind a dima yoyiki? On amin morap gen yañ gaba niañ nandañ yomisal?” <sup>63</sup> Mani Yesu da gen kind a dima yagit.

Yañ aban mukwa sogok amin dakon mibiltok amin da aeni iyigit, “Gak Piñkop egip egipmi toñ unun da manon yañ teban tok añek gen bamisi yoki. Gak asi Kristo, Piñkop dakon Monji bo dima? Kili bami ya!”

<sup>64</sup> Yañban Yesu da yañ yagit, “Gen yosol unun bami. Ji don kañakwa Amin Dakon Monji Tapmim Ami da aminsi tet do yikban kokdañ. Añek kañakwa kundukon gikwemon da apban kokdañ.”

<sup>65</sup> Yañ yañban nandañek mukwa sogok amin dakon mibiltok amin buri wagil yokwi tañban iyi dakon paba pigikni pudañek yagit, “Mibilni nandak do amin nido sañbejek yoyino apni? Iyi Piñkop kulabinejek ‘nak Piñkop dakon Monji’ yañ yosok, <sup>66</sup> “do ji da niañ añ imneñ do nandañ?”

Yañban kisi morap da yawit, “Gulusuñ asak, do si kimotjak.”

<sup>67</sup> Yañ yañek diwari da ilip sul imiñek kisit da añaagwit. Ae diwari da mogim kulbak añaagek <sup>68</sup> yañ iyiwit, “Kristo gak namin da gikdak? Kombi gen ya!”

### **Pita da Yesu do wasip yagit**

*(Mk 14.66-72; Lk 22.56-62; Jn 18.15-18; 18.25-27)*

<sup>69</sup> Añakwa Pita unun yut da nagalgwan yigakwan mukwa sogok mibiltok amin dakon oman miñatjok kind a da abin yañ iyigit, “Gak Yesu Galili amin gat kisi egipgwit.”

<sup>70</sup> Yañban Pita da wasip yañek yagit, “Gak da gen unun yosol nak dima nandisat.”

<sup>71</sup> Yañ yañek wigaron pigakwan oman miñat kind a Pita kañek amin unudon akgwit yañ yoyigit, “On amin unun Yesu Nasaret amin gat kisi egipgwit.”

<sup>72</sup> Yañ yañban Pita aeni geni añaeban añek yañ iyigit, “Asisi, nak unun amin dimasi nandañ imisat!”

<sup>q</sup> 26.61 Jn 2.19-21    <sup>r</sup> 26.63 Ais 53.7; Mt 27.12    <sup>s</sup> 26.64 Kap 110.1; Dan 7.13; Mt 24.30

<sup>t</sup> 26.65 Mt 9.3; Jn 10.33    <sup>u</sup> 26.66 MS 24.16; Jn 19.7    <sup>v</sup> 26.67 Ais 50.6; 53.5

<sup>73</sup>Timisok di egek amin kapmatjok akgwit unjun da kinj Pita yanj iyiwit, “Gak dakon tek nandano asi gak unjun amin kabi dakon kokup isalni kinda yanj asak, do gak unjun da kabikon nani yanj nandamañ.”

<sup>74</sup>Yanj yanjba Pita da tebaisi yanjek yagit, “Asisi dayisat, amin unjun yoñ nak dimasi nandan imisat. Top yosot kanj, Piñkop da nak tagi anupbal asak!”

Yanj yanjakwan unjudon gin pup gen yagit. <sup>75</sup>\*Yanjban nandaneñ Pita Yesu da gen yagit unjun do buri pisagit. Gen unjun yanj yagit: “Pup da gen dima yanjakwan gak da nak do wasip yanji kosit kapbi akdisak.” Pita da gen unjun do buri pisanjban wanja pigi kunam madepsi takgit.

### Yesu Pailaron anañ kiwit

(Mk 15.1; Lk 23.1-2; Jn 18.28-32)

**27** <sup>1</sup>Wisawisa do mukwa sogok amin dakon amin madep kabi gat ae kila amin gat da muwugek Yesu anjakba kimotjak do yanj dagok awit. <sup>2</sup>Añek Yesu kisiri wamañ anji gapman dakon mibiltok amin Pailat da kisiron yipgwit.

### Judas kimakgit

(Ya 1.18-19)

<sup>3</sup>Judas Yesu uwal da kisiron yipgut amin kanjban Yesu kimotjak do yanj dagok anakwa mabisi at yanj nandagit. Añek nandak nandakni kulabik anek silwa moneñ 30 yanj timikgit unjun mukwa sogok amin dakon amin madep kabi gat ae kila amin gat do aeni pañtobil yomgut. <sup>4</sup>Yomineñ yanj yoyigit, “Nak sunsi anek amin kilegi kinda uwal da kisiron yipmat. Unjun ji da anakba kimotdisak.”

Yoyinban yanj iyiwit, “Unjun nin dakon yo dima. Unjun gak dakon yo gin.”

<sup>5</sup>\*Yanj yanjba Judas silwa moneñ unjun telagi yut da nagalgwan dapban pigakwa kinj iyi tipgut.

<sup>6</sup>Aban mukwa sogok amin dakon amin madep kabi da silwa moneñ unjun timigek yanj yawit, “Moneñ on yawi dakon tomni. Do telagi yut dakon moneñ gat kisi yopneñ kanj, gen tebanin yadpamañ.” <sup>7</sup>Yanj yanjek unjun moneñ banj miñtim kwoba wasawit miñtim tim kinda yumañ nawit. Yumañ nanek amin dubagikon da abin kimokgoñ unjun dakon amin kimakba yopyop tamo kinda wasawit. <sup>8</sup>Yanj awit do unjun miñtim tim unjun do Yawi Miñtim yanj yawit da yoñ. <sup>9</sup>Yanj anakwa kombi amin Jeremaia da gen mandagit unjun bami noman tagit. Gen unjun yanj, “Israel amin da unjun amin yumañ noni do silwa moneñ 30 banj tomni yomgwit. <sup>10</sup>Yanj anek Amin Tagi da nayigit, unjun da tilagon

∗ 26.75 Mt 26.34 ∗ 27.5 Mt 26.14-15; Ya 1.18-19 √ 27.9-10 Sek 11.12-13

uŋun moneŋ baŋ miktim kwoba wasawit miktim tim kinda yumaŋ nawit.”

**Gak Juda amin dakon kila amin madep, ma?**

*(Mk 15.2-5; Lk 23.3-5; Jn 18.33-38)*

<sup>11</sup>Yesu gapman dakon mibiltok amin Pailat da iŋamon agakwan Pailat da yaŋ iyigit, “Gak Juda amin dakon kila amin madep, ma?”

Yaŋban Yesu da gen kobogi yaŋ yagit, “Yosol uŋun mani.”

<sup>12</sup>Yaŋ yaŋban mukwa sogok amin dakon amin madep kabi gat ae kila amin diwari gat da gen yaŋ imiŋba gen kobogi kinda dima yoyigit.

<sup>13</sup>Yaŋ aban Pailat da aeni iyigit, “Amin on da gak wasok yokwi agil do gen morapmi yaŋ gamaŋ. Uŋun dima nandisal, ma?” <sup>14</sup>Yaŋ yaŋban Yesu da gen kobogisok kinda dimasi yaŋakwan Pailat da Yesu do nandaban ŋwakŋwarisi agit.

**Pailat da Yesu tilak kindapmon kimotjak do yaŋ dagok agit**

*(Mk 15.6-15; Lk 23.13-25; Jn 18.38–19.16)*

<sup>15</sup>Bilagi bilagi Yapyap Bilak bisapmon gapman dakon mibiltok amin da wasok kinda yaŋ agit. Miŋat aminyo da amin kinda dam tebanon yikdak uŋun mani yaŋakwa, Pailat da pulugaŋ yopban kiŋ kiŋ awit.

<sup>16</sup>Uŋun bisapmon amin yokwisi kinda dam tebanon yikgit, mani Barabas.

<sup>17-18</sup>“Amin abiŋ muwugakwa Pailat da amin da Yesu do nandaba yokwi taŋban top yaŋek gen pikon yipgwit yaŋ nandagit. Yaŋ nandaneŋ Yesu aŋkutnaneŋ yaŋ yoyigit, “Ji dakon galaktok namin naŋ pulugaŋ yipbo jikon opjak, Barabas do nandaŋ bo Yesu mani kinda Kristo yaŋ yoŋ uŋun naŋ?”

<sup>19</sup>Yaŋ yaŋek Pailat gen kokwin tamokon yigakwan miŋatni da gen kinda yaŋ yipban apgut, “Nak uŋun amin kalbi dipminon kat, do jigisi nandisat. Uŋun amin kilegisi, do gak yo kinda dimasi aŋ ibi.”

<sup>20</sup>Mani mukwa sogok amin dakon amin madep kabi gat ae kila amin gat da miŋat amin kabi madep buri suganeŋ yaŋ yoyiwit, “Ji Pailat da Barabas naŋ puluganeŋ Yesu naŋ aŋakban kimotjak do iyini.”

<sup>21</sup>Yaŋba Pailat da aeni yaŋ yoyigit, “Ji dakon galaktok on amin bamoron baŋ namin naŋ pulugaŋ yipbo kisak do nandaŋ?”

Yoyiŋban “Barabas naŋ” yaŋ yawit.

<sup>22</sup>Yaŋba yaŋ yoyigit, “Yesu, mani kinda Kristo yaŋ yoŋ, uŋun do ninan aŋ ibeŋ?”

Yaŋ yaŋban amin kisi da yaŋ yawit, “Tilak kindapmon aŋakba kimotjak!”

<sup>23</sup>Yaŋba Pailat da yoyigit, “Mibili nido? Ni gulusuŋ naŋ agit?”

<sup>z</sup> 27.12 Ais 53.7    <sup>a</sup> 27.17-18 Jn 11.47-48; 12.19

Yanban mibiltok yawit si yapmanjek madepsi yan tidanjek yawit, “Tilak kindapmon anjakba kimotjak!”

<sup>24</sup> Yanba Pailat da iyi yan nandagit, “Gen yoko dima nandañek emat madepsi akdañ.” Yan nandañek miñat amin kabi madep da dabilon kisitni pakbikon sugañek yan yoyigit, “On amin kimakban nak da diwari dima pakeñ, ji da pani.”

<sup>25</sup> Yanban amin kisi da geni yan angtobil imgwit, “Nin gat ae miñat monjiyonin gat da kimotjak dakon kobogi tagi paneñ.”

<sup>26</sup> Yan yanba Pailat da Barabas pulugañ yipban miñat amin kabiyokon kigit. Kiñakwan emat amin yoyiñban Yesu baljawit. Aba don tilak kindapmon anjakba kimotjak do yoyigit.

### Emat amin da Yesu jigilagon da abiñ yipgwit

(Mk 15.16-20; Jn 19.2-3)

<sup>27</sup> Gapman dakon emat amin da Yesu abidañ anañ gapman dakon yut madepmon wigakwa emat amin diwari kisi abiñ Yesu anğwasinek akgwit. <sup>28</sup> Añek Yesu iyi dakon imalni iligek kila amin madep da imal gami dubak pañ unuden kinda pañ imgwit. <sup>29</sup> Yan añek nap keli toñ nañ kila amin madep dakon pelit yombem kinda wasañ busuñikon aba pigigit. Aba pigakwan kindap kirin kinda kisiri aminsi tet do yipman imgwit. Yipman iminek gawak iminek topmon da man madep iminek gen yan iyiwit, “Gildat tagi, Juda amin dakon kila amin madep!” <sup>30</sup> Añek ilip sul iminek kindap kirin kisirikon yipgwit unun gwayeñ busuñikon kosiri morapmi baljawit. <sup>31</sup> Añek topmon da man madep imin mudañek imal gami iligek iyi dakon pabi pigik pañ imgwit. Pañ iminek tilak kindapmon anjakba kimotjak do ilik anañ kiwit.

### Yesu tilak kindapmon anjakgwit

(Mk 15.21-32; Lk 23.26-43; Jn 19.17-27)

<sup>32</sup> Kosiron kiñek emat amin da Sairini kokupmon amin kinda kawit, mani Saimon. Unun tebai iyinba Yesu dakon tilak kindapni guramikban kiwit. <sup>33</sup> Kiñ miktim tim kinda mani Golgata unudon altawit. (Golgata dakon mibili unun Busuñ Kidat fleñ.) <sup>34</sup> Kiñ altañek wain gat ae pakbi isipmi kinda gat iktagilek iminba nañ nandat añek nok do kurak tagit. <sup>35</sup> Anakwan tilak kindapmon anagek emat amin da satu wasok añek imalni kokwinik timikgwit. <sup>36</sup> Satu wasok aba mudanban miktimon pabiñ yigek kila añek kañ egipgwit. <sup>37</sup> Kwen busuñikon mibili nido anakgwit unun dakon but piso yan mandawit, ON YESU, JUDA AMIN DAKON KILA AMIN MADEPNI

<sup>b</sup> 27.24 GT 21.6-9    <sup>c</sup> 27.25 Ya 5.28    <sup>d</sup> 27.28 Lk 23.11    <sup>e</sup> 27.30 Ais 50.6  
<sup>f</sup> 27.34 Kap 69.21    <sup>g</sup> 27.35 Kap 22.18

38<sup>h</sup>Kabo noknok bamori Yesu gat kisi dapgwit. Kinda aminsi tetdo, ae kinda gwanderj tet do tilak kindapmon dapmanj dapmanj awit. 39<sup>i</sup>Amin kinj ap awit unun da yanba yokwi tok anj iminej wunda kwalkwal anej yanj iyiwit, 40<sup>j</sup> “Gak Telagi Yut Madep tuwilek gildat kapbi da butgwan ae witjik do yagil, do giptimgo anjknutnoki! Gak asi Pinjkop dakon Monji egisalon tilak kindapmon da pi!”

41 Yanj yanba mukwa sogok amin dakon amin madep kabi gat gen teban yoyindet amin gat ae kila amin gat unun kisi yanj gin jigilak iyinej yawit, 42 “Amin diwari panpulugagit da nido iyi anpulugok do antidok asak? On Israel amin dakon kila amin madepni ma! Kanj tilak kindapmon da pinjban kanjek nandanj gadanj imne. 43<sup>k</sup>Pinjkop nandanj gadanj iminej yanj yosok, ‘Nak Pinjkop dakon Monji egisat.’ Pinjkop da Monji anpulugok do nandisak kanj, tagi anpulugosak.” 44 Unudej gin kabo noknok bamot teri teri dapbi ununyo kisi yanba yokwi tok yanj gin agimal.

#### Yesu kimakgit

(Mk 15.33-41; Lk 23.44-49; Jn 19.28-30)

45 Gildat binap 12 kilok miktim kisi pilin tuk anjakwan kinj pilindo 3 kilok agit. 46<sup>l</sup> kilok anjakwan Yesu da yanj tidanej yanj yagit, “Eli, Eli, lama sabaktani?” Gen unun dakon mibili yanj:

“Pinjkopno, Pinjkopno, nido nepmanj dekdal?”

47 Yanj yanban amin diwari kapmatjok akgwit unun nandanej yawit, “Nandanj, unun Elaija do yanj imisak.”

48<sup>m</sup> Yanba unudon gin amin kinda timent yanjek kinj yo kinda gugidan yombem jol diwaron wamanj wain gat ae pakbi isipmi gat unungwan sibinej Yesu da nosak do anenak imgut. 49 Anjakwan diwari da yawit, “Yum kanba konej. Elaija da abi anpuluganban konej bo dima?”

50 Yanj yanakwa Yesu aeni yanj tidanej wupni yipban kinjakwan kimakgit.

51<sup>n</sup> Kimagakwan unun bisapmon gin Telagi Yut Madep dakon yoma imal unun kwen da sulugi pinj mibilikon daganek timi bamori agit. Yanj anjakwan miktim wudip anjakwan tip madep morapmi da sulugiwit.

52 Unun yo morap altajakwa amin kimakba yopmanjanj tamo witald kinakwa Pinjkop dakon amin morapmi kalip kimakba yopbi unun pidawit. 53 Pidanj don Yesu da kimoron da pidanjakwan telagi kokup papmon pukwa amin morapmi da pindakgwit.

54 Anjakwa emat amin 100 dakon kila amin gat ae emat amin Yesu do kanj egipgwit amin unun wudip ae yo morap altawit unun pindagek si pasalgwit. Pasalek yanjsi yawit, “On amin asisi Pinjkop dakon Monji egipgut.”

<sup>h</sup> 27.38 Ais 53.12    <sup>i</sup> 27.39 Kap 22.7; 109.25    <sup>j</sup> 27.40 Mt 26.61; Jn 2.19    <sup>k</sup> 27.43 Kap 22.8  
<sup>l</sup> 27.46 Kap 22.1    <sup>m</sup> 27.48 Kap 69.21    <sup>n</sup> 27.51 TP 26.31-33; Ibr 10.19-20

<sup>55</sup>°Añakwa miñat diwari dubagisogon da agek yo uñun pindakgwit. Yesu Galili miktim yipman abinjakwan uñun miñat kabi da yol awilek oman añ iminek agipgwit. <sup>56</sup>Uñun kabikon kinda mani Maria, kokupni Makdala. Ae Maria ñwakñwari kinda Jems gat Josep gat dakon menji. Ae Sebedi dakon monji bamot uñun dakon menji kisi akgwit.

### Yesu dakon bumjotni tip kinamgwan yipgwit

(Mk 15.42-47; Lk 23.50-55; Jn 19.38-42)

<sup>57</sup>Pilindo yoni morapmi amin kinda Arimatea kokupmon da apgut. Uñun mani Josep. Uñun Yesu dakon pañdetni kinda. <sup>58</sup>PJosep uñun Pailaron kin Yesu dakon bumjotni abidok do iyigit. Iyinban emat amini yoyinban bumjotni Josep do imgwit. <sup>59</sup>Iminba abidan añki imal garagi mini kinda nañ wamanek <sup>60</sup>°añki iyi dakon tip kinam amin kimakbi do kaluk pasinbi uñungwan añki yipgut. Yipmanek tip madepsi kinda añtobilban abin yoma sopmanjakwan yipman kigit. <sup>61</sup>Maria Makdala kokupmon nani gat ae Maria kinda gat tip kinam da kapmatjok yigek yo agit uñun nomansi kagimal.

### Emat amin da tip kinam do kila awit

<sup>62</sup>Sabat bisap do tagap tok añ mudanek wisa dagokdo mukwa sogok amin dakon amin madep kabi gat ae Parisi amin gat Pailaron kiwit. <sup>63</sup>°Kin yañ iyiwit, “Top amin si egipgut bisapmon gen kinda yañ yagit, ‘Gildat kapbi mudanekwa kimoron da pidoken’ yañ yagit. <sup>64</sup>Yañ yagit, do gak obip amingo tebaisi yoyinbi tip kinam dakon kila tebaisi añakwa wigi gildat kapbi mudoni. Yañ dima ani kañ, pañdetni da abin bumjotni kabo añkisibin añkinek Yesu kili pidak yañ amin yoyikdañ. Yañ ani kañ, mibiltok iyi do top gen yagit uñun yapmanek top gen yokdañ uñun da yo yokwisi kinda akdisak.”

<sup>65</sup>Yañba Pailat da yañ yoyigit, “Ji obip amin timikba kin tip kinam uñun nianñi anek kilani ak do nandan uñun da tilagon yoyinba ani.” <sup>66</sup>Yañ yoyinban tip kinamon kin tip madep yoma kaga soguron tilak kinda dima abidoni do yipgwit. Yipmanek obip amin da kilani tebaisi ani do yopba akgwit.

### Yesu kimoron da pidagit

(Mk 16.1-10; Lk 24.1-10; Jn 20.1-18)

**28** <sup>1</sup>Sabat bisap mudanekwan pakgwit da Sonda wisa dagokdo Maria Makdala kokupmon nani gat ae Maria kinda gat tip kinam kok do kigimal. <sup>2</sup>Kinjakwal uñudon gin wudip madep agit. Añakwan Amin Tagi dakon añelo kinda Kwen Kokupmon da pin tip madep

° 27.55 Lk 8.2-3 P 27.58 GT 21.22-23 ¶ 27.60 Ais 53.9 † 27.63 Mt 12.40; 16.21; Mk 9.31; 10.33-34; Lk 9.22; 18.31-33; Jn 2.19-21

uŋun aŋtobilban kiŋakwan kwenikon yikgit. <sup>3</sup>Aŋelo uŋun mal da yaŋ teŋteŋaŋakwan imalni uŋun gik sitnaŋ yombem kwakwagisi agit. <sup>4</sup>Obip amin uŋun kaŋ pasal nimnimik maŋ pagak kimakbi yombem awit.

<sup>5</sup>Yaŋ aŋakwa aŋelo da miŋat bamot yaŋ yoyigit, “Jil dima pasoljil. Yesu tilak kindapmon aŋakbi naŋ wusik do abamal yaŋ nandisat. <sup>6</sup>Yesu yaŋgit da aripmon Piŋkop da kili aban pidak. Idon dima egisak. Abiŋ tamoni do konjil. <sup>7</sup>Jil tepmisi kiŋ paŋdetni yaŋ yoyiŋjil, ‘Uŋun Piŋkop da kimoron naŋ kili aban pidak. Mibiltaŋ damiŋek Galili miktimon kik, do uŋudon kiŋ koni.’ Nak gen on dayik do pit.”

<sup>8</sup>Yaŋ yoyiŋban miŋat bamot uŋun pasalgimal, mani kisik kisik nandaŋek timtim yaŋek paŋdet kabini gen uŋun yoyik do kigimal. <sup>9</sup>Kiŋakwal Yesu gat domdom aŋek yaŋ yoyigit, “Wisa dagokdo tagisi.” Yaŋ yoyiŋban kandapmi abidaŋek gawak imgumal. <sup>10</sup>Aŋakwal Yesu da saŋbenek yaŋ yoyigit, “Dima pasoljil. Jil kiŋ notnoni kabi yoyiŋbal Galili kiŋ uŋudon nandani.”

### Obip amin dakon gen

<sup>11</sup>Miŋat bamot kiŋakwal obip amin diwari tip kinam dakon kila awit uŋun da kokup papmon kiŋ mukwa sogok amin dakon amin madep kabi yo morap altawit uŋun dakon gen morap yoyiŋ mudawit. <sup>12</sup>Yoyiŋba mukwa sogok amin dakon mibiltok amin gat ae kila amin gat muwugek niaŋ ano kilek tosak yaŋ do gen paŋkosit awit. Aŋek obip amin do moneŋ madepsi yomiŋek <sup>13</sup>yaŋ yoyiwit, “Ji yaŋsi yoni, ‘Nin kalbi pak iŋtaŋapno paŋdetni da abiŋ bumjotni kabo aŋkisibeŋ.’ <sup>14</sup>Gapman dakon mibiltok amin da uŋun dakon geni nandisak kaŋ, nin da iyino buri maŋakwan jikon jigi kinda dima tosak.”

<sup>15</sup>Yaŋ yoyiŋba obip amin moneŋ timigeŋ geni guramikgwit. Gen uŋun Juda amin da yaŋ aŋ ireŋ aba abisokyo kisi yaŋ gin yoŋ.

### Yesu da paŋdet kabini Piŋkop dakon pi ani do yoyigit

(Mk 16.14-18; Lk 24.36-49; Jn 20.19-23)

<sup>16</sup>Paŋdetni 11 kabi Galili miktimon kiŋ, Yesu da kabap kinda uŋudon wigini do kili yoyigit uŋudon wigiwit. <sup>17</sup>Wigi Yesu kaŋek gawak imgwit, mani diwari da but bamot awit. <sup>18</sup>Aŋakwa Yesu da paŋdet kabinikon kiŋek yaŋ yoyigit, “Piŋkop da yo morap Kwen Kokupmon ae miktimon kila abeŋ dakon pi nak do yaŋ mudan namgut. <sup>19</sup>Uŋun do ji miktimi miktimi kiŋ miŋat amin morapyo paŋpulugaŋba nak dakon paŋdet kabino dagoni. Aŋek Dat ae Monji ae Telagi Wup uŋun da manon telagi pakbi soŋ yomni. <sup>20</sup>Nak da gen dayiŋ doligiŋ uŋun kisisi guramitni do yoyiŋdetni. Nandani, nak ji gat gildari gildari egapno miktim dakon bisap mudosak.”

<sup>s</sup> 28.6 Mt 12.40; 16.21    <sup>t</sup> 28.10 Mt 26.32    <sup>u</sup> 28.16 Mt 26.32    <sup>v</sup> 28.18 Jn 13.3; Ep 1.20-22  
<sup>w</sup> 28.19 Mk 16.15-16; Ya 1.8